




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.550




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.550





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINAQI_2 v. 550


2R.6 2.6.550


XXXIX
COMMODO

















COMMODIANI
INSTRVCTIONES

aduersus Gentium Deos.

PRO CHRISTIANA DISCIPLINA.

*Tempore Siluestri P. R. sub Constantino
Caes. compositae.*

Nunc primum typis mandatae.



Tulli Leucorum.

Apud S. Belgrand & I. Laurentium;
Typographos Regios.

M. DC. L.

Cum privilegio Regis.

COMMON OF AM
INSTRUMENTS

By the said Court of Common Pleas

For the better ordering and

regulating the same

And for the better

and more convenient

and more convenient

and more convenient

and more convenient

and more convenient

and more convenient

and more convenient

and more convenient

and more convenient

and more convenient

and more convenient

and more convenient

and more convenient

and more convenient

and more convenient

and more convenient

NICOLAI RIGALTII 3
DE COMMODIANO
EIVSQVE OPVSVLIS.

BENE à Gennadio Commodianus, libello de viris illustribus, describitur. Vir bonus, vere Christianus & simplex; ab omni fastu, ab omni gloriae saecularis ambitione alienus; caritatis, quae proprie Christianum demonstrat, cultor egregius: perfectissimus ascetes futurus, incipiente iam tempore sapientiae Monachalis. Gazum se dicit. An à Gaza Phoenices siue Palaestinae, an à gaza siue gazophylacio, nondum comperi. Ipse sibi cognomentum indidit, Mendico Christi: & gazum dixit, aerarium pauperum necessitatibus paratum, cui semper augendo, munificas opes potentiorum crebris obtestationib. ac propè conviciis implorat & flagitat. Huncce igitur Commodianum aevo Silvestri primi, Ecclesiae Romanae Pontificis, vixisse, fatis ipse Commodianus significat, opuscu-

A ii

lo, quo Gentiles inuitat siue compellit ad illius Pastoris praesepe. adeoque, verisimile videatur, ipsum opusculum Romae, aut certe in Italia, fuisse compositum. Stilus, Africanae ferociae rusticitatem sapit. quae tamen ad acumina Tertulliani, Cypriani, Minutii non infrequenter alludit; quaedam etiam interserit Graecae & Latinae antiquitatis scita non vulgaria. Libelli vetus exemplar haud vidi. apographum habui tantum, ab eximio viro Iacobo Sirmondo; sed foedis vbique fere mendis corruptum. Veterem scripturam, vel ipse Sirmondus habet, vel vnde haberi queat scire non difficitur. Ego quidem valde assentior existimantibus, futilem esse atque fallacem; immo plerumq. in hac literarum parte perniciosam, coniectandi licentiam: Sed ex istius libelli apographis constat, manum illam antiquam fuisse iampridem deprauatissimam. Itaque, quod fieri solet in desperatis, libuit in isto misello Commodiano; non

tanquam in Care; nam esse pretii duco non
minimi Christianum, quem inter illustres
censuit Gennadius, periculum facere, si
qua posset industria libellus scriptoris anti-
quissimi editione nostra reformari ac re-
staurari. Latebat inter apocrypha Gelasii,
Millenariae fabulae felicitatem expectans.
Fabulam dico illam quae priscis Christia-
nistantopere placuit, ut sequestres & fidei
commissarios interpretes habuerit Iusti-
nos, Papias, Irenaeos, Tertullianos, La-
ctantios. quorum certe virorum, in quibus
& martyres quidem praeclari, tanta fuit
auctoritas, ut ipsum etiam Augustinum
habuerint sectatorem, spe felicitatis illius
temporariae aliquatenus & aliquādiu cap-
tum: Hieronymum quoque addubitatorem.
certe non condemnatorem, sed iudicio
Domini reseruantem. Libello suo Com-
modianus titulum fecit, Instructiones, sci-
licet ad Paganos, ut ab idolorum cultu ad
veram Christianae legis philosophiam con-

uertantur. quin etiam ad Christianos ipsos, ne obliti Christianorum ad secularia redeant. Scripsit mediocri sermone, quasi versu. Etenim versibus faciendis nec leges nec modulos seruat. maior ubique acrostichidis ratio, quam metri. Acrostichides vero sunt, ex cuiusque poematii titulis constructae; sic adsignata cuique versui litera, ut à primo cuiusque poematii versu totus deinceps poematii titulus per litteras versuum primas decurrat; quemadmodum fabulae nomen in Plautinis quibusdam comoediarum argumentis. qui modus acrostichidum vulgaris, apertus & innocens; absimilis illi versutiae, quam Tullius in carminibus aevo iam suo Sibyllinis obseruauit. Ceterum, qualiscumque iste Comodianus esse videbitur, ab Gennadio primum, inde ab Gelasio citatus, hoc tandem seculo in Sirmondi manibus apparuit squalidus, tanquam ex vinculis ac diutino apud Barbaros situ, vindicias poscens. Nec vindi-

cem sane aliū optare potuit praestantiorē
Sirmondo. Nam exinde ostensus & com-
municatus amicis, benigne excipi ac foue-
ri cepit. Neq. ipsum hac editione sperare
aliud velim, quam vt oblatum iterum Sir-
mondo, plena demum ac iusta apud eum
manumissione prodeat, liberali schemate
tersus ac nitidus. Interea verò dum id pro-
peratur, magnae auctoritatis manumisso-
rem exoratum cupio, ac, pro viri benigni-
tate, confido fore, bonas vt in partes acci-
piat, horas aliquot à me impensas homini
Christianae pietatis ac disciplinae fancien-
dae studiosissimo: nimirum ut appareat
hodie Cypriano, sicut Minutius nuper ad-
stitit Tertulliano: & iam vterque doctor
suo gaudeat sequaci, siue diacono: vterq.
item minister suo seruiat magistro, siue sa-
cerdoti. Seculum iste suum malis moribus
inquinatissimum castigat; acer ubique &
horridus monitor. quasi prophetico furo-
re carminum sonos fundit, negligens or-

dinis, negligens elegantiarum; asyndeta vel anacolutha passim. ut tamen existat in ipso neglectu cura, & facultas, & vis aliqua dicendi, carpendique ipsos tunc temporis Christianorum proceres. Observationibus meis hoc praesertim studui; descriptoribus aevo Commodiani proximis apponere quod obscuris daret lucem. Coniecturas proposui, quales absque exemplaribus antiquis praestare nemo debeat; quibus tamen uti minime pudeat, quandiu non contradicent exemplaria. Denique, usus & efficacia libelli huiusce fuerit, constans & perpetuus amor Christi; animus ad martyrium fortis; pietas erga pauperes maxima. Hoc praeterea scire; vitia, quae etiamnum Ecclesiam dehonestant, esse vetustissima. Infinitam semper fuisse de rebus diuinis disputantium multitudinem, paucissimos verò Christianos.



COMMODIANI INSTRVCTIONES

PER LITTERAS VERSVVM PRIMAS,

I. Praefatio.

*Praefatio nostra viam erranti demonstrat,
Respectumque bonum; cum venerit seculi meta;
Aeternum fieri, quod discredunt inscia corda.
Ego similiter erravi tempore multo,
Fana prosequendo, parentibus inscijs ipsis.
Abstuli me tandem inde, legendo de Lege.
Testificor Dominum; doleo. pro civica turba!
Insicia quod perdit, pergens Deos quaerere vanos.
Ob ea perdoctus ignaros instruo verum.*

COMMODIANI.] Inter veteres Inscriptiones Iani Gru-
teri studio collectas videre est pag. cccii. matriculam ordinis
domus Augustae Palatinae, vbi nomen Commodiani, cum
praenomine Mindii; quod occasionem dedisse appellationi
Mendici, qua se Commodianus noster insignem fecit poemat-
iorum extremo, tam vanum esse videbitur, quam incertum
huicce nostro Commodiano praenomen fuisse Mindio. Illud
similius vero, dictum in saeculo Commodianum, Christiana
postmodum simplicitate cognominari voluisse Mendicum: &
Christi mendicum, Christo ditatum, iam extitisse verè Com-
modianum.] COMMODIANI INSTRVCTIONES] Later-

B

culum Gelasij Episcopi Romani de Scripturis apocryphis, in Concilio Rom. I. anno Domini ccccxciiii. opuscula Tertulliani, Lactantii, Commodiani inter apocrypha recenset. Huiusce autem Concilii canon insertus est Gratiani Decreto, Dist. xv. c. 3. omiſſis opusculis Commodiani. ¶ RESPECTVMQVE BONVM] Septuaginta Interpretes Respectum dicunt EPISCOPEN, visitationem; divinae scilicet gratiae aut ultionis; benedictionis in vitam aeternam; maledictionis in geenam. Bonum respectum pollicetur Sapientia Solomonis iustis & sanctis, cap. 3. Et in tempore erit respectus illorum: ΚΑΙ ΕΝ ΚΑΙΡΩ ΕΠΙΣΚΟΠΗΣΑΥΤΩΝ ΕΚΛΑΜΨΟΥΣΙ. ¶ LEGENDO DE LEGE] Legem hic & alibi passim appellat libros vtriusque testamenti. ¶ SIGNARVS INSTRVORVM] Atque hinc titulus operi, Instructiones, Christianae videlicet pietatis, Habemus etiam sub eodem Instructionum titulo, Eucherii episc. Lugdunensis duos ad Salonium libros, seculo Theodosii junioris.

2. Indignatio Dei.

*In Lege praecepit Dominus coeli terrae marisque,
Nolite, inquit, adorare Deos inanes,
De manibus vestris factos ex ligno vel auro;
Indignatio mea ne vos disperdat ob ista.
Gens ante Moſen rudis, sine lege morata,
Nesciensque Deum, morientes Deos orabant,
Ad quorum effigies faciebant idola vana,
Translatis Iudaeis Dominus de terra Aegypti,
Imposuit legem postmodum, Et ista praecepit
Omnipotens, Sibi soli deservire, non illis,*

*De resurrectione quoque docetur in ipsa,
Et spe, fortunatum rursus in aevo vivendi,
Idola si vanarelinquantur, neque colantur.*

DE RESVRRECTIONE QVOQ. DOCETVR] In Lege Domini docetur de Resurrectione corporum: docetur etiam de spe vitae rursus vivendae in aevo. Atque hinc iam Auctor incipit dogma suum Millenariae felicitatis adstruere. ¶ ET SPE FORTVNATVM] Tertull. in hanc sententiam librum scripserat De spe fidelium: & hunc librum habuit olim in suo Tertulliani codice Agobardus episc. Lugd. sicut indice declaratur exemplaris antiqui, quod in Biblioth. Regia servatur. ¶ RVRSVM IN AEVO VIVENDI] In aevo, in orbe terrae, in hoc mundo.

3. Cultura Daemonum.

*Cum Deus omnipotens exornaret mundi naturam,
Visitari voluit terram ab Angelis istam,
Legitima cuius spreuerunt illi dimissi:
Tanta fuit forma feminarum quae flecteret illos,
Vt coinquinati non possent coelo redire.
Rebelles ex illo contra Deum verba misere.
Altissimus inde sententiam misit in illos;
De semine quorum Gigantes nati feruntur.
Ab ipsis in terra artes prolatae fuerunt;
Et tingere lanas docuerunt, & quaecunq; geruntur.
Mortales & illis mortuis simulacra ponebant.
Omnipotens autem, quod essent de semine pravo,*

B ii

*Non censuit illos recipi defunctos è morte.
Vnde modo vagi subuertunt corpora multa:
Maxime quos hodie colitis Deos & oratis.*

CULTURA DAEMONVM.] Quae narrantur hac instructione de Angelis apostatis siue desertoribus, vnde nati gigantes, ac de gigantibus daemones auctores simulacrorum & idololatriae, peculiaria fere sunt Commodiano. Etsi nolim insinuari, quae sunt hac de re à veteribus Christianis tradita, originem traxisse de libro Enoch apocrypho, unde aliquid tamen Paulus ipse citavit. Sed tam varia super hisce ac diuersa quisq. commentus est, & sic omnes ab Auctore suo, & abs se se inuicem, dissentiunt, vt quid traditionis instar poni oporteat valde sit incertum; praeter hoc vnum, valde esse temerarium mortali, de rebus diuinis aliquid adserere, vltra quod est ab ipso Domino nostro proditum. ¶ CVM DEVS OMNIPOT. EXORNARET MVNDI NAT.] KOCMON KOCMHCAE, stellis, angelis. KOCMON Graeci nomine ornamentum appellauerunt: cum & nos à perfecta absolutaque elegantia, mundum. Plin. initio libri secundi. ¶ VISITARI VOLUIT TERRAM AB ANGELIS.] Moses non dixit angelos, sed filios Dei. de quibus obseruabimus aliquid ad Instr. XXXVI. ¶ LEGITIMA CVIVS SPREV.] Mandata, leges, ¶ TANTA FVIT FORMA FEMINAR.] Iustinus, Athenagoras, Tertullianus, Cyprianus, Lactantius, Sulpitius Seuerus, & alii, consimilia tradiderunt ex illo apocrypho Enoch: cuius verba ipsa Ios. Scaliger edidit notis ad Graeca Eusebianae Chronologiae, vbi de Egregoris. ¶ NON CENSUIT ILLOS RECIPI.] Lactantius: Tum in coelum ob peccata quibus se immerferunt non recepti, ceciderunt in terram. ¶ SUBVERTVNT CORPORA MVLTa.] Quod fieri creditur in caducariis, epilepticis. Augustinus, libro de beata vita, pagina 215. *Isti homines caducarii sunt, quo nomine vulgo apud nos vocantur, quos comitialis morbus subvertit. Ob-*

seruauimus ad illud Tertulliani ad Scapulam, Cum à daemone
praecipitaretur.

4.

Saturnus.

*Saturnusque senex, si Deus, quando senescit?
Aut si Deus erat, cur natos ille vorabat
Terroribus actus? Sed quia Deus non erat ille,
Viscera natorum rabie monstrosa sumebat.
Rex fuit in terris, in monte natus Olympo;
Nec diuinus erat, sed Deum se se dicebat.
Venit inops animi, lapidem pro filio sorbsit.
Sic Deus evasit, dicitur modo Iupiter ille.*

CUR NATOS ILLE VORABAT.] Nota est fabula, Sa-
turnum filios suos vorasse, quum audisset à filio se regno esse
pellendum. & uxorem, nato Ioue, lapidem pro infante obtulisse
voraci. Seruius ad VIII. Aeneid. ¶ LAPIDEM PRO FILIO
SORB.] Et lapidem omnino torminalem.

5.

Iupiter.

*Iupiter hic natus in insula Creta Saturno;
Vt fuit adultus, patrem de regno privavit.
Proinde nobilium uxores sororesque delusit.
Praeterea, sceptrum fecerat faber illi Pyracmon;
Initio coelum terram Deus & mare fecit;
Terribilis autem iste, medio tempore natus,
Ex antro processit juvenis, furtimque nutritus.*

Respice quod rerum auctor est Deus, non Iovis ille.

NON IOVIS ILLE.] Sic Inst. seq. *Iovis tonat*; & saepe deinceps usurpabit Iovis in primo casu: quod est etiam ab auctoribus multo etiam antiquioribus factitatum.

6. De fulmine ipsius Iovis.

*Dicitis, o stulti, Iovis tonat: fulminat ipse,
Et si parvulitas sic sensit, cur annis ducentis
Fuiſtis infantes; nunquid & semper eritis?
Versa in maturum infantia non capit aevum
Lusus; puerilis aetas cessit, sic & corda recedant.
Moribus virilibus consilia vestra debentur.
Insipiens ergo Iovem tonitruare tu credis;
Natus hic in terris lacte caprino nutritur.
Ergo si illum devorasset Saturnus;
In istis temporibus quis pluebat illo defuncto?
Praesertim si mortali patre Deus nasci credatur.
Saturnus in terris senuit, & defecit in ipsis.
Illum non aliquis prophetavit praenasci
Vel si tonat ipse, lex ab ipso lata fuisset.
Seducunt historiae per vates confictae.
Ille autem in Creta regnavit, & ibi defecit.
Omnipotens vobis factus Alcmenes amator;
Viuos ipse modo similiter amaret si viveret ille.
Impuros oratis & dicitis esse coelestes.*

*Semine mortali natos de Gigantibus illis.
 Auditis, & legitis natum in terra fuisse;
 Unde bene meruit corruptor ascendere coelum?
 Dicitur & fulmen Cyclopas illi fecisse,
 Immortalis enim habuit à mortalibus arma.
 Tot reum crimibus, paricidam quoque suorum,
 Ex auctoritate vestra contulistis in altum.*

DE FVLGINE IPSIVS IOVIS.] Hoc tantum in apographo.
 At in acrostichide addidit Commodianus, AVDITE. ridendo
 scilicet. nam toto poematio docet, Iouem non esse Deum, non
 tonare, non audiri tonantem. ¶ ET SI PARVVLITAS SIC
 SENSIT] Paruulos intra annum vigesimum quintum dici Cu-
 iacius obseruauit, ad l. 2. De fundis patrim. quae est Constan-
 tini, & ad l. 1. de fugit. col. quae est Gratiani. Ea verò intra
 tempora vixit Commodianus, & seculi sui sermone usus est;
 quo etiam sermone utitur vetus interpret S. Scripturae. ¶ CVR
 ANNIS DVCENTIS] Annos ducentos à Christi saeculo
 numerat, trecentis adhuc currentibus. ¶ VERSA IN MA-
 TVRVN INFANTIA.] Vetus versio Pauli, I. ad Cor. II. Cum
 essem parvulus, sapiebam vt parvulus; quando autem factus sum vir,
 euacuavi quae erant paruuli. Apollonius apud Philostr. lib. I. cap.
 XIII. pag. 23. MEIPAKION ΩN EZHTHCA, NYN ΔE OY XPH
 ZHTEIN, ΑΛΛΑ ΔΙΑΔΑΚΕΙΝ Α ΕΥΡΗΚΑ. ¶ TONITRVARE
 TV CREDIS.] Glossae veteres: Tonitrum, Tonitru, BPONTH
 Aliae, ms. BPONTH, Tonitruum. BPONTΩ, Tonitruo. BPON-
 TAIOC, Tonitruabilis. Legendum, tonitrualis; Lucr. I. Néue ruant
 coeli tonitralia templa supernè. ¶ GANYMEDIS AMATOR.]
 In apographo legitur, crme, & superscriptum, medis. Festus. Ca-
 tamitum, pro Ganymede, dixerunt, qui fuit Iouis concubinus. ¶ ET
 DICITIS ESSE COELESTES.] Nam & in coelum dicitur

raptus ab aquila Ganymedes. Videatur opusculum Eusebii, IIII.
edit Sirm. pag. 198. 199.

7. De Septizonio & Stellis.

*De circulo Zonaë fallit vos imperitia vestra,
Ex eoque forte Iovem experitis orandum.
Saturnus fertur ibi, sed stella; nam ille
Expulsus à Iove, aut Iovis in stella credatur:
Poli qui sidera tractavit, solique sator,
Trojanis qui bellum fecit, venerem almam amavit,
Ipsis sideribus aut Mars cum ipsa deprehensus
Zelo maritali; Deus nominatur aduliscens.
O nimium stulti, qui putatis Maïos ab astris,
Nascentes regere, aut totam mundi naturam.
In vulnera positi, & ipsi sub fata viventes,
Obsceni, curiosi, bellatores, impiae vitæ;
Et filios totidem mortales illi fecere;
Terribiles omnes, stulti, septizonio fortes.
Si stellas colitis, colite & bis sena sigilla;
Tum arietem, taurum, geminos, ferumq. leonem.
Et denique vadunt in piscibus, coque, probabis.
Lex sine lege fuga vestra, quod vult esse valebit.
Lasciva vult esse, sine freno vivere quaerit.
Ipsi quod vultis eritis, & deos & deas oratis.
Sic ego colui dum erravi, quod modo culpo.*

De Septi-

DE SEPTIZONIO] Septizonium dixere & Septemzoniū,
 & Septizodium, omnem septenarium ordinem. moles, alias
 aliis superstructas. gigantes contextus. Septizonium Seueri.
 Am. Marcel xv. Septizonium operis ambitiosi nymphaeum.
 Iof. Scaliger Animad. in Euseb. chron. pag. 209. ¶ EXPVL-
 SVS A IOVE] In apographo legitur, *Effugit expulsus à Ioue.*
 Abundat verbum, *Effugit.* itaque dempto, constat versus &
 acrostichis. *nam ille Expulsus à Ioue; aut Iouis in stella credatur.*
 Iouis, in primo casu, vt Instr. s. — *non Iouis ille.* ¶ POLI QVI
 SIDERA TRACTAVIT, SOLIQ. SATOR] Sic emendandum vi-
 detur, vt Iouem derideat, soli conditorem, sicut & poli; qui
 neque solum, neque polum condiderit. ¶ VENEREM AL-
 MAM AMAVIT] Sic emendauimus quod est in apographo,
auem mortalem amauit. mendose. nec ad rem faceret historia Le-
 dae in cycnum conuersae. At Iouialis in Venerem lasciuiae ple-
 na sunt poetarum figmenta. ¶ IPSIS SIDERIBVS] In ipso
 coelo. ¶ AVT MARS CVM IPSA DEPRENSVS] Martem no-
 tat in Venere depresum. ¶ CVM IPSA] Venere, quae est in
 coelo, & in numero quidem stellarum. Hinc vero firmatur con-
 iectura proximè allata. ¶ ZELO MARITALI] Iunonigenae
 Vulcani; Ouid. iii. Fast. ¶ DEVS NOMINATVR ADVLIS-
 CENS] Mars. ¶ QUI PVLTATIS MAIOS AB ASTRIS] In apo-
 grapho legitur, *marhos.* & sic vbique constanter, ubi tamen
 haud dubie legendum est, MAIOS, hoc est Maiâ genitos, At-
 antis filiâ. ¶ ET FILIOS TOTIDEM MORTALES] Hoc est,
 consimiliter mortales. ¶ ET DENIQVE VADVNT IN PIS-
 CIBVS] Etenim qui bis sena Zodiaci sigilla complectuntur
 versiculi vulgares, sic desinunt, ——— *Caper, Amphora, Pisces.*
 Pergit Commodianus ridendo: *coque probabis.* antecedit enim
 Aquarius: *probabis;* experieris non esse Deos. & coquina ipsa
 probabit.

8. De Sole & Luna.

De sole & luna, licet sint praesentanea nobis,

C

*Erratis, quod ego prius, putatis oranda.
 Sunt quidem in astris, sed non sua sponte currunt.
 Omnipotens illos cum conderet omnia primum
 Locauit ibidem cum stellis quarta dierum.
 Errorem antiquus quin cum ***
 Et quidem in Lege iussit ne quis illos adoret.
 Tot deos oratis, qui nihil de vita promittunt.
 Lex quorum in terra non est, nec ipsi praedicti.
 Vos autem seducunt sacerdotes pauci,
 Numinis quid dicant aliquid morituri prodesse.
 Accedite, legite, & discite verum.*

LICET SINT PRAESENTANEA NOBIS] *Astra praesentanea*
dicit Solem & Lunam, quae apprimè omnium astrorum sen-
tiantur à nobis; quae sunt efficacissima, validissima, & spec-
tatissima. Sic diui praesentes, Virgilio; apud quem & Nisus ad
Lunam: Tu dea, tu praesens nostro succurre labori. Aeneid. ix.
 [NIHIL DE VITA PROMITTUNT.] *Vita immortalis, aeterna.*
 [PROMITTUNT.] *Horat. quae medicorum, Promittunt medici.*
Iuuenalis. oculos medico nil promittente relictos.

9.

Mercurius.

*Mercurius vester fiat cum saraballo depictus,
 Et galeam aut pileum pinnatus, & cetera nudus.
 Rem video miram, deum cum sacculo volare.
 Currite pauperculi cum gremio quò volat ille;
 Ut sacculum effundat, vos extunc estote parati.*

*Respicite pictum, quoniam vobis sic ab alto
Iactabit nummos, vos tunc saltate securi.
Vane non insanis? colere deos pictos in axe?
Si vivere nescis, cum bestiis perge morari.*

CVM SARABALLO.] Hieronymus in Daniele: Aquila, inquit, & Theodotio saraballa dixerunt, & non vt corruptè legitur, sarabara. Hesych. ΤΑ ΠΕΡΙ ΤΑς ΚΝΗΜΙΑΔΑς ΕΝ ΔΥΜΑΤΑ. Tertullianus lib. de Pallio, vbi de Alexandro: *In captiua sarabara decessit.* Idem ad Martyras: pag. 154. *Deus scilicet non audiat paenulatos, qui tres sanctos in fornace Babylonii regis orantes cum sarabaris & tiaris suis exaudiuit.* Versio latina vetus Danielis capite III. 94. habet, saraballa: Graeca tamen retinet ΚΑΡΑΒΑΡΑ. Jsidorus, Orig. XIX. citat ex Publio: *Vt quid ergo in ventre tuo Parthi sarabara suspenderunt?* Hieronymus in Dan. Latine vertit, braccas. quae versio verior videtur & aptior ad mentem Publii, Tertulliani, & Commodiani. ¶ DEOS PICTOS IN AXE] Axis hoc loco ponitur eo sensu quo Virgilius dixit Aen. III. *ubi maximus Atlas Axem humero torquet stellis ardentibus aptum.* In axe, in caelo. nam Axis ΑΝΑΚΤΡΟς, Ser. ¶ SI VIVERE NESCI.] Hoc est, si non sapis ad Christum, vitae auctorem aeternae. ¶ CVM BESTIIS PERGE MORARI.] Alludit ad bestias & ΖΟΔΙΑ quae in Zodiaco pingi solent; ariete, tauro, leone.

10.

Neptunus.

*Neptunum facitis deum ex Saturno pronatum:
Et tridentem gerit, vt pisces suffigere possit.
Patet esse deum cumatilem illo paratu.
Troianis non ipse cum Apolline muros eduxit?*
Cij

*Vnde deus factus inops caementarius ille?
Non Cyclopem genuit monstrum? non Maius & ipse
Vivere non poterat de suo? quod structura gerebat.
Sic genuit generatus, qui fuit iam mortuus olim.*

TROIANIS NON IPSE CVM APOLLINE.] Vid. Seruius, ad illud Virg. Aen. II. Neptunus muros, magnoque emota tridenti Fundamenta quatit.

II. Apollo fortilegus, falsus.

*Apollinem facitis citharoedum atque diuinum.
Primum de Maia natus in insula Delo,
Oblata mercede postmodum structor, obsecutus
Laomedonti regi Troianorum muros eduxit.
Locauitque sese, quem deum seducti putatis:
Ossibus cuius amor Cassandrae flagrauit,
Subdole quem lusit virgo, falliturque diuinus.
Officio veruecis potuit scire bicordem.
Repudiatus enim discessit inde diuinus.
Terruit hunc virgo specie, quam ille deberet.
Illa prior quae debuerat deum amauisse,
Lasciuens qui Daphnen sic coepit amare:
Et tamen insequitur, dum vult violare puellam,
Gratis amat stultus, nec potuit consequi cursu.
Vel, si deus erat, occurreret illi per auras.
Sub tectis illa prior venit, remansitque diuinus.*

*Fallit vos gens hominum, nam victu tristi fuerunt.
 Admeti quoque pecora pauisse refertur.
 Lusibus impositis dum mitteret discum in altum.
 Sublapsum non potuit retinere, prostravit amicum;
 Vltimus ille dies fuit Hyacinthi sodalis.
 Si diuinus erat, mortem praescisset amici.*

APOLL. FACITIS CITHAR] Eusebius, iv. Opusculor.
 à Sirm. editor. pag. 199. *Nonne & citharista ille honestus? Primò qui-*
dem cur citharistas Deos ponamus? &c. ¶ OFFICIO VERVECIS]
 officio haruspis, qui exta vervecis inspexisset. ¶ BICORDEM.]
 Vafam, versutam. Bicordem vocat, quae duplici corde fuit,
 fefellitque amatorem suum. Vno corde promisit amplexus suos
 Apollini, vt ab eo disceret artem divinandi: altero corde perfida
 fuit; postquam didicit, negavit quod promiserat. Bicors,
 ambiguo corde. Hesychius, ΔΙΨΥΧΙΑ, ΑΠΟΡΙΑ. BICORDIA.
 & in Epistolis Barnabae & Clementis, ΔΙΨΥΧΟΣ, ΔΙΓΝΩΜΟΣ,
 ΔΙΓΛΩCCOC. ¶ TERRUIT HUNC VIRGO SPECIE.] Torruit.
 ¶ ILLA PRIOR QVAE DEB.] à quo tam efficacem scientiam
 percipere cupiebat. ¶ NEC POTUIT CONSEQVI CVRSV.] Iuli-
 us Firmicus: *Sed ex isto mulierum corruptarum grege vna puella amato-*
rem Deum & vitavit & vicit. Daphnen enim diuinans Deus & futura
praedicens, nec inuenire potuit nec stuprare. Euseb. qui suprà: *O iniuriā!*
virgo ob pudicitiam fugit: Deus autem qui dicitur, ob amorē libidinis n-
sequitur, & non comprehendit, &c. Et paulo post: *Sed forte quaedam*
poeta facilis & inconsideratè loquens mentitus de diis est talia, & non est
insequutus virginem citharista, &c. ¶ NAM VICTV TRISTI FVE-
 RVNT.] In apographo legitur *bizo*, depravatum ex *victu*.
 ¶ TRISTI] diro, misero, crudo, siuè crudeli. ¶ ADMETI PECORA]
 In apographo *aprmutia*.

*Liberum patrem certe bis genitum dicitis ipsi.
 In India natus ex Ioue, Proserpina primum.
 Belligerans contra Titanas profuso cruore
 Expiravit enim sicut ex mortalibus unus.
 Rursus fato suo redditus in altero ventre.
 Percipit hoc Semele iterum Iouis altera Maia
 Abscisso cuius utero, prope partum defunctae,
 Tollitur, & datur Niso nutriendus alumnus.
 Ex eo bis natus Dionysus ille vocatur,
 Religio cuius in vacuo falsa curatur.
 Bacchantur & illi, qualia nunc ipsi videntur
 Aut periculones Mimnermonisque sutores,
 Conspirant in malo, proludunt ficto furore,
 Ceteros ut fallant, dicturos numen adesse.
 Hinc manifeste vides homines simile viventes,
 Vino permotati primus quod expresserat ille,
 Sub ludicro suo honorem illi dedere.*

LIBERVM PATREM CERTE BIS GENITVM.] Consimilem
 fabulam narrat Iulius Hyginus, Astron. CLXVII. Liber Iouis &
 Proserpinae filius à Titanis est distractus, cuius cor contritum,
 Iouis Semelae dedit in potionem. Ex eo praegnans cum esset fa-
 cta Juno, in Beroen nutricem Semelae se commutavit, & ait:
 Alumna, pete à Ioue ut sic ad te veniat, quemadmodum ad Ju-

nonem, vt scias quae voluptas est cum deo concumbere. Illa autem instigata petit à Joue, & fulmine est icta. ex cuius vtero Jouis Liberum exsistit, & Nyso dedit nutriendum vnde Dionysus est appellatus, & Bimater est dictus. Idem, nu. CLXXIX. Non. Dionysiacor. viii. initio. ¶ IOVIS ALTERA MAIA] Jouis hinc primo casu, vt suprà. Glossae Isidori, Maia, medica, obstetrix. ¶ EX EO BIS NATVS DIONYSVS] Haec poetica nominis origo. Aliam tradidit Philostratus, Apoll. II. ΝΥΚΙΟΓΓΑΡ Ο ΔΙΟΝΥΚΙΟC ΑΠΟ ΤΗΣ ΕΝ ΙΝΔΟΙC ΝΥΧΗΣ. Arsaces, Armeniae rex pardalin sacrauit elogio: REX ARSACES DEO NYSAEO. Steph. ΑΕΓΕΤΑΙ ΚΑΙ ΝΥΚΑΙΟC. Hoc igitur ex Philostrato colligere est, Nysam esse veluti femur Caucaasi hanc vero partem fuisse cōsitam vite, Baccho, Dionysio; atque inde fabulam Jouis gestantis in femore, ΕΝ ΜΗΡΩ, Bacchum. Mensores agrorum, vt vertices & supercilia montium, sic etiam femur & suram & crepidinem, & corrigiam & pedem dixerunt. vnde & poetae Dionysum femori Jouis insertum. ¶ ΑΥΤ ΠΕΡΙΚΥΛΟΝΕC] Glossae veteres, ΠΙΘΟΚΙΝΔΥΝΟC, periculosus. Alii dixerunt, parabolum, & parabolanum. Paulus ad Philip. ΠΑΡΑΒΟΛΕΥCΑΜΕΝΟC ΤΗ ΨΥΧΗ. versio latina vetus ms. *parabolatus de anima sua*. ¶ ΜΙΜΝΕΡΜΟΝΙC QVE ΣΥΤΟΡΕC.] Sic legitur in apographo. Fortean scripserat Commodianus, *Mimnermomerique sutores*. ΓΕΛΩ ΤΟ ΠΟΙΟΙ, ΡΑΨΩΔΟΙ, qui ex Nimnermi & Homeri carminibus in alium sensum confutis & concinnatis risum captabant in theatris. videndus Athenaeus lib. XIII. pag. 620. vbi de hilarodis & hilaro-tragoedis. ¶ SIMILE VIVENTES.] vt suprà, hac ipsa Instr. *bacchantur qualia*. Iuvenalis, *bacchanalia viuunt*. Aut simile adverbialiter dixit, vnde simillimè. ¶ VINO PERMOTATI.] Motantur bene poti, perpotati. Motari, frequenter motari. Moueri, saltare. Hor. Vt festis matrona moueri iussa diebus. ¶ PRIMVS QVOD EXPRESSERAT ILLE] Bacchus in India primus vini vsum monstrasse dicitur. Vnde & vitifator, & vitium repertor. ¶ LV-DICRO SVO] Ludis, orgiis trietericis.

*Inuictus de petra natus, si deus habetur,
Nunc ergo retro vos de istis date priorem.
Vicit petra deum, quaerendus est petrae creator.
Insuper & furem adhuc depingitis esse;
Cum si deus esset umquam, non furto vivebat.
Terrenus utique fuit, & monstri-vora natura.
Vertebatque boues alienos semper in antris,
Sicut & Cacus, Vulcani filius ille.*

INVICTVS] Historiam Agdestis huiusce inuicti, qui fuit Magnae Matris filius, Agdi petrae, in Phrygiae finibus, inaudita per omnia vastitatis nepos, narrat ex Timotheo theologo Arnobius, lib. 1. adv. Gentes. ad eamque historiam Commodianus noster respexit, nec aliunde petenda est huic Instructioni lux. Valde autem abludit Timotheus abijs quae de eodem Agdesti referuntur in Achaïcis Pausaniae, pag. 223. ¶ INVICTVS DE PETRA NATVS.] Arnobius: *Huic robur inuictum, & ferocitas animi fuerat intractabilis, insana & furialis libido ex utroque sexu; vi rapta diuastare, disperdere, immanitas quò animi duxerat; non deos curare, non homines, nec praeter se quicquam potentius credere, &c.* Inuictus autem deus etiam dictus est Mithras, quo nomine Solem appellant Persae. quod in antiquis inscriptionibus passim legitur. Quin & confundi aliquando videntur Agdestia cum Mithriacis, praesertim Christianorum scriptis, & Mithran virum fuisse abactorem bouum tradidit Iul. Firmicus, lib. de er. prof. relig. unde & Statius dixit: *Indignata sequi torquentem cornua Mithran.* quod Agdesti Commodianus imputat. ¶ NUNC ERGO RETRO VOS DE ISTIS DATE PRIOREM] In apographo: *Nunc ergo reticeo, Vnde hanc a quibusdam video*

confici scripturam : *Nunc ergo reticeo.* quam arbitramur minime ad Commodiani mentem facere. Nam hoc sibi vult : Dicitis inuictum de petra natum : date igitur , hoc est , narrate de istis , Inuicto & Petra, vnde genus & originem traxerint. Etenim qui retro fuisse arguetur eorum parens aut creator , is haud dubie fuerit prior, superior, maior. deinde ex historia Timothei sine Arnobii subiicit : *Vicit petra deum* , cui Commodianus reponit : Si petra deum vicit , quaerendus est creator illius petrae , unde prognatus est Deus ille vester Inuictus. ¶ VICIT PETRA DEVM.] Arnobius, ubi de lapidibus in orbem vacuum à Deucalione & Pirrha iactatis : Ex quibus, inquit, cum ceteris & haec Magna quae dicitur, informata est Mater atque animata diuinitus. Hanc in vertice ipso petrae datam quieti & somno, incestis Jupiter cupiditatibus appetiuit. sed cum oblectatus diu, id quod sibi promiserat *obtinere nequiuisset, voluptatem in lapidem fudit victus.* &c. En Iupiter à petra victus ¶ IN SVPER ET FVREM ADHVC DEPINGITIS ESSE.] Sic Instr. 52. & *proprium satellem dedicat esse.* & proxima Instr. seq. de Siluano : *Siluanus unde deus iterum apparuit esse.* ¶ CVM SI DEVS ESSET VNQVAM.] Est qui malit : *cum si deus esset, utique non furto vivebat.* Sed haec particula, *utique*, rursus occurret versu proxime seq. ¶ MONSTRIVORA NATVRA.] Placet emendatio : *Monstruosa.* leonino vultu. ¶ VERTEBATQVE BOVES ALIENOS.] Itaque Inuictus iste, sicut & Mithras, praedones, abigei, indignata sequi torquentes cornua. quod supra notauimus ex Statio. & confirmat Lutatius ad Theb. 1. Julius Firmicus : *Virum vero abactorem colentes, sacra eius ad ignis naturam transferunt.*

14.

Siluanus.

*Siluanus unde deus iterum apparuit esse ?
Inde forte placet, eo quod bene fistula cantat,*

D

*Largitur quoniam lignum. nam forte non esset.
 Venalem emisti dominum cum empseris illi.
 Aspice, deficit lignum. quid illi debetur?
 Non te pudet stulte tales adorare tabellas?
 Vnum quaere deum qui post mortem vivere diat.
 Secede ab istis qui sunt biathanati facti.*

SILVANVS.] Glossae veteres : Silvanus , Pan, ΘΕΟ C
 ΥΔΑΙΟC. Syrinx, fistula. vnde commenti sunt Syringem
 puellam amatam Pani. Seruius, ad III. Georg. Pan, rusticum
 numen. ¶ VENALEM EMISTI D.] Commodianus scripsisse
 videtur: *Venalem emisti deum*, Sic instr. 16. Et qui fabricantur
 deos tibi nuncupas esse. ¶ CVM EM SERIS ILLI.] Nempe
 fistulam : absque illa esset, non haberetur deus. ¶ NON TE
 PVDET ST TALES ADOR. TAB.] Non te etiam pudeat,
 alias, quamvis concinniores adorare fabellas, siue tabellas?
 ¶ QVI POST MORTEM VIVERE DIAT.] Quid si Com-
 modianus scripserit, *duat*? archaicè, pro *dederit*. ut *fuat* pro *fu-*
erit. & apud Festum *duit*, dederit. Glossae veteres : *Duit*, ΔΟΙΗ,
Duint, ΔΟΙΕΝ, ΔΩCΩCΙΝ. In apographo, pro emendatione
 ponitur, *post mortem vivere docet*. ¶ QVI SVNT BIOTHANATI
 FACTI.] Biothanatos dicit, idololatrias, qui peracto vitae suae
 curriculo praecipitantur in mortem aeternam. at Christiani,
 de morte ad vitam vocantur immortalem. Huc non pertinent
 quae apud Tertullianum de aoris & biathanatis, siue biaiotha-
 natis, libro de Anima.



15.

Hercules.

*Hercules quod monstrum Auentini montis elisit,
 Euandri qui solitus erat armenta furari,
 Rustica mens hominum indocilis quoq. pro laude
 Cum gratias agere vellent, absenti Tonanti
 Vouerunt hostias inepti, vt deo orando,
 Lactentes, aras in memoriam sibi fecerunt.
 Ex eo prouenit de vestuto more colatur.
 Sed deus hic non est, licet fuit fortis in armis.*

RUSTICA MENS HOMINVM] In apographo legitur:
 rustica gens hominum. ¶ ABSENTI TONANTI.] Hoc est
 mortuo Ioui,

16.

De DIs Deabusque.

*Dicitis esse deos qui sunt manifeste cruenti:
 Et dicitis fata genesis adscribere vobis.
 Dicite nunc ergo quibus primum sacra ferantur.
 Inter utrimque vias, mors immatura vagatur.
 Si tribuunt fata genesis cur deum oratis?
 Deciperis, vane, qui manes quaeris orare,
 Et qui fabricantur dominos tibi nuncupas esse,
 Aut feminas quoque nescio quas Deas oratis,
 Bellonam & Nemesin deas, Fariam unà Coelestem
 Virgines, & Venerem cui coniuges vestrae delubant*

Dii

*Sunt alia praeterea daemonia fanis,
Quae nec numerantur adhuc, & in collo feruntur,
Vt nec ipsi sibi possint rationem reddere. Pestes
Exporari magis in ultima terra deberent.*

ET DICTIS FATA GENESIS] GENECEIC, geneses, genituras. ¶ DOMINOS TIBI NVNCVPAS ESSE] Sic Instr. 48. & proprium satellem dedicat esse. In apographo legitur, *Furiam*. Et inter Deas censet Arnobius, Lavernam, Bellonam, Discordias, Furias. Hanc vero Coelestem, alii Lunam, alii Atargatin, sive Astarten, alii Deam Syriam nuncupant. ¶ CUI CONIVGES VESTRAE DELVMBANT.] Luxu lasciviaque fractae lumborum crispitudine fluctuant. Idcirco Persius lascivia carmina lumbos intrare dixit. Hinc etiam delumbati & elumbes. ¶ IN COLLO FERVNTVR.] vt solent amuleta, ΠΕΡΙΑΠΤΑ. vel potius, succollantur. Itaque mox dicet: Exportari magis in ultimas terras deberent. ¶ QVAE NEC NVMERANTVR ADHVC.] Plinius, Hist. nat. II. Et numina in iisdem innumerabilia invenimus: inferis quoque in genera descriptis, morbisque, & multis etiam pestibus, dum esse placata trepido metu cupimus.

17

De simulacris eorum.

*Deludunt vos pauci scelerati vates inanes,
Extricare suam dum quaerunt vitam;
Subornant aliis esse sub mysteria falsum.
Inde simulantes concuti numine quodam
Maiestatemq. canunt, & se sub figura fatigant.
Vidistis Dindymarios, quali fragore
Luxurias ineunt, dum furias fingere quaerunt,*

Aut cum dorsa sua allidunt spurca bipenne:
Cum doctrina sua servant quod cruore sanant.
Respicite quo non illos nomine cogunt,
Ipsis qui se primum componunt integra mente.
Sed stipem ut tollant ingenia talia quaerunt.
Ex eo videte quoniam sunt omnia ficta.
Obumbrant populum simplicem, perituri ni credant.
Res semel in vano de vetustate proceßit,
Vt vaticinanti credatur proidenti falsa.
Maiestas autem illorum nulla locuta est.

EXTRICARE SVAM DVM QVAERVNT VITAM.]
 Sic Horat. Ser. i. Sat. 3. *Mercedem aut nummos undeunde extricat.*
 Glossae veteres: *Extricare*, ΕΚΠΟΔΙΣΑΙ. *Expedi*, ΕΚΠΛΕ-
 ΖΟΝ. Bibaculus, de Valerio Catone: Omnes solvere posse
 quaestiones, Vnum difficile expedire nomen.] SVBORNANT
 ALIIS ESSE SVB MYSTERIA FALSVM.] Hoc est,
 fraudibus & imposturis sic illudunt oculis vulgi, ut falsitas my-
 sterio tecta & adumbrata non deprehendatur. Ex eo genere im-
 postorum Galli Matris Magnae, Romanis, Sangarium fluvium
 ponte transgressis occurere cum insignibus suis, inquit Livius,
 vaticinantes fanatico carmine, Deam Romanis vim belli & vi-
 ctoriam dare. Ita vero scripsisse Livium: *vim belli & victoriam*
dare, non ut in omnibus editis legitur: *viam belli*, apparet ex
 Polybio: ΦΑΣΚΟΝΤΕΣ ΠΡΟΣΑΓΓΕΛΛΕΙΝ ΤΗΝ ΘΕΟΝ
 ΝΙΚΗΝ ΚΑΙ ΚΡΑΤΟΣ. Insignia impostorum dicit Livius,
 quae Polybius ΠΡΟΣΤΗΘΙΔΙΑ ΚΑΙ ΤΥΠΟΥΣ.] ET SE
 SVB FIGVRA FATIGANT.] Sub figura, sub persona; fictè,
 simulatè. Pub. Syrus: *Heredis fletus sub persona risus est.*] O B-
 VMBRANT POPVLVM] Fallunt, obiecta nube & umbra

fraudibus. ¶ *VIDISTIS SAEPE DINDYMARIOS.*] Dindymarii sunt, pecora Dindymenae Cybeles. Atyr Catulli, ad suos Gal-
 las : *Agite, ite ad alta Gallae Cybeles nemora simul, Simul ite, Din-*
dymenae dominae vaga pecora. Martialis : *Spado Dindymus.* ¶ *AUT*
CVM DORSA SVA ALLIDVNT] Circa istorum nebulo-
 num praestigias variant scriptores : Lucianus, lib. de Dea Sy-
 ria, ΤΕΜΝΟΝΤΑΙ ΤΕ ΤΟΥΣ ΠΗΧΕΑΣ, ΚΑΙ ΤΟΙCΙ
 ΝΩΤΟΙCΙ ΠΡΟΓΑΛΛΗΔΟΥC ΤΥΠΤΟΝΤΑΙ. Apu-
 leius, lib. viii. Brachiis suis humero tenus renudatis, attol-
 lentes immanes gladios ac secures, evantes exsiliunt ; incitan-
 te tibiae cantu lymphaticum tripudium. Et paulo post : Ad
 postremum ancipiti ferro quod gerebant brachia sua difficant.
 Et post alia quaedam : Arrepto flagro indidem sese multinodis
 commulcant ictibus : myrrhae, contra plagarum dolores, prae-
 sumptione communiti. ¶ *DORSA SVA ALLIDVNT*
SPURCA BIPENNE.] In apographo ; *parca bipenne.* Cōmo-
 dianus aliquid hīc propudiose obsceni Gallis cinaedis expro-
 brare videtur. Glossae veteres : ΙCΧΙΟΝ, Dorsum, Lumbi. Gloss.
 aliae : ΟΦΥΕC, ΙCΧΙΑ. Apuleius : cerneret profectu gla-
 diorum, ictuque flagrorum, solum spurcitia sanguinis effe-
 minati madescere. &c. ¶ *CVM DOCTRINA SVA SERV-*
VANT] Hoc est : nequicquam doctrina sua servant, neque
 item cruore suo sanant. ¶ *INGENIA TALIA QVAE-*
RUNT] Sic apud Tertullianum : Ingenium decoris : inge-
 nia poenarum : ingenia artium. &c. ¶ *DE VETVSTATE*
PROCESSIT.] Ovidius, iii. Fast. ——— *pro magno teste*
vetustas creditur, acceptam parce mouere fidem. ¶ *VATICINANTI*
CREDATUR PRODENTI FALSA.] Fortè haec trans-
 posita fuere : *falsa prodenti.* ¶ *MAIESTAS AVTEM IL-*
LORVM NULLA LOC. EST.] Hoc de simulacris Gen-
 tium Commodianus, ex oraculo Psalms 113. *Os habent & non*
loquentur. Maiestas illorum, nempe simulacrorum, de quibus
 est Instructionis titulus. nulla locuta est, hoc est, nihil locuta
 est : nulla fudit oracula.

18. De Ammudate & deo magno.

*Diximus iam multa de superstitione nefanda,
 Et tamen exsequimur, ne quid praeterisse dicamur.
 Ammudatemq. suum cultores more colebant,
 Magnus erat illis quando fuit aurum in aede.
 Mittebant capita sub numine quasi praesenti.
 Ventum est ad summum, ut Caesar tolleretur aurum,
 Defecit numen, aut fugit, aut transit in ignem.
 Auctor huius sceleris constat qui formabat eundem.
 Tot viros & magnos seducit false prophetans;
 Et modo reticuit qui solebat esse diuinus.
 Erumpebant enim voces, quasi mente mutata,
 Tanquam illi deus ligni loqueretur in aurem.
 Dicite nunc ipsi si non sint numina falsa?
 Ex eo prodigio quot perdidit ille propheta?
 Oblitus est iste prophetare qui ante solebat.
 Monstra adeo ista ficta sunt per vini voraces;
 Audacia quorum damnabilis numina fingit.
 Gestabant enim, & aruit tale sigillum:
 Nam & ipse silet, nec ullus de illo prophetat,
 Omnino, sed vos ipsos perdere vultis.*

DE AMMVDATE.] Gratulabor monstranti alium scrip-
 torem, qui huiusce numinis mentionem fecerit. Terminatio
 Perficam vocem indicat; ut sunt, Mithradates, Orondates,

Tiridates, Meherdates. Et est apud Procopium in Persicis ΑΜΜΟΥΔΙΟΣ, ager haud ignobilis, ΔΑΡΑΣ ΜΕΤΡΟΝ ΕΙΚΟΣΙ ΣΤΑΔΙΩΝ ΑΠΕΧΩΝ, ubi castra Persarum adversus Romanos. Et apud Hesychium, Datis, nomen Imperatoris Persae: Sed haec, quam sunt inania, si non aliunde confirmantur.

19. Nemefiacis vanis.

*Non ignominium est virum seduci prudentem,
Et colere talem, aut Dianam dicere lignum?
Mane ebrio crudo, perituro creditis viro;
Ex arte qui fincte loquitur quid illi videtur;
Seuere dum agit, sibi viscera pascit.
Incopriat ciues unus detestabilis omnes.
Adplicuitque sibi simili collegio facto
Cum quibus historiam fingit, ut deum adornet.
Ipse sibi nescit diuinare, ceteris audet.
Succollat quando libet eum, & quando deponit.
Vertitur a se rotans cum ligno bifurci.
Ac si putes illum afflatum numine ligni.
Non deos vos colitis quos ipsi false prophetant;
Ipsos sacerdotes colitis, in vano timentes.
Sed si corde viges, fuge iam sacraria mortis.*

NEMESIACIS] De Gallis Cybeles, Idaeis, Bellonariis, Iliacis, & Nemefiacis etiam scripta Gentium profanarum confusè differunt. Nemefiacum describit Apuleus, Miles. viii. *Infit vaticinatione clamosa, conficto mendacio, semetipsum incessere atque*

atque criminari, quasi contra fas sanctae religionis designasset aliquid, & insuper iustas poenas noxii facinoris ipse de suis manibus exposcere. Arrepto denique flagro, & cetera, quae suprà de Dindymariis observauimus, ad Inst. 17. ubi de fragore quo luxurias incunt, & furias fingunt: qui fragor & furor etiam Nemefiacorum fuit, ut videre est in istis Apuleianis: *Ab ingressu primo statim absonis ululatibus constrepentes fanaticè peruolant.* &c. Propterea Nemefin Catullus Deam vehementem esse dixit, epigrammate ad Licinum: *Ne poenas Nemesis reposcat à te, Est vehemens dea, laedere hanc caveto.* Babrius, apud Suid. : ΠΑΡΗΝ Δ' Η ΝΕΜΕΣΙΣ, Η Τ' ΑΔΙΚ' ΕΠΟΠΤΕΥΕΙ. & alia huiusmodi ibidem in hanc sententiam de scriptoribus antiquis citata. Ammianus Marcellinus libro XIII. Haec, & huiusmodi quidem innumerabilia ultrix facinorum impiorum, bonorumque praemiatrix operatur Adraestia; quam vocabulo duplici etiam Nemefin appellamus, &c. Hanc denique Apul. libro de Mundo, Necessitatem esse dicit ultionis ineffugibilem. ¶ NON IGNOMINIUM EST.] Isidorus libro III. cap. ult. ubi de poenis, quae sunt legibus constitutae, Ignominium & Infamium. ¶ SIBI VISCERA PASCIT.] Apuleius: *Morsibus suos incurfant musculos, brachia difficant.* ¶ INCOPRIAT CIVES.] Conuiciis, opprobriis conspurcat, & quasi stercore conspergit. Glof. Isidori à Vulcanio editae: *Scurra, qui incopriatur. Scurrula, qui incopriat.* Scurras dictos fuisse Graeco vocabulo, ΚΟΠΡΙΑΣ, iam pridem ex Dione & Suetonio viri eruditissimi docuere. Suidas: ΚΟΠΡΙΟΣ ΑΝΗΡ ΩΣ ΑΠΟΡΔΗΜΟΥ, ΛΕΓΕΙ ΔΕ ΤΟΝ ΚΟΠΡΟΛΟΓΟΝ. In apographo legitur *incopriat* ¶ VERTITVR A SEROTANS] Planus ille artificio ligni decussatim bifurci rotat sese, vt imperita plebecula correptum à numine existimet, caducaria passione, subita ruina, vertigine & rotatione divina, axe divino circumactum. At natuti rident impostorem, & inelamant: *Quaere peregrinum. & Tollat te qui non nouit.* ¶ CVM LIGNO BIFVRCI] Agri-
mensores terminum dixere bifurcium, vngulam bifurcam.

*Titanas vobis Tutanos dicitis esse.
 Immites tacitos sub culmine vestro rogatis.
 Tot lares, aediculas, simulacra ficta Titano.
 Adoratis enim stulti malo leto defunctos.
 Non legem ipsorum legentes. non ipsi loquuntur.
 Et deos audetis aeramine dicere fusos.
 Solueritis eos magis in vascula vobis.*

TITANAS VOBIS TUTANOS] Titanas Mauri prore-
 gibus colunt. Arnob. 1. IMMITES, TACITOS] In apo-
 grapho: *Aut mutas, tacitas.* § SOLVERITIS EOS MAGIS]
 vtilius aeramina illa conflata & colliquefacta dissolveritis,
 unde fiant vrccoli, pelves, sartago, patellae.

*Montes & deos dicitis. dominantur in auro.
 Obscurati malo, aliena mente iuvantes.
 Nam, si purus animus & mens serena maneret,
 Tu tibi de illis ipsi disputare deberes.
 Excordaris homo, si putas ut ipsi te saluent.
 Seu regant seu minuant. si quid tu sani requiris
 Iustitiam Legis quaere magis: illa salutis
 Auxilium portat, & fieri dicit aeternum.
 Nam quod in vanis sequeris, per tempora gaudet.
 In breui laetaris, & postmodum plangis in imis.*

Subtrahete te illis, si vis resurgere cum Christo.

MONTES ET DEOS DICITIS.] In apographo legitur, *Montes deos dicitis*. quod accedere videtur ad deos Montenses: quorum mentio fit Inscrip. quadam apud Gruterum pag. xxi. 3. ubi legimus ex Deorum Montensium praecepto positam fuisse aram Joui Fulgeratori. Nihilominus tamen scribendum hîc esse arbitramur, *Montes & deos dicitis*, ut Montesiani Commodiano sint, qui numina quaedam in Montibus esse crederent. Ideoque ait; *dominentur in auro obscurati malo*; avaritiem damnans eorum qui felicitatis humanae summam ponebant in nummis & auri congerie, quod est malorum omnium irritamentum. Isti inquit dii *dominentur in auro obscurati malo*, quasi describat deos illos Manes metallorum custodes sub obscuris & intimis montium cavis, invidentes mortalibus, nimium cupidis thesaurorum. qui nempe dii si forte profint suffodi-entibus montium latebras avaris, profunt inviti, tanquam nolentes, & aliena mente, hoc est animo prorsus alieno sic iuvantes, ut dici non debeant dedisse quod nisi rapina non tollitur. nimirum expugnatione ac ruina montis, multo igne, aceto multo suffossi ruptique. Plinius, Hist. nat. xxxiii principio libri: *Persequimur omnes telluris fibras, videmusque excavatos montes, mirantes dehiscere aliquando, aut intremiscere illam. ceu vero non hoc etiam exemplum indignationis sacrae parentis exprimi possit. imus in viscera eius, & in sede Manium opes quaerimus. Illa nos ad inferos agunt quae occultavit atque demersit. Utinamque posset è vita in totum abdicari aurum; sacra fames, ut celeberrimi auctores dixeret, profissum conviciis ab optimis quibusque, & ad perniciem vitae repertum. Et cap. iv. Opera vicerit gigantum. cuniculis per magna spatia actis cavantur montes ad lucernarum lumina. Et paulo post: relinquuntur itaque fornices crebri montibus sustinendis. Occursant silices. hos igni & aceto rumpunt. Et post alia quaedam: Manes trahuntur ad homines, ut vitium importent.*

*Heu doleo, ciues, sic vos hebetari de mundo!
 Excurrit alius ad sortes, aues aspicit alter
 Balantum cruore fuso, manus inspicit alter,
 Et cupit audire responsa vana credulus,
 Tot duces, & reges, ubi sunt consulti de vita,
 Vel portenta sua scisse quid profuit illis?
 Discite quaeso bonum, ciues simulacra caute.
 Omnipotentis enim in Lege quaerite cuncti;
 Sic ipsi complacuit domino dominorum in altis,
 Ad probationem nostram demonas in mundo vagari.
 Et tamen ex alia parte mandata praemisit,
 Coelestes fieri qui relinquunt aras eorum.
 Vnde non hoc curo disputare paruo libello
 Lex docet, in medio ciet, Consulite pro vobis.
 In duas intra stis vias, condicite rectam.*

TOT DVCES ET REGES VBI SVNT CONSVLTI
 DE VITA] Huiusce artis astronomicae professor Julius Firmi-
 cus lib. II. cap. ultimo, per adulationis aulicae prudentiam
 disciplinae suae praeuaricator esse maluit, quam periclitari
 quid etiam circa regum sive imperatorum geneſeis valeret.
 Cave, inquit, ne quando de statu reipublicae, vel de vita Ro-
 mani imperatoris aliquid interroganti respondeas. Non enim
 oportet, nec licet, vt de statu reipub. aliquid nefaria curiosi-
 tate discamus. Sed nec aliquis mathematicus verum aliquid de

fato Imperatoris definire potuit. Solus enim Imperator stellarum non subiacet cursibus: & solus est in cuius fato stellae decernendi non habent potestatem. &c. ¶ PORTENTA SVA S C I S S E] Quibus de se aliquid significatur ac praemonstratur. Glossae veteres: *Portendit*, CHMAINEI ΔΙΑ ΤΕΡΑC

23. De vbiq̃ue paratis.

*Dum ventri seruis innocentem esse te dicis,
Et quasi communis facis te vbiq̃ue paratum.
Vae tibi, stulte homo, mortem circumspicis ipse.
Barbaro de more sine lege vivere quaeris;
Ipse tibi hymnificas etiam incinere de verbo,
Qui simplicem fingis: Simpliciter viuo cum isto.
Vivere te credis dum ventrem cupis implere.
Exiguus tua in domo residere praue.
Paratus ad epulas & refugiscere praecepta.
Aut quia discredis deum iudicare defunctos;
Rectorem coeli facis te inepte pro illo.
Aspicias ad ventrem quasi tu sis providus illi.
Tu modo profanus, modo sanctus esse videris.
In supplicem prodixisti dei, sub aspectu tyranni.
Senties in fatis cuius modo lege iuuaris.*

ET QVTSI COMMVNIS] Ambiguum est in apographo, *communis* legi debeat an *comis*. Communem animum & levem dixit Terentius. ¶ BARBARO DE MORE.] Barbaros mores nuncupat, ritus ac religiones Gentium minime

Christianarum: Seculi ritus, non Ecclesiae. ¶ IPSE TIBI
HYMNIFICAS] In apographo legitur, *hynnificis*. quasi allu-
dat Commodianus ad hinnitum iumentum. Et Graeca phrasi
dixerit, *Ipse tibi hinnificas incinere*. Ipse tamen Instructione LX.
dicet chorum hymnificatum, pro Ecclesia quae delectari solet
hymnis & laudibus Dei ac Domini nostri. Latina versio Esaiae
X. 30. Hinni voce tua filia Gallim. ¶ EXIGVVS TVA IN
DOMO] Domi tuae exilis & praeparcus. ¶ PARATVS AD
EPVLAS ¶ Potentiorum: etiam ubi apponuntur idolothyta.
¶ ET REFVGISCERE PRAECEPTA] Christi Domini,
sive disciplinae Ecclesiasticae, & Christianae caritatis agapas.
¶ INSVPPLICEM PRODIS DEI] Hoc est, Christo sup-
plicas, adgeniculatus simulacro Jouis. ¶ SVB ASPECTV
TYRANNI.] Tyrannum dicit, Caesarem non Christianum.
Simulacrum Jouis, Diabolum.

24. Inter utrumque viventibus.

*Inter utrumque putans dubie vivendo cavere,
Nudatus à lege, decrepitus luxu praecedis.
Tot vane prospicis, quid quaeris iniqua?
Et quicquid egisti istinc remanere defuncto
Respice tu stulte: non eras, & ecce videris.
Vnde proceßisti nescis, nec unde nutriris:
Tu Deum excelsum fugis tuae vitae benignum,
Rectoremque tuum, qui te magis vivere vellet,
Vertis te in faciem & dorsum deo remittis,
Mergis te in tenebras dum putas te in luce morari.
Quid in synagoga decurris ad Phariseos,*

INSTRVCTIONES.

39

*Vt tibi misericors fiat, quem denegas ultro?
 Exis inde foris, iterum tu sana requiris.
 Vis inter utrumque vivere, sed inde peribis.
 Insuper & dicis, Quis est qui à morte redemit?
 Vt credamus ei, quoniam ibi poenae aguntur.
 Eia, non sic, ut putas esse, maligne.
 Nam illi prodest post funera, recte qui vixit.
 Tu tamen mox moriens ducêris in loco maligno:
 In Christo credentes autem in loco benigno.
 Blanditurque quibus haeret amoenitas illa.
 Vobis autem dubijs, in vos sine corpore poena,
 Suscitât in fratrem tortoris ordo clamare.*

NVDATVS A LEGE] viduus operibus indictis Lege
 Christiana. ¶ PRAECEDIS] Praecessisse dicuntur Christiani,
 qui sunt in Ecclesiae pace dimissi ad Dominum. ¶ QUID IN
 SYN. DECVRIS AD PHARISAEOS] In apographo legitur:
decurris saepe bifarios, ¶ DUCERIS IN LOCO MALIGNO.]
 Ad male Christianum : Ducêris, inquit, in loco maligno. Ad
 vere Christianum, Ducêris in loco benigno. Extra hosce duos
 ordines Sanctus Ephrem Syrus, aevo Commodiani proximus,
 ab Hieronymo, libro de Scriptoribus Ecclesiasticis, laudatus,
 alium non esse medium ordinem docet. Deinde ait : Loquor
 autem de altero quidem superno, altero vero inferno; inter
 quos medians est varietas differentiae retributionum. Idem
 paulo post; Effugere geennam, hoc ipsum est regnum coelo-
 rum ingredi: quemadmodum & eo excidere, est geennam
 introire. Haec sunt à Gerardo Vossio de Graecis nondum editis
 Latine versa, atque vt ipse Vossius editione sua censuit, neuti-

quam Purgatorio praeiudicant. Tertullianus ad Animam: *Affirmamus te manere post vitae disunctionem & expectare diem iudicii, proque meritis aut cruciatui destinari aut refrigerio: utroque semper.* ¶ QVIBVS HAERET AMOENITAS ILLA.] Amoenitatem intelligit Millenariorum. ¶ IN VOS SINE CORPORE POENA.] Ignis aeternus, qui etiam animas torret exutas corpore. ¶ SVSCITAT IN FRATREM CLAMARE.] Per fratrem, intelligit fidelem, Christianum. Suscitatur in fratrem clamare, hoc est, advocare fratris auxilium; sicuti faciebat dives ille purpuratus clamans ad Lazarum, ut intingeret extremum digiti sui in aquam. Lucae xvi. 24. ¶ TORTORIS ORDO] Tentatoris, diaboli, exprobrantis damnato causam suae damnationis; ut hanc etiam adiciat damnati supplicio contumeliam.

25. Qui timent, & non credent.

*Quandiu stulte homo Christum agnoscere non vis?
Vitas agrum pinguem, & sterili semina iactas.
In silva manere quaeris, ubi latro moratur.
Tu dicis, Et ego Dei sum, & foras oberras.
Ingredere iam nunc toties inuitatus in aulam.
Matura iam messis, tempus totidemq. paratum.
Ecce modo mete. quid? non te poenitet? inde
Nunc, si non habes, collige: vindemia vina.
Tempus adest vitae credendi tempore mortis.
Est Dei lex prima fundamentum posterae legis.
Te quidem signabat crediturum in lege secunda,
Nec minae ex ipso, sed ex ipsa tibi potentes:*

INSTRUCTIONES.

41

*Obstipe iam factus, iura te credere Christo.
 Nam testamentum vetus de illo proclamat.
 Credere enim opus est tantum in ipso defuncto
 Resurgere posse, vivere tempore toto.
 Ergo si quis ea discredis esse futura,
 Dummodo vincetur reus in morte secunda,
 Euentura canam paucis in isto libello.
 Nam cognosci potest ubi sit spes anteponenda.
 Tamen vos adhortor quantocius credere Christo.*

INGREDERE IAM NVNC TOTIENS INVITATVS.]
 Instructio xxxiii. Intrate stabiles Siluestri ad praesepe pa-
 storis. ¶ TEMPVS TOTIDEMQ. PARATVM.] Totidem
 pro, etiam, consimiliter. ut supra. ¶ EST DEI LEX PRI-
 MA] Vetus Testamentum prae se tulit umbras & sacramenta
 siue mysteria Noui. ¶ NEC MINAE EX IPSO.] Deo,
 scilicet. Nam te saluum fieri vult Deus. Ideoque posita lege
 monstrauit tibi viam salutis: quam si prauitate tua derelinquas,
 iam ipsa tibi via comminatur exitium. ¶ OBSTVPE IAM
 FACTVS.] Varro in libris de re rust. dixit, Excande me fe-
 cerunt, & Consue quoque faciunt, & Perferue ita fit. Ennius
 autem dixerat — saxo cere comminuam brum. ¶ VIN-
 CETVR REVS] Conuincetur. ¶ IN MORTE SECVNDA]
 Post corporis mortem, anima mortis aeternae poenis addicta.
 Apoc. ii. *Qui vicerit, non laedetur à morte secunda.* Commod.
 Instr. 45. Inde qui merent, mittuntur in morte secunda. Ter-
 tullianus libro de Fuga in persec. pag. 695. In stagno sulphuris
 & ignis, quod est mors secunda.

F

26. Repugnantibus aduersus legem
Christi Dei viui.

*Respice infelix bonum disciplinae coelestis,
Et ruis in mortem dum vis sine freno vagari.
Perdunt te luxuria & breuia gaudia mundi:
Vnde sub inferno cruciaberis tempore toto.
Gaudia sunt vana quibus oblectaris inepte.
Non illate reddunt hominem fuisse defunctum?
Anni te non possunt iam triginta reddere doctum?
Nescius si primum errasti, respice canum.
Tu putas nunc vitam istic perfrui laetam.
Iniurias inter. ibi sunt damna tuorum,
Bella, vel infandae fraudes, cum sanguine furta,
Vlceribus corpus vexatur, gemiturque, ploratur,
Seu leues inuadit; aut longo morbo teneris,
Aut natis orbaris, aut perdita coniuge defles.
Deseritur totum, heu ruunt dignitates ab alto,
Vitiis, pauperie, dupliciter certe si languis;
Et dicis vitam ubi vitrea vita mortalis.
Respice iam tandem hoc tempus inritum esse:
Sed in futuro tibi spes est sine dolo viuendi.
Viueri volebant utique paruoli rapti,
Sed vita priuati iuvenes senescere forte,*

*Laetitos dies, perfruique ipsi parabant;
 Et tamen inuiti reponimus omnia mundo.
 Gens & ego fui peruersa mente moratus,
 Et vitam istius seculi veram esse putabam;
 Mortemque similiter sicut vos iudicabam adesse;
 Cum semel exisset animum periisse defunctum.
 Hac autem sic non sunt, sed conditor orbis & auctor.
 Requi suum enim fratrem à fratre peremptum.
 Impie dic, inquit, Vbinam frater. ille negauit.
 Sanguis enim fratris ad me proclamauit in altum.
 Torqueris video ubi nil sentire putabas,
 Ille autem viuit & loca dextera tenet;
 Delicias fruitur, quas tu perdidisti, nefande.
 Et cum reuocasti seculum; & ille praegressus,
 Immortalis erit, nam tu sub tartara planges.
 Viuit certe Deus, qui defunctos vivere fecit.
 Innocuisque bonis ut reddat praemia digna:
 Vesanis autem & impiis tartara saeua.
 Incipe sentire iudicia Dei, seducte.*

DISCIPLINAE COELESTIS] Divinae Christianae.
 ¶ NON ILLA TE REDDUNT H. F. D.] Cogitatio mortis
 non te reddit tibi? non te reuocat ad teipsum? ad mentem
 sanam? Fortean vero legendum, Terrebunt. Non te illa ter-
 rebunt cogitatio? adfore tempus, vel intra paucos dies futurum
 te in statu hominis defuncti, cuius anima corripitur à daemo-
 ne crucianda. ¶ DVPLICITER CERTE SI LANGVIS]

Fij

Si langues, si languore aliquo diuturno consumeris; atque ut supra dixit: si longo morbo teneris. Vnde illud: Genus esse misericordiae, cito occidi. ¶ VITREA VITA.] Quod de fortuna dixit vetus Scriptor, hoc de vita humana verissime dicatur: Vita nostra vitrea est, tunc quum splendet frangitur. ¶ LAETITIOS DIES] Laetificos, Laetos. Valde mihi suspecta est istius vocabuli formatura. nec pronunciari quicquam potest, nisi inspecto codice antiquo. ¶ ILLE NEGAVIT.] Etenim respondit, Nescio. Negavit scire se quod certissime sciebat. nam ipse recens adhuc erat a fratris nece. atque hoc mentitus Deo, in quem non cadit ignorantia, impudentissime negavit Deum, & sacrilego mendacio, Dei scientiam suffurari & quasi occidere conatus est: optavit eripi Deo diuinitatem, TO ΘΕΙΟΝ. ¶ ET CVM REVOC. SECVLVM] Repugnans adversus Legem Christi, revocasti seculum, revocasti diabolum cui renunciaueras.

27. Stulte, non permoreris Deo.

*Stulte, non permoreris, nec mortuus effugis Altum.
Tu licet disponas nihil te sentire defunctum,
Vinceris insipiens, vivit deus conditor orbis,
Legitima cuius clamant valere defunctos.
Tu autem dum praeceptis sine Deo vivere quaeris.
Extinctum in fatis iudicas & fatale credis.
Non ita disposuit ut tu putas Deus aeternus,
Oblivitos esse mortuos de gesto priore.
Nunc nobis imperitans fecit receptacula mortis,
Post cineres autem nostros videbimus illa:
Exuere stulte qui putas per funera ut non sis;*

INSTRVCTIONES.

45

*Rectorem dominumque tuum nil posse fecisti.
 Mors autem in vacuum non est, si corde retractes.
 Optandum noscas, nam sero senties illum.
 Rector eras carnis, non te certe caro regebat.
 Exemptus ab illa, reconditur illa, tu horsum:
 Recte mortalis homo separatur à carne.
 Idcirco non poterunt oculi mortales aequari.
 Sic habet abyssus noster de Dei secreto.
 Da nunc ergo Deo fragilis dum moreris honorem:
 Et crede quod Christus vivum te de mortuo reddet.
 Omnipotenti laudes in Ecclesia reddere debes.*

NON PERMORERIS DEO.] Non sic moreris, vt vel
 mortuus effugias Dei manus. vt iam in defunctum Deus non
 habeat quid faciat. ¶ VINCERIS INSIPIENS] Etiam in-
 vitus insipientiae teneris. ¶ LEGITIMA CVIVS CLA-
 MANT]- Legitima dicit Leges & mandata Christi: disciplina
 ex fide custodita. ¶ VALERE DEFVNCTOS] Vocatos sci-
 licet ad vitam aeternam. ¶ OBLIVITOS ESSE MORTVOS]
 Oblivioni tradita esse quae defunctus quisque gessit olim dum
 viveret in corpore. ¶ EXVERE STVLTE QVI PVTAS]
 Qui te per mortem sic exui putas, vt iam sis nullus, nec am-
 plius tui supersit quicquam. ¶ OPTANDVM NOSCAS]
 Illum videlicet Deum Patrem ac Dominum nostrum. ¶ RE-
 CONDITVR ILLA] Sepulcro. ¶ TV] Anima tua; princi-
 palissima pars tui. ¶ HORSVM] Horsum se capessit. ¶ NON
 POTERVNT AEQVARI] Divinis.

*Iustitia & bonitas, pax & patientia vera
 Viuere post fata faciunt, & cura de actu.
 Subdola mens autem, noxia, perfida, praua,
 Tollit se in partes, & fera morte moratur.
 Impie nunc audi, qui per male facta lucraris,
 Respice terrenos iudices, in corpore qui nunc
 Excrutiant poenis diros. aut ferro parantur
 Supplicia meritis, aut longo carcere flere.
 Vltime tu speras Deum irridere coelestem,
 Rectoremque poli, per quem sunt omnia facta?
 Grassaris, insanis, detractas nunc & Dei nomen;
 Unde non effugies. poenas per factaque ponet.
 Nunc volo sis cautus, ne venias ignis in aestum.
 Trade te iam Christo, ut te benefacta sequantur.*

CVRA DE ACTV] Suprà dixit: de gesto priore. EXCRU-
 CIANT POENIS DIROS] Sic de ipso Christo, Instr. 36.
 per crucem dirus. Glossae veteres: Dirus, ΘΕΟΧΟΛΩΤΟΣ,
 ΔΕΙΝΟΣ. Diritas, ΔΕΙΝΟΤΗΣ. Aliae Glossae: ΔΕΙΝΟΣ,
 Malitiosus, iniquus, saeuus, trux, acerbus, atrox. ΔΕΙΝΟΠΟΙΩ,
 acerbo, inacerbo. Et alibi: ΘΕΟΧΟΛΩΤΟΣ Deiratus, ms. deo
 iratus. Et apud Festum: Dirus, dei ira natus. Iuuenalis, dis ille
 iratis genitus.

29. Diuiti incredulo malo.

*Differes diues nimium tua cuncta videndo
 Insatiabiliter, quibus adhuc adhaerere quaeris.
 Viuere post ista, dicis, non spero defunctus.
 Ingrate summo Deo, qui sic Deum iudicas esse.
 Te qui nesciente protulit, deinde nutriuit;
 Ipse prata tua gubernat, vineas ipse,
 Ipse gregem pecorum, & quicquid possides ipse.
 Nec istis attendis, aut tu regis omnia forte.
 Coelum hoc & terram & maria salsa qui fecit,
 Reddere decreuit nos ipsos in aureo seculo;
 Et modo si credis vivitur in Dei secreto.
 Disce Deum, stulte, qui vult te immortalem adesse,
 Vt gratias illi referas in agone perennes.
 Lex docet ipsius, sed quia vagari tu quaeris,
 Omnia discredis, & inde in tartaros ibis:
 Mox animam reddis, ducers quo te poenitet esse.
 Adluitur ibi poena spiritalis aeterna;
 Lugia sunt semper, nec permoreris in illa,
 Omnipotentem Deum iam tunc ibi sero proclamans.*

IN AVREO SECLIO] In aurea Ierusalem. illo scilicet
 millenario inoffensae felicitatis curriculo. ¶ IN DEI SECRE-
 TO] Suprà dixit : Sic habet abyssus noster de Dei secreto.
 ¶ LUGIA SVNT SEMPER] Fletus & stridor dentium.

30. Diuites humiles estote.

*Disce moriture bonum te ostendere cunctis.
 In medio populi quid te facis alterum esse?
 Vadis ubi nescis, & inscius inde recedis.
 Impie tractas, cum ipso corpore sitis
 Tu semper diuitias. nimium te tollis in altum,
 Et typhum ducis, nec respicis pauperes ultro.
 Subditos nunc vobis, nec parentes pascitis ipsos.
 Heu miseri! fugiant longius mediocres à vobis.
 Vixit. & Extinxi. Pauper EUPHKA clamat.
 Mox furiis ageris, cum pereas ipse, Charybdis.
 Indisciplinati sic vos diuites estis.
 Legem datis istis, non vobis paratis ipsis.
 Exue te diues tantis malis, Deo peruersus,
 Subueniat utique tibi quod nunc operasti, si forte.
 Estote comes minimis, dum tempus habetis,
 Sicut ulmus amat vitem, sic ipsi pusillos.
 Terribilem legem malis, bonis aequè benignam
 Obserua nunc sterilis, subutus in prosperis esto:
 Tollite corda fraudis diuites, & sumite pacis.
 Et spectate malum vestrum. Benefacitis? Adsum.*

PAUPER EUPHKA CLAMAT] In apographo: Vixit
 & extinxit pauper Ebreà clamor. Emendatio praeclara: Vixit, &
 Extinxi. Pauper EUPHKA clamat. Ait Commodianus versu
 praecedenti

praecedenti, *Heu miseri! fugiant longius mediocres à vobis.* divitibus, scilicet. Deinde diuitem inducit obloquentem in funere pauperis, quasi dum viveret importuni, ac nimium instantis: Abegi tandem magnam à me molestiam: Vixit putidus ille Lazarus. Extinxi miserum. Tum de pauperis anima corpore exuta & iam in coelum adsumpta, Pauper, inquit Commodianus, ΕΥΦΗΚΑ clamat. quod est, Inveni quod optaveram, quod petieram à Domino: Teneo viam qua itur in coelum. Sic autem in ipsa lapidatione Stephanus, Video coelos apertos &c. ¶ FVRIIS CHARYBDIS] Angelis Satane in inferni voragine, vbi non est substantia, sed inenatabile profundum. ¶ OBSERVA NVNC STERILIS.] De sterilibus Christianis dicetur Instr. 55. ¶ BENEFACITIS. ADSVM] Hoc ex persona Dei misericordiam offerentis, & respicienti gratiam atque auxilium praesentissimum suggerentis, seipsum videlicet omnimodae felicitatis auctorem.

31.

Iudicibus.

*Intuite dicta Solomonis, iudices omnes,
Vno verbo suo qualiter vos ille detractat.
Dona quam & xenia corrumpunt iudices: inde
Inde ius sequitur. datores semper amatis.
Cumque erit causa, victoriam tollit iniqua.
Innocens sic ego sum, nec vos incuso pusillus,
Blasphemium tollit Solomon quia aperte.
Vobis autem deus est venter & praemia iura.
Suggerit hoc Paulus Apostolus, non ego pulex.*

VICTORIAM TOLLIT INIQUA] In apographo legitur, *victoria tollit iniquam.* ¶ BLASPHEMIUM TOLLIT

G

SOLOMON] Sic in apographo legitur, vt suprà, Ignominium & Infamium, Infr.

32. Sibi placentibus.

*Si locus aut tempus fauet, aut persona prouexit;
Iudex esto nouus, quid nunc extolleris inde?
Blasphemias indocilis, de cuius praestantia uiuis
In fragilitate tanta non respicis unquam.
Per gradus & lucra auidus fortunae praesumis;
Lex tibi non ulla est, nec te in prosperitate dinoscis.
Auro licet censeantur, bacchent aulica semper;
Cruciarium Domini si non adorasti, peristi.
Et locus & tempus & persona tibi donatur
Nunc, si tamen credis: sin autem, pro eo timebis,
Tempera te Christo; & cervicem illi depone.
Isti honor remanet & tota fiducia rerum.
Blanditur quando tibi tempus, cautior esto.
Vltima fatorum non providens quae te oportet,
Sine Christo reuiuiscere non potes unquam.*

IVDEX ESTO NOVVS] Nouum magistratum adeptus.
DE CVIVS PRAESTANTIA] Dei, qui tanta tibi tam liberali manu praestat. § CRUCIARIUM DOMINI] Sic legitur in apographo: Cruciatum Domini, Crucem Christi, Christum crucifixum. ΤΟΝ ΜΕΓΑΝΕΚΕΙΝΟΝ ΤΟΝ ΕΝ ΤΗ ΠΑΛΑΙΟΤΙΝΗ ΑΝΑΚΟΛΟΠΙΣΘΕΝΤΑ. Pro Cruciaro, Graeci dixerunt Martyrium: quo nomine vocitatam fuisse basilicam, a Constantino Caes. magnifice excultam, narrat

Eucherius Ep. Lugdunensis libello de Urbis Hierosolymitanæ situ. Ex eo vero in Vaticana libello, doctissimus Iac. Sirmondus observavit alteram quoque Basilicam eiusdem Constantini iussu erectam fuisse, appellatamque proprio nomine, Anastasin. Hanc certe Latini scriptores eo iure nuncupaverint Resurrectionem, quo iure Graeci Crucem dixere Martyrium, basilicæ illius nomen, cuius præcipue mentionem fecit Eucherius. Porro vocabulum illud, *ANASTASIN*, pro ipsa fidelium resurrectione, Commodianus noster ad sua Latina transtulit, Instr. XLIII. Nemo tamen idcirco basilicæ quoque nomen fuisse negaverit. Sed nummum sub Constantino cūsum, cuius pars anterior exhibet viri, absque nomine ullo, vultum, posterior vero, templi inter duos milites structuram Christi Domini effigiem præferre, non alio magis argumento probabitur, quam quod Christus ipse dixerit destructurum se templum hoc, seipsum demonstrans, & triduo post reparaturum; hoc est, se quoque ipsum resurrecturum, significans. Absque illo certe significato, adversus eos qui forte vultum illum esse negaverint Christi, multo leuioribus aget coniecturis qui contradicet. Iam si veram illic esse Christi effigiem, perque annos trecentos servatam fuisse archetypi fidem credimus, cur tandiu premitur res tanto studio cultuque Christianis omnibus conspicienda? cur autem apud illos tandiu latuit, qui tam formosum sibi depingi Christum volunt? Etenim Sirmondus, qui nummum vidit, hoc tantum ait, faciem esse vividam & gravem. Austeram alicubi dixi, ut sic quam minime derogarem traditionibus Patrum primo illo Christi seculo proximorum, quibus nec pudori fuit neque fraudi, neque item odio, *ΤΟΥ ΔΥΣΕΙΔΕΟΣ, ΤΟΥ ΑΕΙΔΕΟΣ, ΤΟΥ ΕΥΤΕΛΕΟΣ ΚΑΙ ΤΗΝ ΟΨΙΝ ΑΙCΠΟΝ.* [TEMPERATE CHRISTO] Obtempera Christo: Compose vitam tuam ad Christi leges, secundum mandata Christi.

33.

Gentilibus.

*Gens sine pastore ferox, iam noli vagare.
 Et ego qui moneo idem fui, nescius, errans.
 Nunc ideo Domini figuram sumite vestri:
 Tollite corda fera & exasperata sursum:
 Intrate stabiles Silvestri ad praesepe pastoris,
 Latronibus tuti sub regia tecta manentes.
 In silua lupi sunt, ideo refugite sub antro,
 Bellaris, insanis, nec respicis ubi moraris.
 Vni crede Deo, uti mortuus vivere possis;
 Surgas & in regno cum fiet resurrectio iustis.*

GENTILIBVS] Omnibus quidem ; sed iis praesertim qui adhuc per Italiam passim & Romae saeuiebant in Christianos, aut Chrsti nomen sive disciplinam oderant ac deridebant. ¶ DOMINI FIGVRAM SVMITE VESTRI] Induite Christum Dominum. Paul. ad Rom. 13. & ad Gal. *In baptismo Christum induistis.* Sumite figuram, characterem Christi ; Hoc est, Servate mandata & praecepta : Ipse Christus, Matth. xi. *Discite à me quia mitis sum & humilis corde.* Vnde subiungit Commodianus : *Tollite corda fera.* ¶ TOLLITE CORDA SVRSVM] Alludit ad solennem formulam, *Sursum corda.* ¶ INTRATE STABILES] In apographo, *Intrate stabilis silvestri ad praesepia tauri.* In promptu fuit emendatio : *Intrate stabiles Silvestri ad praesepe pastoris.* Quae verba ad Ecclesiae Romanae praestantiam faciunt non mediocriter. ¶ SVB REGIA TECTA] In Ecclesia Christi. sub Rege Christo. ¶ REFUGITE SVB ANTRO.] In cryptis Ecclesiae Christianae. Et for-

tean alludit ad illud temporis, quo Silvester, ad montem Soractem cum suis clericis delituisse creditur.

34. Item Gentilibus ignaris.

*Indomita ceruix respuit iugum ferre laboris;
Tunc iuvat in campis crassis satiari siliquis,
Et tamen inuita domatur utilis equa,
Minuiturq. ferox esse, primum dedomata.
Gens, homo, tu frater, noli pecus esse ferinum,
Erue te tandem, & tecum ipse retracta;
Non utique pecus, nec bestia es, sed homo, natus;
Tu te ipse doma sapiens, & intra sub arma,
Idola qui sequeris, nihil nisi vanitas aevi,
Levia vos corda perdunt paene liberatos.
Ibi aurum vestes argentum ulnis refertur;
Bellatur ibi, dein cantatur pro psalmis Amor.
Vitam esse putas ubi ludis, aut prospicis ista?
Sortiris ignare extincta, aurea quaeris,
Inde non effugies pestem, licet ipse diuinus.
Gratiam quam misit Dominus in terra legendam,
Non requiris eam, sed sic quasi bestius errans.
Aurea praefata venient tibi secla si credis,
Rursus & incipies immortale viuere semper.
Illud quoque datur scire quod ante fuisti,
Subiectum te praebe Deo qui cuncta gubernat.*

CRASSIS SATIARI SILIQVIS] Hor. Epistolar. II.
 Ep. I. — vivit siliquis & pane secundo. ¶ DOMATVR VTI-
 LIS EQVA] Hoc exemplo Philostratus narrat Apollonii fra-
 trem à fratre suo iuniore fuisse correctum. ΚΑΚΕΙΝΟΝ
 ΜΕΝ ΩΣΠΕΡ ΟΙ ΚΑΤΑΨΩΝΤΕΣ ΤΟΥΣ ΔΥΣΧ-
 ΝΙΟΥΣ ΤΕ ΚΑΙ ΜΥΕΥΑΤΩΓΟΥΣ ΤΩΝ ΙΠΠΩΝΕΣ
 ΠΕΙΘΩ ΗΓΑΓΕ ΚΑΙ ΜΕΤΕΡΡΥΘΜΗΣΕ ΤΩΝ ΑΜΑΡ-
 ΤΗΜΑΤΩΝ, &c. lib. I. cap. IO. ¶ INTRA SVB ARMA]
 In castris Christianorum. fias miles Christi. in Ecclesia Christi.
 ¶ BESTIVS] De Bestia fecit masculinum Bestius. ¶ AVREA
 PRAEFATA] Hic etiam fabulam ingerit Millenariorum,
 five aureae & gemmatae Ierusalem.

35. De ligno vitae & mortis.

*Adam protolapsus, ut Dei praecepta vitaret,
 Belias tentator fuit de invidia palmae,
 Contulit & nobis seu boni seu mali quod egit,
 Dux nati natiuitatis, morimur indeque per illum;
 Ex diuino ipse ut recedens exul à verbo.
 Finitis sex millibus annis immortales erimus.
 Gustato pomi ligno mors intrauit in orbem:
 Hoc ligno mortis generamur vitae futurae.
 In ligno pendet vita ferens poma, praecepta.
 Kauete nunc vitalia poma credentes.
 Lex à ligno data est homini primitiuo timenda;
 Mors unde prouenit neglecta lege primordi:
 Nunc extende manum & sume de ligno vitali;
 Optima lex Domini sequens de ligno processit*

*Perdita lex prima, gustat unde licet illi
 Qui deos adorat vetitos, mala gaudia vitae.
 Respuite gustum, sufficiet scire quod esset.
 Si vivere vultis reddite vos legi secundae.
 Templorum culturas, daemonum fata vitate.
 Vertite vos Christo, & eritis Deo sodales.
 Xanta Dei lex est quae mortuos vivere docet.
 Imnum sibi solus Dominus proferre praecepit,
 Zabolicam legem omnes omnino vitate.*

ADAM PROLAPSUS] Alludit ad protoplastum. ¶ BE-
 LIAS TENTATOR.] Diabolus, bestia proserpens. Sic Instr. 53.
 Tu tibi praeterea in Belian parcere noli. ¶ LEGE PRIMORDI.]
 Legem primordiale dicit Tertul. lib. adv. Iud. cap. 2. ¶ OP-
 TIMA LEX DOM. SEQUENS] Lex secunda. Nouum Te-
 stamentum. Evangelium. ¶ REDDITE VOS SEC.] Sic su-
 pra, Instr. 26. Non illa te reddunt. ¶ DAEMONVM FATA]
 Oracula idolorum. idolatrarum praestigias. ¶ XANTA DEI
 LEX EST] Sancta. sic Xantones, Santones. Elias Vinetus
 ad Ausonii Epist. xi.

36. De Crucis stultitia.

*De duplici ligno dixi, mors unde processit;
 Et iterum inde procedere vitam frequenter,
 Crux autem stultitia facta est adulterae genti:
 Rex aeternitatis per crucem dirus adumbrat
 Ut sibi nunc credant, o stulti morte viventes!
 Cain iuniorem occidit nequam repertus:*

*Inde Enoch suboles Caïnaea nati feruntur;
 Sic gens iniqua increuit mundo quae nunquam
 Transmittit animos in Deum: Credere crucem
 Venit in horrorem, & dicunt se viuere recte.
 Lex in ligno fuit prima, & inde secunda.
 Terribilem legem primo, cum pace reuenit.
 In praeuaricationes vanas elati ruerunt:
 Traiectum clauis dominum cognoscere nolunt:
 Iudicium cuius; cum venerit ibi dignoscent.
 Abel genus autem credit modo Christo benigno.*

DE CRVCIS STVLTITIA] Aut composito voca-
 bulo legendum, *crucistultia*. CTAÏPOMOTIA, aut deest
 acrostichidi versus. ¶ CRVX AVTEM STVLTITIA
 FACTA EST] Paulus ad Corinth. EΛΛΗCΙ ΜΟΤΙΑ. Hic
 vero Commodianus vniversim ad omnes gentes quae idola
 colunt: vt per gentem adulteram significet Caïnaeam. ¶ PER
 CRVCEM DIRVS ADVMBRAT] vt suprâ, *Obumbrant*
populum simplicem. Cruce sua Christus sapientes seculi pro stul-
 tis & fatuis habuit. Adumbravit eos diritate Crucis, tam ad-
 miranda divinae maiestatis patrans facinora. ¶ INDE ENOCH
 SVBOLES CAÏNAEA] In apographo legitur: *Inde Nobel*
suboles Cananaei. De isto Enoch Eusebius, priore Chronicorum
 libro, quem edidit Scaliger. *Iste Enoch alter est; non qui tran-*
spositus est vt non moriatur. ille enim filius est Iareth, septimus ab
Adam. ¶ ABEL GENVS AVTEM.] Imo genus Sethi, quem
 ipse Adamus ait positum sibi à Deo fuisse semen aliud pro Abele
 quem occiderat Caïnus. Lucas, ad Sethum, non ad Caïnum,
 Christi genealogiam refert. Quae autem de miaigamia filiorum
 hominum cum filiis Dei, qui & Egregori passim in scriptis
 veterum

veterum reperiuntur, tot fabularum intricata sunt commentis, ut quid adfirmari liquido possit minimè discernant etiam perspicacissimi. Videatur Suidas, in vocabulo, ΜΙΑΙΓΑΜΙΑ, cum Excerptis Scaligeranis ex Enochi libro I. & Collectaneis Petauianis, volumine de Angelis.

37. Qui iudaeidiant fanatici.

*Quid medius judaeus, medius vis esse profanus?
Vnde non effugies iudicium Christi defunctus.
Ipse caecus eras, & ad caecos intras, inepte:
Idcirco caecum caecus in fossam deducit:
Vadis ubi nescis, & inscius inde recedis.
Discentes ad doctos eant, doctique recedant.
At tu ad eos vadis, unde nihil discere possis.
Exis pro foribus, inde & ad idola vadis.
Interroga primum quid sit in Lege praeceptum;
Dicant illi tibi si iussum est deos adorare.
Ignorantur enim propter quod maxime possunt.
At illi quoniam rei sunt, ex ipso delicto
Nihil de praeceptis Dei nisi mirabile narrant.
Tunc tamen in fossam secum vos caeci deducunt.
Funera sunt, nimium de illis nota referre.
Aut quia concludit agrum congestus aratri.
Noluit omnipotens illos intelligere Regem;
Ascelere tanto refugit ipse cruentus.
Tradidit sese nobis superaddita Lege*

H

*Inde modo latitant nobiscum rege deserti.
Ceterum in illis si spem esse putatis,
In totum erratis si Deum & fana colatis.*

QVI IYDAIDIANT FAN.] Iudaizant. In antiquissimis Cypriani Codicibus Concil. Cartag. Exorcidiare, pro, Exorcizare. Sic & Instr. 35. Zabolicam legem, pro Diabolica. & passim Zacones, pro Diacones. ¶ FVNERA SVNT] Alludit ad vulgatum illud, ΔΙΕΚΡΑΜΒΗΘΑΝΑΤΟC. Crambe reposita mors est. Occidit miseros Crambe repetita magistros. ¶ AVT QVIA CONCLVDIT AGRVM CONG. AR.] Acrostichidos modus non capit plura. ¶ ASCELERE TANTO] Scelus intelligit Iudaeorum qui Regem suum Dominum nostrum crucifixere. ¶ REFVGIT IPSE CRVENTVS.] In ipsa Cruce Christus consummatis omnibus quae Pater mandauerat, abdicauit populum ingratum, conuertitque sese ad Nationes exteras. Cruentum hîc dicit, quem suprà, *dirum*.

38.

Iudaeis.

*Improbi semper & dura ceruice recalces,
Vinci vos non vultis, sic exheredes eritis.
Dixit Esaias incrassato corde vos esse.
Aspicitis Legem quam Moses allisit iratus.
Et idem Dominus dedit illi Legem secundam,
In illa spem posuit, quod vos subsannati reicitis.
Sed ideo digni non eritis regno coelesti.*

VINCI VOS NON VULTIS] Sic suprà, Instr. 27. *Vinceris insipiens*. At insipiens, cum vinci se patitur, resipiscit. Iudaei qui recalitrant, vinci nolunt.

39. Item Iudaeis,

*Inspice Liam typum Synagogae fuisse:
 Tam infirmis oculis, quam Jacob in signo recepit;
 Et tamen seruiuit rursum pro minore dilecta.
 Mysterium verum & typum Ecclesiae nostrae.
 Intuite plene dictum Rebecca de coelo:
 Vnde similes alienae, Christo credatis:
 Deinde Thamar partum geminorum adite:
 Ad Cain intendite, primum terrae cultorem,
 Et Abel pastorem qui fuit immaculatus
 In fratris exitio offertor mactatus à fratre.
 Sic ergo percipite, iuniores Christo probatos.*

INSPICE LIAM] His argumentis pugnant Justinus, Tertullianus, Cyprianus & alii Patres Christiani adversus Iudaeos. ¶ TAM INFIRMIS OCVLIS] Cyprianus: *Maiorem Liam, oculis infirmioribus.* Sulpitius Severus, *Lia oculis deformior.* Hancce Liam Commodianus ait typum Synagogae fuisse: at Rachelem iuniorem & pulcriorem, Ecclesiae Christianae. Quae sane comparatio decutit supercilium Iudaeorum, qui Synagogae angustias, Ecclesiae latitudini praeferebant. Hieronymus, Epist. ad Dardanum 129. ¶ QVAM IACOB IN SIGNO RECEPIT] Suppositam sibi, pro Rachele quam diligebat. ¶ IN SIGNO] Mysterio & figura, veteris Testamenti. ¶ PRO MINORE DILECTA] In apographo *pro minore delicto.* Mendose, Cyprianus: *Minorem speciosam, in typum Ecclesiae.* ¶ SIMILANTES ALIENAE] Virgil. ——— formam adsimilata Camerti.

40.

Iterum ipsis.

*Incredulus populus, non est nisi vester, iniqui,
 Tot locis & totiens reprobatus lege clamantum,
 Et sabbata vestra spernit & tricenas Altus
 Respuit omnino uniuersas vestras de Lege,
 Vt ne sacrificia faceretis illi praecepta;
 Mittere qui dixit lapidem in scandalo vestro.
 Iniqua si qui non crediderint morte perisse;
 Perque alias leges saluari dilectos: inde
 Suspensam in ligno vitam, nec illi creditis,
 Ipse Deus vita est, pependit ipse pro nobis.
 Sed vos indurato corde subsannatis eundem.*

LEGE CLAMANTVM] Scriptis Prophetarum. Sic Instr. 56.
 Si propheta tantum declamasset in nube. [ALTVS] Qui & Al-
 tissimus. [INIQUA MORTE PERISSE] Mortuum esse: subla-
 tum de rebus humanis. Humano, seu potius ethnico more loqui-
 tur. Neq. enim perisse dicidebet qui à mortuo tertia die reuixit.

41.

De Antichristi tempore.

*Dixit Esaias: Hic homo qui commouet orbem,
 Et reges totidem, sub quo fiet terra deserta:
 Audite quoniam propheta de illo praedixit:
 Nihil ego composite dixi, sed neglegendo.
 Tum scilicet mundus finitur, cum ille parebit,
 In tres imperantes ipse diuiserit orbem,
 Cum fuerit autem Nero de inferno leuatus,*

*Helias veniet prius signare dilectos.
 Res quas Africae regio & Arctoa natio tota
 In septem annis tremabit undique terra,
 Sed medium tempus Helias, medium Nero tenebit.
 Tunc Babylon meretrix incinefacta fauilla,
 Inde ad Ierusalem perget, victorque Latinus,
 Tunc dicet, Ego sum Christus, quem semper oratis.
 Et quidem conlaudant illum primitiui decepti,
 Multa signa facit quoniam eius pseudopropheta.
 Praesertim ut credant illi loquetur imago,
 Omnipotens tribuit ut talis euadat,
 Recapitulantes scripturas ex eo Iudaei
 Exclamant pariter ad excelsum sese deceptos.*

DIXIT ESAIAS] Quae sequuntur non sunt apud Esaïam, ut iam isthinc verissima sit Auctoris praefatio; Nihil se compositè dixisse. Sed est tamen apud Esaïam de Nova Ierusalem locus qui ab Justino Martyre adversus Tryphonem citatur pro tempore illo Mille annorum. Et est Prophetiae cap. 65. ¶ QUI COMMUVET ORBEM, ET REGES TOT.] Commovet orbem & consimiliter Reges. Iam saepe observauimus hanc particulam *totidem* in hoc significato. ¶ NERO DE INFERNO LEVATUS.] Sic Instr. 61. *de cloaca leuatus*. Deprauatissimè in apog. *Herode inferno leuatus*. ¶ MEDIUM NERO TENEBIT] Sulp. Severus Hist. 11. Opinione multorum receptum fuisse ait, ipsum Antichristum venturum. ¶ TUNC BABYLON MERETRIX] Quae in Apocalysi Joannis habet in fronte nomen, Mysterium; Babylon magna, mater fornicationum & abominationum terrae. Tertullianus lib. aduers.

Judaeos, *Babylon apud Ioannem nostrum Romanae urbis figura est. Proinde & magnae & superbae & sanctorum debellatrix.* Auctores finium regundor, Babylonem Romam dixere: ubi & obseruauimus quae huc pertineant. pag 271. & 313. ¶ VICTOR Q. LATINVS.] Irenaeus lib. 5. cap. 25. Sed & Latinos nomen sexcentorum sexaginta sex numerum. *Et valde verisimile est quoniam verissimum regnum hoc habet vocabulum: Latini enim sunt, qui nunc regnant.* Sed non in hoc nos gloriabimur, &c. Quam iste Latinus ab illo Siluestro diuersus! ad cuius praesepe cunctos convocat Christianos Instr. xxx. ¶ PRIMITIVI DECEPTI] Sic Instr. 35. *homini primitiuo.* ¶ LOQVETVR IMAGO] Apoc. xiii. 15. Hoc etiam de Apollonii Thyanaei imagine narratur. ¶ RECAPITVLANTES EX EO SCRIPTVRAS] Hesychius: ΑΝΑΚΕΦΑΛΙΟΥΤΑΙ, ΣΥΜΠΛΗΡΟΥΤΑΙ, ΕΠΑΝΑΛΑΜΒΑΝΕΙ. Frequenter vsurpat hoc verbum Irenaeus, lib. v. cap. & 151. de ipso Christo: *recapitulans, inquit, in se omnia quae in coelis, quae in terra sunt.* Et paulo post: *haec igitur in semetipso recapitulatus est, adunans hominem spiritui.* &c. Tertullianus lib. v. adv. Marc. *Sicut verbum illud in Graeco sonat, recapitulare, id est, ad initium redigere, vel ab initio recensere omnia in Christum.* Eldr. iiii. 12. 25. *qui recapitulabunt impietates eius, & qui perficient nouissima eius.*

42. De populo absconso sancto omnipotentis Christi Dei viui.

*Desideretur absconsus ultimus sanctus,
Et quidem ignotus à nobis ubi moretur.
Per nouem tribum agens & dimidiam nobis
O
Praecepitque per Legem viuere priscam:*

*Viuaamus nunc omnes nouella traditio legis,
 Lex ut ipsa docet aptius iudico vobis.
 Obrelictæ duæ tribuum & dimidia, quare
 Ab istis dimidia tribuum: ut martyres essent
 Bellum cum inferret electis suis in orbem.
 Seu certe sanctorum chorus prophetarum
 Consurgeret ad plebem, qui frenum imponeret illis,
 Obsceni quos equi trucidarunt calce remissa.
 Nec rueret temere ad pacem manus aliquando.
 Semotæ sunt istæ tribuum, & mysteria Christi
 Omnia per istas complentur saeculo toto.
 Sunt autem de scelere duorum fratrum enatae,
 Auspicio quorum facinus secutæ fuere.
 Non immerito tales dispersi sunt ipsi cruenti
 Convenient iterum propter mysteria Christi.
 Tunc autem properant compleri Legis narrata.
 Omnipotens descendit Christus ad suos electos,
 Obscurati nobis qui fuerunt tempore tanto:
 Millia tot facti, illa est gens vera coelestis.
 Non natus ante patrem moritur ibi, neque dolores
 In suis corporibus sentiunt, aut tubera naso.
 Pausantes in lecto suo, mature recedunt,
 Omnia complentes Legis. ideoque tutantur.
 Transire iubentur ad Dominum partibus dextris,*

*Vide Jo. Frontonis Not.
 ad Kalendas Roman.
 pag. 122*

*Exsiccat fluuium quibus sicut ante traiectis
 Nec minus & dominus ipse procedit cum illis,
 Transiit ad nostra, veniunt cum rege coelesti.
 In quorum itinere quid dicam quod Deus educet?
 Subsident montes ante illos & fontes erumpunt,
 Coelestem populum gaudet creatura videre.
 Hic tamen festinant matrem defendere captam.
 Rex autem iniquus qui obtinet illam, ut audit,
 In partem Boreae fugit & colligit omnes.
 Sed cum se inlidet exercitu Dei tyrannus
 Terrore coelesti prosternuntur milite coeli;
 Ipse cum infando comprehenditur pseudopropheta.
 Decreto Domini traduntur viui gehennae.
 Ex eo primores & duces seruire iubentur.
 Intrabunt tunc sancti ad antiquae ubera matris.
 Ut autem & illi refrigerent quos male ille suaserat,
 In variis poenis cruciabit sibi credentes.
 Ventum est ad finem quo tolluntur scandala mundo.
 Incipiet Dominus iudicium dare per ignem.*

SANCTOR. CHORVS PROPHE TAR.] Synodus Episcoporum. **Q**OBSCENI QVOS EQVI] Carpit Novati & Novatiani scelera, qui abstenti eiectione Ecclesia plebem adversus Episcopos suos accenderant. Vid. Cypriani Epistola 49. **Q**NEC RVERET TEMERE AD PACEM] Hoc pertinet ad historiam Lapsorum & Schismaticorum, qui factiosis prensationibus Episcopos perurgebant, ut pacem indignis etiam

etiam inviti concederent. ¶ DE SCELERE DVOR. FRATRV M.] Quondam fratrum, hodie apostatarum. ¶ CRVENTI] Truces, diri, atroces. ¶ PROPTER MYSTERIA CHRISTI] In apographo: propter mysteria castus. ¶ COMPLERI LEGIS NARRATA.] Hac loquendi formula vsus est, deque Antichristo & fine seculi consentanea Commodiano scribit, circa annum Chr. 360. Q. Julius Hilario: *Si nos imperio Dei, quod fidele est, audiamus, accipiamus necesse est quicquid nobis divina Lex fideliter enarrauit, &c.* ¶ AVT TVBERA NASO.] In apog. *ubera nato.* prave. Ozaenam significat, vel potius Polypum. Ozaena, malum vlcus in naso, & foetidum. Polypus, malum item in naso, à polypo pisce nuncupatum; & est KAPKINΩΔEC, nares urget & strangulat. ¶ PAVSANTES IN LECTO] Inscriptio vetus Mediolani AVRELIVS. EVSEBIVS, MATRI. CONTRA. VOTVM. FIDEL. PAVSANT, Gruterus, pag. ML. 9. ¶ TRANSIRE IVBENTVR AD DOM.] Sic in Inscriptione antiqua, Viennae Allobrogum: ¶ TRANSIIT SVB DIE OBRIS. FAVSTO. VIRO. C. CONSS PROSTERNVNTVR MILITE COELI] Vid. Apoc. XIX. 19. In apographo legitur, *prosternuntur milites Eli.* ¶ PSEVDOPROPH.] Apoc XIX. 20. ¶ PRIMORES ET DVCES SERVIRE] Infrà dicet: *Sub iugo servili portent victualia collo.* ¶ IUDICIUM DARE PER IGNEM] Tertullianus, lib. de resur. car. cap. 25. Dehinc & igne dato, vniuersalis resurrectionis censura de libris iudicabitur.

43. De saeculi istius fine.

*Dat tuba coelo signum sublato leone
Et sunt subito tenebrae cum coeli fragore;
Summittit oculos Dominus ut terra tremiscat;
Adclamat ut & audiant omnes in orbem:*

I

Ecce diu tacui sufferens tanto tempore vestra:
 Conclamant pariter plangentes sero gementes;
 Vlulatur, ploratur, nec spatium datur iniquis:
 Lactanti quid faciet mater! cum ipsa crematur.
 In flamma ignis dominus iudicabit iniquos:
 Justos autem non tanget ignis, sed immo delinget.
 Sub uno morantur, sed pars in sententia fleuit.
 Tantus erit ardor ut lapides ipsi liquefiant;
 In fulmina coeunt venti, furit ira coelestis,
 Ut quacumque fugit impius occupatur ab igne;
 Suppetium nullum erit, nec nautica puppis:
 Flammatur Amen gentes, & Medi Parthique feruent;
 In annis mille, ut ferunt operta Ioannis.
 Nam inde post annos mille gehennae traduntur,
 Et fabrica cuius erant cum ipsa cremantur.

DE SECVLI FINE] Clausulam temporum dixit Tertul.
 lib. de resur. car. Alibi: Clausulam sacificationis & gloriae
 secularis. [SVBLATO LEONE] Hunc fore Neronem opi-
 nabantur Christiani. Sulp. Severus, Dial. II. ubi de iis quae
 angelus beato Martino nunciaverat. Cum ab eo de fine seculi
 quaereremus, ait nobis: Neronem & Antichristum prius esse ven-
 turos, &c. Et paulo post, Denique Neronem ab Antichristo esse pe-
 rimendum &c. [IN FLAM. IGNIS] Paulus II. ad Thesal. 8.
 ΕΝ ΠΥΡΙ ΦΛΟΓΟΣ. Apocal. XIX. 12. ΦΛΟΞ ΠΥΡΟΣ
 [FLAMMAT AMEN] Amen, Verbum Dei. quo ipse Do-
 minus designatur: Ο ΠΙΣΤΟΣ ΚΑΙ ΑΛΗΘΙΝΟΣ. Η
 ΑΡΧΗ ΤΗΣ ΚΤΙΣΕΩΣ ΤΟΥ ΘΕΟΥ. Apoc III. 14.

Quemadmodum vero hac Instrukione Commodianus ait
 Flammat Amen, sic per Ecclesiam Romanam ad similitudi-
 nem coelestis tonitruum Amen reboare dixit Hieronymus, proe-
 mio lib. II. ad Gal. Vid. Isid. Orig. VI. cap. 19. ¶ **VT FERUNT**
OPERTA IOANNIS] in apographo legitur: Vt ferunt
 corpora sanctis. quod procul dubio depravatum est. Emenda-
 mus, *Vt ferunt coperta Sancti.* vel potius *operta Ioannis.* veteres
 Glossae: Opertum, ΑΠΟΚΡΥΦΟΝ. Apocalypsin Latini di-
 xere, Reuelationem. De Apocalypsi Joannis, Sulpitius Seve-
 rus Hist. II. à plerisque aut stulte, aut impiè non recipitur.
 Hanc Eusebius Hist. Eccl. III. 25. inter dubia recenset. Hiero-
 nymus Epist. ad Dardanum, 129. ubi de epistola Barnabae ad
 Hebraeos, *Vtramque* inquit, *recipimus; ad Hebr. & Apocalypsin.*
 Quae certe revelatio mysteria nobis exhibet valde operta &
 abscondita.

44. De resurrectione prima.

*De coelo descendet ciuitas in anastasi prima:
 Est quod referamus de fabrica tanta coelesti.
 Resurgemus illi qui fuimus illi deuoti,
 Et incorrupti erunt, iam tunc sine morte viuentes:
 Sed nec dolor ullus, nec gemitus erit in illa.
 Venturi sunt illi quoq. sub antichristo qui vincunt
 Robusta martyria: & ipsi toto tempore viuunt,
 Recipiuntq. bona quoniam mala passi fuere,
 Et generant ipsi per annos mille nubentes:
 Comparantur ibi tota vectigalia terrae,
 Terra quia nimium fundit sine fine nouata.
 Inibi non pluuia, non frigus in aurea castra,*

*Obsidiae nullae, sicut nunc, neque rapinae.
 Nec lucernae lumen desiderat ciuitas illa:
 Ex auctore suo lucet, nec non ibi paret
 Per duodecim millia stadia lata longa sic alta,
 Radicem in terra, sed caput cum coelo peraequat;
 In urbe pro foribus autem Sol & Luna lucebit
 Malus in angore septus propter iustos alendos.
 Ab annis autem mille Deus omnia perdet.*

DE COELO DESCENDIT CIVITAS] Tertullianus,
 lib. III. adv. Marc. *Confitemur in terra nobis regnum repromissum;
 sed ante coelum, sed alio statu; utpote post resurrectionem in mille annos;
 in ciuitate diuini operis Ierusalem, coelo delata; quam & Apostolus ma-
 trem nostram sursum designat.* Ibidem paulopost. *Constat Ethnicis
 quoque testibus in Iudaea per dies quadraginta matutinis momentis
 ciuitatem de coelo pependisse &c.* ¶ IN ANASTASI PRIMA]
 Apocal. xx. 5. Tertul. lib. de resur. car. *Diabolo in abyssum rele-
 gato primae resurrectionis praerogatiua de soliis ordinatur.* Ex Mille-
 nariorum disciplina duas constituit resurrectiones; primam re-
 surgentium ad illam mille annorum terrenam felicitatem: al-
 teram vniuersalem, quum dabit Deus ignem totius orbis con-
 flagratorem, ad supremi iudicii censuram. Et tamen ipse Ter-
 tullianus alibi passim martyrum animas in ipsa martyrii corona
 statim rapi ad coelum adfirmat: aliis vero, & fidelibus quidem
 ipsis, moram resurrectionis opponit; ita ut apud inferos mo-
 dicum quodque delictum breuiore aut longiore mora illa re-
 surgendi luant. Sententiis certe perplexis & intricatis; ut solent
 esse mortalium, Dei consilia curiose nimis inquiringentium, vel
 minus verecunde sollicitantium. Vid. lib. de An. cap. 35. & 58.
 lib. de resur. car. cap. 25. lib. III. adv. Marc. cap. 24. & Scorp.
 cap. 12. Obser. ad Cypr. Epist. 52. ¶ ET GENERANT IPSI]

Hoc certe fuit eximie fatuum in illa millenarii temporis fabula. Lactantius, vii. Per eodẽ mille annos infinitam multitudinem generabunt, & erit soboles eorum sancta & Deo cara &c. ¶ **OBSIDIAE NVLLAE**] Infrà dicet: Obsidiando perit. ¶ **MALVS IN ANGORE**] Malum dicit, draconem, serpentem, diabolum, satanam, ПОННРОН. ¶ **ANGORE**] Angina, cruciatu.

45. De die iudicii.

*De die iudicii propter incredulos addo.
Emissus iterum Dei donabitur ignis:
Dat gemitum terra, verum tunc in ultima fine.
Iter agentes, & tunc increduli cuncti
Euitate tamen sanctorum castra suorum.
In una flamma conuertitur tota natura:
Vritur ab imis terra, montesque liquefunt:
De mare nil remanet, vincitur ab igne potente.
Interit hoc coelum & astra, & ista mutantur.
Componitur alia nouitas coeli terraeq. perennis.
Inde qui mereunt mittuntur in morte secunda.
Interioribus autem habitaculis iusti locantur.*

¶ **MITTUNTUR IN MORTE SECUNDA**] Prima est corporis, secunda animae; quae est mors aeterna, ignis aeternus. Vid. Inst. 52. **INTERIORIBVS AVTEM HABITACVLIS**] Etenim intrare sive introire dicuntur sancti in regnum Dei, in vitam aeternam. Mali contrà, eijciuntur, pelluntur, mittuntur in tenebras exteriores.

46.

Catecuminis.

*Credentes in Christo derelictis idolis omnes
 Admoneo paucis propter salutaria vestra.
 Temporibus primis per errorem si qua gerebas,
 Erogatus enim Christo tu cuncta relinque.
 Cumque Deum nosti esto bonus tyro: probatus,
 Virgineusq. pudor tecum versetur in agno.
 Mens bonis inuigilet: caue ut non delinquas in ante.
 In baptismo tibi genitale solox lauatur.
 Nam si quis peccans catecuminus poena notatur
 In signis ille uiuat, sed non sine damno.
 Summa tibi. graui peccata deuota tu semper.*

CATECVMINIS] Hoc vocabulum ita scriptum vulgo
 fuisse aevo Commodiani acrostichis indicat. Sunt autem ΚΑ-
 ΘΗΧΟΥΜΕΝΟΙ, Audientes, Competentes. ΔΙΑΚΟ-
 ΜΕΝΟΙ. ¶ CAVE VT NON DELINQVAS IN ANTE]
 Hoc est, vt vitam non vivas qualem vivebas antequam esses
 ad fidem Christianam vocatus. Sic Instr. seq. *Vnde non effugies
 peccatum prisca sectans.* Prisca sectatur, qui professus Christi no-
 men, redit ad vomitum, & vitam viuit seculi vitiis dissolu-
 tam. qui moribus utitur, quibus utebatur ante fidem Christo
 datam. ¶ IN BAPTISMO TIBI GENITALE SOLOX
 LAVATUR] In apographo legitur: *In baptismo tibi genitale
 sola tenantur.* Prima visione placebat, baptismum genitalem
 dici, quo sensu dixit Cyprianus ad Donatum, vndae genita-
 lis auxilio superioris aevi labem deterfam. Vt haec sententia
 Commodiani fuerit, novam in Christiano baptismo nobis

nascitatem donari, qua nempe renascimur depositis sordibus
 Adami veteris, Omnes enim ex eo nascimur, eiusque pecca-
 tum quasi per traduces longa serie propagatum in nos dima-
 nauit. At renascimur in Christo, baptismo videlicet genitali.
 Qui sensus sane bonus est & verus. Sed quid fiet his quae se-
 quuntur in apographo, *sola tenantur*, vel *sola lauantur*. Sic igi-
 tur opinabar: sola peccata genitalia lauari baptismo, non ea
 quae post baptismum, violata Christianae disciplinae fide,
 committuntur. Qui sensus satis itidem commodus videatur,
 vt sit genitale peccatum, quod ab origine sua quisque secum
 infert. Verum, ne quid dissimulem, displicebat ea scriptura;
 genitalia sola baptismo lavari, quae ipsa sui ambiguitate risum
 movet. Itaque pensatiùs cogitanti subvenit alia huiuscemodi:
In baptismo tibi genitale solox lauatur. Quae lectio, etsi non pe-
 nitus sublata ambiguitate, sed tamen correctâ, lavacri geni-
 talis necessitatem taxat. vt iam solox genitale dicantur sordes
 originalis peccati, quas elui baptismo credimus. Solox, vsitatum
 Tertulliani Pallio vocabulum, sub Commodiani stilum, vt
 pleraque alia quae passim observabimus, venit. Lanam cras-
 sam significare notat Festus. ΟΙΣΥΠΕΙΟΝ, ΕΡΙΟΝ ΡΥ-
 ΠΑΡΟΝ ΠΡΟΒΑΤΩΝ. Vnde & soloecismum dixere Gra-
 matici, & quicquid crassum aut pingue, inhonestum & turpe.
 ¶ NAM SI QVIS PECCANS CATECH.] Cyprianus,
 lib. III. ad Quirinum, Art. 98. Cathecumenum peccare iam
 non debere. In cuius articuli testimonium citat ex Epistola
 Pauli ad Rom. cap. 3. Faciamus mala, dum veniant bona. Quasi
 dicerent quidam in catechumenatu positi, Ludamus, Indul-
 geamus voluptatibus & genio quantum videbitur. etenim,
 quicquid peccatum a nobis fuerit, abluet baptismus. Nimirum,
 fuere tam impii, qui distulerint baptismum in extrema vitae
 tempora, vt malitia sua diuturniore fruerentur, securi de
 istius lavacri, etiam in extremis, efficacia. Hoc vero Constan-
 tini Caesaris baptismo crimini datum est. Multo prudentior &
 tutior illa Prosperi Aquitani confessio. Natum me quondam

sub lege peccati, & transfusa in me à parentibus ordinaria mortis conditione captivum, ne longo ferocis domini iure detinerer, inter ipsa me vitae initia, misericors & miserator Domine liberaſti. Ante inveni tyrannicidam, quam intelligerem ſervitutem, &c. ¶ POENA NOTATUR] Mox dicit: *ſed non ſine damno*. Prolato ſcilicet, catechumenatus ſui tempore. Patres Synodi Nicaenae, can. 15. De catechumenis qui prolapſi ſunt, ſtatuērunt tribus annis eos à catechumenorum oratione ſeparatos, poſtea recipi debere. ¶ IN SIGNIS ILLA VIVAT] Legendum arbitramur, In ſignis ille vivat. In ſignis, nempe Chriſtianis. ut in caſtris. ¶ SUMMA TIBI] Quasi diceret. Hoc in ſumma tibi ſit animo & memoriae fixum.

47.

Fidelibus.

*Fideles admoneo fratres de odio tollant:
 Impia martyribus odia reputantur in ignem;
 Dicitur martyr cuius eſt confeſſio talis:
 Expiari malum nec ſanguine fuſo docetur.
 Lex iniquo datur, ut poſſit ſeſe frenare.
 Inde debet carere dolis; ſimiliter & tu.
 Bis Deo peccas qui lites fratri protendis:
 Vnde non effugies peccatum priſca ſectans.
 Semel eſ lotus, nunquid poteris denuo mergi?*

[FRATRES DE ODIO TOLLANT.] Adverſus haec inter Chriſtianos odia & diſſenſiones ſtudioſiſſime Tertullianus egit, libello ad Martyres, pag. 155. *In primis ergo benediſti, nolite contriſtare Spiritum ſanctum, &c.* Fratres odio tollunt, qui per odia fraternitatem evertunt; nec tantum de amicis, ſed de fra-

tribus, faciunt inimicos. Itaque scribendum: Fideles admonco, fratres ne odio tollant. ¶ LEX INIQVO DATVR.] Iniquum dicit eum qui non est Christianus. ¶ VT POSSIT SESE FRENARE.] Sic etiam dicit Instruēt. sequenti: Lex homini data est & doctrina vitae legenda, Ex qua recordatur ut possit vivere caute. ¶ VNDE NON EFFVGIES PECC. PRISCA SECTANS.] Hoc est, quod suprà dixit: peccans inantē. Vtrum legas, peccatum prisce sectans, quod est in apographo; aut, prisca sectans, parum refert, sensus est idem. ¶ SEMEL ES LOTVS, NVNQVID POTERIS DENO MERGI.] Amisisti baptismum, quod unum est. Praeclara est Prosperi fides: Licet ego à donis tuis recesserim, in me tamen tua dona manserunt.

48. Fideles caute Malum.

*Falluntur volucres & silvarum bestiae siluis,
Ipsae incanta, iactura quibus est tradita, mentis.
Decipiuntq. quae stuosa, ut esca, sequentes,
Et vitare malum nesciunt, nec lege tenentur,
Lex homini data est & doctrina vitae legenda,
Ex qua recordatur, ut possit vivere caute,
Suique locum; mortis & deroget ea quae sunt.
Condemnat se ipsum grauitur qui Regi delinquit;
Aut ferro ligatus, aut de suo gradu deiectus,
Vel vita priuatus perdit quod frui deberet.
Exemplo moniti, grauitur peccare nolite.
Translati lauacro magis caritatem habete.
Escam muscipuli, ubi mors est, longe vitate.
Multa sunt martyria quae fiunt sine sanguine fuso.*

K

*Alienum non cupere, velle martyrium habere,
Linguam refrenare, humilem te reddere debes,
Vim ultro non facere, nec factam reddere contra.
Mons patiens fueris, intellige te martyrem esse.*

IPSIS INCANTA IACTURA QVIBVS EST TRAD. MENTIS.] Tmesis: ipsis incantamentis iactura quibus est tradita. Hoc est, quae obiecta sunt passim & neglegenter fallendis volucris & bestiis. Incantamenta dicit, sophismata; omne genus fallaciarum capiendis volucris & bestiis. Quidni autem & incautamenta dixerit huiusmodi dolos obiectos siue expositos fallendis avibus & bestiis incautis. Haec vero tmesis, non est durior illa Enniana: *Saxo cere comminuam brum.* ¶ DECIPIUNT QVAESTVOSA, VT ESCA, SEQ.] In apographo superscriptum est, *Decipiunt quae aurea.* Vera forte anscriptura fuerit, *Decipiuntque antra*, vt esca, sequentes. Antra, fossae obiectae virgultis & frondibus, subruendis bestiis insequentibus venatores. ¶ SVI Q. LOCVM.] Repetendum de praecedentibus: *recordatur*: Lex homini data, facit vt recordetur vivere caute. facit vt recordetur locum sui; hoc est, coelum, si caute & recte vivat; infernum, si prave. Eadem vero lex facit *vt derogat* ea quae sunt mortis: vt deprecetur a Deo mortem, quam peccando forte promeruit aeternam. ¶ ESCAM MVSCIPVLI] Sic emendari videtur, quod est in apographo deprauatum, *Et escam muscipuli, ubi mors & longe vitae.* Glossae veteres: Muscipulum, ΜΥΑΓΡΑ. Muscipula, ΠΑΓΙΔΕC. & in singulari feminino, Muscipula, ΠΑΓΙC. Phaedrus: *Qui saepe laqueos & muscipula evaserat.* ¶ VELLE MARTYRII HABERE] Sic legitur in apographo: nec aliud significat, quam velle martyrium tollere, siue habere. optare martyrium, cupere martyrem fieri.

49. Poenitentibus.

*Poenitens es factus, noctibus diebusque precare :
 Attamen à matre noli discedere longe ,
 Et tibi misericors poterit Altissimus esse.
 Non fiet in vacuum confessio culpae; perinde
 In reatu tuo disce manifeste de flere.
 Tu si vulnus habes herbam medicumque require.
 Et tamen in poenis poteris tua damna lenire.
 Namque, fatebor enim, unum me ex vobis adesse,
 Terroremque linquendum. sensi ipse ruinam.
 Idcirco commoneo vulneratos cautius ire.
 Barbam comamque foedare in pulvere terrae,
 Volutarique saccis, & petere summo de Rege:
 Subueniet tibi, ne pereas forte de plebe.*

POENITENS ES FACTVS] Ad poenitentiam admī-
 ffus. Etenim indulgeri sibi poenitentiae locum ambiebant,
 longa poenitentiae demonstratione. Aegrè poenitentia da-
 batur illi qui sic deliquerat, ut probrum Ecclesiae obiiceret,
 retinenti secum tam ignominiosum peccatorem, vt expelli,
 abstineri, ac prohiberi Ecclesia meruisset. qui Ecclesiam de-
 licto suo fecerat vt erubesceret. Porro eadem Ecclesia non
 inuidebat poenitentibus ad Deum conuersionem, apud quem
 de venia impetranda non desperabat. ¶ A MATRE NOLI
 DISCEDERE] Ab Ecclesia, domina matre, cuius de vbe-
 ribus alimur. ¶ SENS I IPSE RVINAM.] Sensi me mori.
 Sensi vnde ipse decideram. In apogr. sensisse ruinam. ¶ V O-

K ij

LVTARIQ. SACCIS] In apogr. : *volutarique satis*. Poenitentis habitus , mala sui ipsius tractatio. extra lactitiam deuersari , in asperitudine sacci , & horrore cineris , ab omni vitae fruge dilati. In sacco & cinere volutantis , concinerati & conciliati, Tertullianus. ¶ NE PEREAS FORTE DE PLEBE] Hoc est, de Ecclesia; de turba fidelium; de populo Christi; de populo sancto. Erat enim tunc temporis Ecclesia, Episcopus, presbyter, diaconus, plebs, sive laici.

50. Qui apostatauerunt Deo.

*Quando bellum autem geritur, aut ingruit hostis,
Vincere qui poterit aut latere, magna trophaea.
Infelix autem erit qui fuerit captus ab illis.
Amittit patriam & Regem, qui digne pro veritate
Pugnare pro patria qui noluit, neque pro vita:
Obisse deberat, quam ire sub barbaro rege,
Seruitiumq. petat qui hostibus sine lege deferre.
Tu si proeliando moreris pro Rege, viciisti.
At si manus dederis, incolumis Lege peristi.
Transfluuiat hostis, tu sub latebra conde:
Aut si intrare potest: si necne, ne cessa,
Vndique te redde tutum, tuos quoque, viciisti.
Et vigilanter age, ne quis incurrat in illa.
Res infamis erit si quis se propalat hosti.
Vincere qui nescit & occurrit tradere sese,
Nec sibi nec patriae laudem remisit ineptus.*

*Tunc viuere noluit, cum ipsa vita peribit.
 Domini si quis inops, aut profanus ab hoste
 Eramen sonans facti, vel ut aspides surdi,
 Orare satis debent, aut se condere tales.*

QVAM IRE SVB BARBARO REGE.] Barbarum regem dicit, regem non Christianum. ¶ SI MANVS DEDERIS.] Thus in acerram miseris. ¶ VNDIQUE TEREDDETVTVM.] Dissentit à Tertulliano Commodianus: consentit autem Cypriano. suadet in persecutione fugam, aut latebras. immo in latebris & in fuga martyrium esse docet. Omnino vetat ne quis incurrat, ne quis se offerat. Denique ait Christianum qui se propalat hosti, esse sui ipsius traditorem. si tamen incidat in hostem, vel opprimatur à persequentibus, tunc pro nomine Christi esse debere constantissimum. nam si vitam negando redimat, cum ipsa vita periturum. ¶ TVNC VIVERE NOLVIT.] Vitam aeternam vivere noluit. qui parum fortis coram praeside, coram tyranno, fuit. tura dedit idolo, vel negavit Christum. aeternae vitae renunciavit, ut momentaneam servaret. ¶ DOMINI SI QVIS INOPS] vt simpliciter ethnicus. Inopem Domini dicit, qua forma de Saturno, venit inops animi, Instr. 4. ¶ VEL PROFANVS AB HOSTE.] à persecutoribus nominis Christiani subactus; à quibus rediit negator. ¶ AERAMEN SONANS FACTI.] I. Cor. 13. I. AAAAAZONTEC. ¶ VEL VT ASPIDES SVRDI] Qui adversus Dei sapientiam aures suas obturant. ¶ ORARE SATIS DEBENT] Ita vt poenitentiae facultatem ab episcopo impetrare mereantur; Ecclesia, quam negato Christo dehonestaverunt, placata per longam ac miserabilem exomologesin. ¶ AVT SE CONDERE TALES] Ita ut nusquam post hac in Ecclesiae castris conspiciantur.

51.

De infantibus.

*Duellum hostis subito venit inundans,
 Et prius quam fugerent, paruulos occupauit inertes.
 Improperandum eis non est licet capti videntur:
 Nec quidem excuso: ob delicta forte parentum
 Fuere promeriti, ideo Deus tradidit illos.
 Attamen adultos hortor in arma recurrant,
 Nascanturque quasi denuosuae matri de ventre.
 Terribilem legem fugiant, semperque cruentam;
 Impiam, indocilem, ferina vita viventem.
 Bellum enim aliud cum fuerit forte gerendum,
 Vincere qui poterit, aut certe iam scire cavere.
 S*

DE INFANTIB.] Sensus est apertus: stabilienda tantum
 scriptura Instructionis in hunc modum, quo nunc edi cura-
 vimus: ¶ ET PRIUSQVAM FUGERENT, PARV-
 LOS] In apographo: *Et priusquam fugeret paruulos oc in.* ¶ TER-
 RIBILEM LEGEM FUGIANT] In apographo: *Terribi-*
lem Legem fugiens. Fugiant inquit, Legem illam terribilem,
 Ethnicam, quae sacrificare idolis iubet, cuius Legis cultores
 flammis aeternis sunt destinati.

52.

Desertores.

*Desertores enim genere non uno dicuntur.
 Est alius nequam, alius in parte recedit;*

*Sed tamen utrique iudicia vera decernuntur.
 Ecce militatur Christo, sicut Caesari paretur.
 Refugium Regis pete si delictor fuisti;
 Tu illum implora, prostratus illi fatere:
 Omnia concedet, cuius sunt & omnia nostra.
 Repositis castris ulterius caue delinquas.
 Errare noli diu miles per spelaea ferarum.
 Sit tibi peccare desistere gestum immensum.*

DESERTORES] Desertorum duo genera constituit. Tur-
 rificatorum & Libellatorum. ¶ EST ALIVS NEQVAM.]
 qui sacrificat idolo; quod est apud Deum principale crimen.
 ¶ ALIVS IN PARTE RECEDIT.] qui, ne pertrahatur in
 capitolium sacrificaturus, paciscitur; oblato praefidi libello;
 concussori, pecunia. ¶ MILITATUR CHRISTO, SICVT
 CAES. PAR.] Militatur Christo, qui sacrificare idolo vetat;
 & in sacrificantes, etiam mortuos, animadvertit poenis aeter-
 nis. Paretur Caesari, qui mori iubet non sacrificantes idolo;
 nec habet quid faciat mortuis. nam sic mortui pro Christo,
 qui sic Caesari paruerunt, ut mortem fortiter oppetierint pro
 Christi nomine, vitam vivunt aeternam. ¶ SI DELICTOR
 FUISTI.] Delictorem dicit, peccatorem. & sic etiam loqui
 Cyprianum observauimus. ¶ REPOSITIS CASTRIS.]
 Castris scilicet aduersus Ecclesiam rursus positus, tu ipse post
 acceptam poenitentiam repositus Ecclesiae castris, noli am-
 plius esse desertor. ¶ SIT TIBI PECCARE DESISTERE
 G. I.] Consimile est illud Instr. 46. *Summa tibi: graua peccata
 deuotato semper.*

*Militiae nomen cum dederis, freno teneris.
 Incipe tunc ergo dimittere pristina gesta:
 Luxurias vita, quoniam labor imminet armis.
 Imperio Regis omni virtute parendum,
 Tempora postrema si vis pertingere laeta.
 Ille bonus miles, semper expecta fruenda;
 Blandire noli tibi, de sidias omnino mitte,
 Ut tuo praeposito cottidie praesto sis, ante
 Sollicitus esto, matutinus signa reuise.
 Cum videris bellum, agonia sume propinqua.
 Haec gloria regis militem videre paratum.
 Rex adest, optato propter spem dimicaturum.
 Ille parat dona, ille pro victoria laetus
 Suscipit, & proprium satellem dedicat esse.
 Tu tibi praeterea in Belian parcere noli.
 Impiger esto magis, ut reddat famam pro morte.*

INCIPIT TVNC ERGO DIMITTERE PRIST. GES.]
 Suprà dixit: caue ut non delinquas inante, Instr. 46. Opponit
 hîc, *dimittere pristina*, illi quod Instr. 47. *sectari prisca*. Prisca
 seu pristina, sunt quae ante fidem commissae sunt, & qualia pec-
 cant ethnici sive profani. ¶ IMPERIO REGIS.] Regem
 intellige Christum, Ecclesiae caput. ¶ UT TVO PRAE-
 POSITO COTTIDIE PRAESTO SIS.] Emendauimus
 quod in apogr. deprauatum fuerat, *ut tuo proposito*. Praepo-
 situm vocat, quem Iustinus & alii; ΠΡΟΕΚΤΕΤΑ: Tertul.
 praesi-

praesidentem. qui & praepositum Ecclesiae dixit, & praepositum baptismo. ¶ AGONIA SVME PROPINQVA] Summe, praesume, intellige in proximo esse festum & solenne certamen, ex quo pater in coelum iter. Agonalem diem & Agonalia festa certamina dixere Romani, quae prius Agonia dicebantur; teste Ovidio, i. Fast. Et prius antiquus dicebat Agonia sermo. ¶ OPTATO PROPTER SPEM DOMINICATVRVM] Scribendum videtur: praeter spem dimicaturum. Venturum Regem, id est, Christum, qui praesideat martyrio, certamini. Vigilate utique milites Christi, quia quahora non putatis filius hominis veniet. ¶ ET PROPRIVM SATELLEM DEDICAT ESSE] Satellem dixit pro, Satellitem. &, *proprium esse dedicat*, hoc est stabilem, firmum fortemque. In apogr. superlitum animadverti veteris scripturae vestigium, *deduat*, quam hinc minimè convenire arbitramur. ¶ TV TIBI PRAETEREA IN BELIAN PARCERE NOLI] In apographo scriptum fuerat; *Tu tibi praeterea in delictis parcere noli.* Quae scriptura ferri & explicari posset nisi nos admoneret is qui apographum recensuit veterem manum fuisse, *in Belian.* Hoc est, cave ne desidia aut supinitate tua, dum tibi fortè nimium blandiris, desis tibi ipsi adversus Belian, siue diabolum; ne tibi improvido obrepas Satanas; Malus, Iniquus. ¶ IMPIGER ESTO MAGIS] Tantum absit ut tibi perniciem inferat Belias tentationibus suis; quin potius ab iis famam reporta; ita ut sis exemplo Fratribus disciplinae ac fidei diligentissimè servatae.

54.

De refugis.

Damnatorum animae merito se ipsae secernunt.

Ex hoc progeniti iterum ad sua recurrunt.

Radix Cainaea, maledictum semen erumpit,

Et in servili gente sub barbaro rege refugit.

L

*Flamma quos aeterna torquebit die decreto.
Vult vagus errare sine disciplina profugus,
Grassari per fauces viarum lege solutus.
Isti ergo tales, quos nulla poena coegit,
Si vivere nolunt, ab idolis respici debent.*

DE REFUGIS.] In apograph. legitur, de refugiis, & ante ultimum versum apparet lacuna, quasi *refugia* dixerit Commodianus, pro *refugis*: ut *seruitia*, pro *seruis*. Nos deesse quicquam non arbitramur, & Instructioni titulum fecimus, De refugis. sic fuerit nota lacunae superflua. ¶ EX HOC PROGENITI] Ex hoc scilicet Belia, de quo Instr. praeced. ¶ ITERVM AD SVA RECVRRVNT.] ad suos Ethnicos, idololatrias. ¶ RADIX CAININA] vel potius, Cainaea, vt supra Instr. 36. In apogr. vitiose, *Radix Cananaea*. ¶ SVB BARBARO REGE] vt supra, Christum simpliciter dixit, Regem, ita hñc Barbarum regem vocat Belian, Satanam, Antichristum. ¶ DIE DECRETO] Decretorio. censorio. die iudicii. die respectus. In cognitione animarum. In respectione. ¶ SI VIVERE NOLVNT, AB IDOLIS RESPICI DEBENT.] In apographo legitur: *Sydere volunt*. Secundum haec vestigia scribendum: *Si videre volunt*. Si videre volunt, quos adorent deos, nec fidem adhibere velint Deo vero, quia non vident; confidant autem simulacris suis aeneis ligneisque; aspiciant ea certe quantum voluerint, oculos habent aeneos ligneosque, nec tamen vident. ergo talium fabricatores & cultores deorum, numinibus ipsi suis potiores se faciunt, & subsannant oculos deorum suorum caecos; adeoq. ob impietatem suam ab suis ipsi diis respui debent. At, si verum amamus, praefenda erit haec scriptura: *Si vivere nolunt, ab idolis respici debent*. Etenim tota Commodiani philosophia est, vita aeterna. quam si vivere isti, inquit, nolunt, ab idolis respici debent: hoc est ab Satanae ministris, qui nidulantur in cavis simulacrorum.

55. De lolii semine.

*De semine lolii; qui stant in Ecclesia mixti.
 Expletis temporibus messis separatur à fructu
 Lolium enatum, quod non miserat Dominus.
 Omne lolium agricola collectum separat illud.
 Lex ager nobis est, qui fecerit bonum in illa,
 Ipsa utique nobis prae stat requiem veram;
 Ipse dominator: nam lolium igne crematur.
 Si ergo putatis quoniam sub uno morantur.
 Erratis. Steriles Christianos vos esse de signo.
 Maledicta fuit arbor sine fructu ficulna
 In verbo Domini; & statim exaruit illa.
 Non operas facitis, non donum gazo paratis.
 Et sic promereri Dominum putatis inanes?*

LEX AGER NOBIS EST] Agri parabola significat nobis Legem Christi. Ipse Christus; Ego sum vitis vera. Io. xv. 1
 STERILES CHRISTIANOS] Infrugiferos, ΑΓΟΝΟΥC, spadones. bonorum operum steriles. ¶ NON DONVM GAZO PARATIS] Gazum dicit, thesaurum sacrum. Corbonam. Gazam Ecclesiae, Gazophylacium. Instruct. 72. In gazo praeterea de labore mittere debes. Arcam dixerat Tertullianus: Alii, Concham. Hic igitur Commodianus steriles Christianos appellat, qui de facultatibus suis in usus pauperum nihil conferebant. Hanc sterilitatem Cyprianus sacrilegam esse ait, lib. de op. & eleemos. Paulinus Ep. 34. Aridas manus dixit, eorum qui negligebant in Ecclesia positam à Domino mensam

L ij

indigentibus. Idem: coelestis igitur trapezitae haec mensa est, thesaurum vitae struens, & ad margaritam negociandam Dei fenus exercens.

56. Dissimulatori.

*Disimulas legem tanto praeconio latam,
In tot prophetarum coelesti voce clamantem.
Si propheta tantum declamasset in nubem,
Sufficeret utique Domini vox missa per illum.
In tot prophetarum volumina lex Domini proclamat,
Malitias nullus dimittit. ita aequae de corde
Vis bona videre, & fraudibus vivere quaeris.
Lex ipsa cur ergo processit tanto labore?
Abuteris Domini mandata, & te filium inquis.
Tu si talis eris, sine causa, videris inquam.
Omnipotens mites quaerit sibi filios esse,
Rectos corde bono, devotos legi divinae,
Immites autem iam scitis ubi demersit.*

DISSIMULATORI] Hypocritae; qui se Christianum simulat, & Antichristiana, sive Secularia & Satanica vivit. ¶ ITA AEQUE DE CORDE VIS BONA VID.] Qua mente cupis Dei benedictionibus & benefactis adfici, eadem optas per calumnias & dolos de fratris tui spoliis ditescere. ¶ OMNIPOTENS MITES QVAERIT] Matth. v. 5. Beati pacifici, quoniam filii Dei vocabuntur. Pacificatores, ΕΙΡΗΝΟΠΟΙΟΙ. ¶ IMMITES AUTEM] Paulo ad Tim. II. 3. ΑΝΗΜΕΡΟΙ, ΑΦΙΛΑΓΑΘΟΙ, oppositi benignis. ¶ SCI-

TIS VBI DEMERSIT.] In stagnum ignis, vbi fletus & fridor dentium.

57. Saecularia in totum fugienda.

*Si quidam doctores, dum expectant munera vestra,
Aut timent personas, laxant singula vobis;
Et ego non doleo, sed cogor dicere verum.
Cum caterua mali pergis ad spectacula vana,
Vbi Satanas fragoribus Circo operatur.*

*Licere persuades tibi quodcumque placebit.
Altißimi proles, cum filiis Zabuli mixta,
Respicere num vis, queis renunciasti, priora?
In ipsis versaris iterum, quid proderit Vnus?
Aut si pro languore datum quod stulte profanus
I*

*Nolite diligere mundum neque ambitum eius;
Tanta Dei vox est, & tibi proba videtur.
Obseruas mandatum hominis, & Dei deuitas;
Tu fidis muneri, quo doctores ora procludunt,
Vt taceant, neque dicant tibi iussa diuina.
Me vera dicentem, sicut teneris, prospice summum:
Filius cuius eras, illi te ad signa clientem,
Viueres si quaeris gentiliter homo fidelis;
Gaudia te mundi remouent à gratia Christi:
Indisciplinate quod leue licere praesumis,*

L iij

*Et caros histriones & cantica musica quaeris,
Nec tali subolem garrere amentia curas;
Eum vita frunisci putas? improvius erras.
Altissimus iubet, & iusta praecepta de vitas.*

SECVLARIA IN TOTVM FVG.] Hoc est, non esse dissimulandum. neque enim convenire Ecclesiae cum seculo. Ecclesia, Christus; Seculum, Satanas. Itaque non permiscendam esse Altissimi prolem cum filiis Diaboli: neque laxandam esse disciplinam nimia pastorum indulgentia, per gratiam, aut sordes. ¶ DOCTORES] Doctores, praepositi, praesides, pastores, episcopi. ¶ CVM CATERVA MALI] Mali, id est Satanae. ¶ VBI SATANAS FRAGORIB. CIRCO OP.] Tertullianus, lib. de spec. pag. 97. Cum ergo furor interdicitur nobis, ab omni spectaculo auferimur. etiam à Circo, ubi propriè furor praesidet &c. ¶ CIRCO OPERATUR] In apographo scriptum fuerat, *Vbi Satanas fragoribus comparatus.* ¶ QVAEIS RENVNCIASTI PRIORA] Priora dicit quae suprà, *pristina*, prisca, ea quae in ante Fidem. Ea vero sunt, Diabolus, pompa, & angeli eius. Tertul. pag. 91 & toto illo de Spectaculis. ¶ QUID PRODERIT VNVS] Quid proderit tibi factum fuisse in lavacro filium Dei, qui est vnus, omnipotens, Altissimus, cui perfidum dixisti sacramentum? Imo iam iudicatus, damnatusque es ab eo qui solus est; cui soli peccasti: vt est in Psal. 51. soli inquam, Deo, qui confortem non habet: adversus quem non habes opponere alium Deum qui te eripiat. Scio diversam huic Psalmi versiculo interpretationem adferri ex Ambrosio; quae Davidis, id est regis personam accipit, & circa adulationem iudicari periclitatur. ¶ AVT SI PRO LANGORE DATVM] Ad refocillandas aut recreandas animi languiscentis vires, ab iis molissimis & facillimis doctoribus concessa tibi fuerint spectacula. ¶ NOLITE DILIGERE MVNDVM] Ioannis I. ¶ NEQ.

A M B I T V M] Hoc est, id omne quid mundo ambitur & continetur. Ioannes dixit, *ea quae in mundo sunt*. Tertullianus & Cyprianus dixerunt *pompam Diaboli*. ¶ O B S E R V A S M A N D A T V M H O M I N I S] Discernit inter mandata Dei & mandata siue traditiones hominum. quod ostendimus saepissimè factum à Cypriano, secundum praecepta Pauli. ¶ Q V O D O C T O R E S O R A P R O C L V D .] & fiunt muti, non valentes latrare. ¶ P R O S P I C E S V M M V M] Altissimum; Deum opt. max. qui & summus Doctor. ¶ G E N T I L I T E R] Ethnicè. Sic Paulus ad Gal. 2. ¶ E T V I T A F R V N I S C I] Vita illa quam Deus Fidelibus suis pollicetur frui putas? ¶ S V B O L E M G A R R I R E] Loquacem nidum, dixit Iuuenalis, Sat.

58. Christianum talem esse.

*Cum Dominus dicat, In gemitu edere panem:
Hic ut quid nunc agis, qui cupis vivere laetus.
Rescindere quaeris sententiam summi Dei missam
In protoplastum: vis frenum prodere Legis.
Si Deus omnipotens cum sudore vivere iussit,
Tu qui iocundaris, eris iam exterius illi.
Indignatum ait Dominum scriptura Iudaeis:
Ab esca refecti surrexerunt ludere filii.
Nunc ergo cur illos prosequimur sponte profectos:
Vnde perierunt illi nos cauere debemus.
Maxima pars vestrum luxuriis dedita paret.
Transgredieris legem cum te fucis inficis, in te
Apostolus clamat, immo Deus per illum:
Licentia vestra vos, inquit, in ipsa deperdunt.*

*Esto ergo talis, qualem vult esse te Christus.
 Mitis & in illo hilaris, nam saeculo tristis
 Excurre, labora, suda, cum tristitia pugna.
 Spes cum labore venit, & victoriae palma donatur.
 Si refrigerare cupis, ad martyrizam.
 Expecta requiem futuram in transitu mortis.*

CHRISTIANVM TALEM ESSE] Non hypocritam,
 non dissimulatorem, non secularia sectantem. ¶ ERISIAM
 EXTERVS ILLI] non coheres Christi, non filius Dei: non
 municeps aeternae illius ciuitatis. ¶ SPONTE PROSEC-
 TOS] Judaeos recutitos, curtos, ΔΕΙΠΟΔΕΡΜΟΥΣ, verpos.
 ¶ SPES CVM LABORE VENIT] Spes labori convenit.
 Spes alit agricolam. ¶ ADMARTYRIZA] Adsisse martyri,
 procede ad martyras qui in carcere. horum necessitates pro
 facultatibus tuis adiuua: constantiam monitis, hortatibus fo-
 ue, accende. Ipse Commodianus, Instr. 6. *Certe si non ipse pu-
 gnat, vel suggerat illis.* Vetus Inscriptio, Romae, via Ostiensis.
 ¶ MANDROSA MARTYRV OBSEQUIIS DEVOTA
 TRANSEGI FALSI SECVLI VITAM] Apud Grut.
 pagina MLV.

59. Matronis Ecclesiae Dei vivi.

*Matronas vis esse, Christiana, ut saeculi domnas,
 Auro te circumdas, aut serica veste, pudica;
 Terrorem Legis ex auribus vento remittis:
 Res vanas adfectas, cuncta de Zabuli pompa:
 Ornaris ad speculum, cincinnos fronte reflexos;
 Necnon & inducis malis medicamina falsa:*

In

*In oculis puris stibium peruerso decore,
 Seu crines tingis, ut sint toto tempore nigri.
 Est Deus inspector penetrat qui singula corda,
 Ceterum pudicis ista necessaria non sunt.
 Casto atque pudico sensu pertundite pectus.
 Lex Dei testatur tales abscedere leges.
 Ex corde qui credit feminae marito probatae
 Sufficiat esse non cultibus sed bona mente.
 Induere vestes quas optat frigus & aestus
 Aut nimium solis; tantum ut pudica proberis:
 Et in plebe Dei facultatis dona demonstra.
 Das tibi momerium. Clarissima quondam
 Exanimata iacens precibus viduarum erecta,
 In dando promeruit, non comitibus, inde leuari.
 Vos matronae bonae vanitatis fugite decorem.
 In feminas congruit cultura lupanas.
 Vincite malignum, pudicae feminae Christi.
 In dando, diuitias vestras ostendite totas.*

CRINES VT SINT TOTO TEMP. NIGRI] Etiam
 cū appropinquante senio candidiores fiunt. ¶ EX CORDE
 QVAE CREDIT FEMINAE MARITO PROB.] Suffi-
 ciat feminam marito, qui credit ex corde, probatam esse,
 non cultibus, sed bona mente. ¶ DAS TIBI MOMERI-
 VM] Sic legitur in apographo. Hesych. ΜΟΜΜΩ. ΟΗΜΕΙC
 ΜΟΡΜΩ ΦΑΜΕΝ. ΤΟ ΦΟΒΗΤΡΟΝ ΤΟΙC ΠΑΙΔΙΟΙC.
 Etymologicum: ΜΟΡΜΩ, ΟΝΟΜΑ ΓΥΝΑΙΚΟC. ΜΕ-

M

ΤΑΦΟΡΙΚΩΣ ΕΚΤΑΥΤΗΣΤΑ ΠΡΟΣ ΚΑΤΑΠΛΗΞΙΝ
 ΤΥΠΩΘΕΝΤΑ ΠΡΟΣ ΩΠΕΙΑ ΕΚΑΛΟΥΝ ΜΟΡΜΟ-
 ΛΥΚΕΙΑ. Momar, Sicala dictio: habitus vituperandus &
 turpis. Festus, & Isidorus in Glossis. Ait igitur Commodianus
 Matronas Christianas indecenter excultas, ipsas sibi momerium
 dare, indutas improbiore aut lasciuiore cultu comtuque.
 ¶ NON COMITIBVS] In apographo, non comitibus. & super-
 scriptum, cultibus. Lucretius I. — Virgineos circumdata com-
 tus. ¶ DAS TIBI] Circumdas. Induis. ¶ PRECIB. VIDV-
 ARVM ERECTA] Tabithae historiam tangit. Commotus
 viduarum precibus Petrus, oravit Deum, ut fuscitaret à morte
 Tabitham, & erecta est clamante Petro, Tabitha surge. Act. ix.
 Cyprianus lib. de opere & eleemos. ¶ FEMINAS LUPANAS]
 In apographo, Lupans: Lupanas. ΛΥΚΑΙΝΑΙ. Lupas. Glossae.
 ΠΟΡΝΗ, Lupanaria, Meretrix. ΠΟΡΝΕΙΟΝ, Lupanarium.

60.

Item ipsis.

*Audi vocem, quae vis Christiana manere,
 Beatus Paulus qualiter te ornari praecepit.
 Coeliloquus item Esaias doctor & auctor.
 Detestatur enim prauitatem mundi sequentes.
 Exaltatae, inquit, iacebunt filiae Sion.
 Fas in Deo non est Christianam coli fidelem.
 Gentili more quaeris procedere, Dei sancta,
 Has Dei praecones damnant in Lege, clamantes;
 Iniustas esse feminas quae se taliter ornant.
 Capillos inficitis, oculos fuligine relinitis,
 Leuatis comulas granulatim, fronte depicta,
 Malas medicatis quodam superducto rubore,*

*Nec non & in aures grauiſſimo pondere pendent;
 Obruitis collum monilibus, gemmis & auro;
 Palmas Deo dignas praefagi malo ligatis.
 Quid memorem veſtes, aut totam Zabuli pompam?
 Reſpuitis Legem cum vultis mundo placere.
 Saltatis in domibus, pro psalmis cantatis amores.
 Tu licet ſis caſta, non te purgas ſiniſtra ſequendo:
 Vos ideo tales Chriſtus cum Gentibus aequat.
 Ymnificato choro placitoq. Chriſto placete;
 Zelantes feruore Chriſto offerte odorem.*

AVDI VOCEM] Inſtructionis iſtius verſus ſunt abecedaria, ſive alphabetica ſerie compoſiti. ¶ FAS IN DEO NON EST] Hoc etiam habet Commodianus à Tertulliano, & quae deinceps hac Inſtructione ſequuntur. ¶ INIVSTAS ESSE FEMINAS] Iniuſtae ſunt quae damnant Dei manus: exprobrant Deo quod non aliter ipſas ornaverit. adfectant quod noluit Deus. faciunt ſe alias quam fecerit Deus. quod eſt iniuſtum & inuerecundum. Sic Tertullianus iuſtum eſſe colorem negat de colorum adulterio conſectum. Auctor naturae Deus, interpolator Satanas. Vid. lib. II. de cultu fem. ¶ OCULOS FVLGINE RELINITIS] nigro pulvere quo oculorum exordia producuntur. ¶ LEVATIS COMVLAS] Iuuenalis in VI. — tot adhuc compagibus altum Aedificat caput. ¶ GRANVLATIM] Discriminatis per granos capillis. Granos intellige ipſa crinium flagella. Vetus interpres hſtoriae Judith. Comam discriminavit, id eſt, granam fecit. & in Synodo Bracarenſi, placuit Lectores granos gentili ritu non demittant. Gloſſae vet. *Granitum*, ΚΟΚΚΟΤΟΝ. Iſid. Orig. XI. *Granos & cinnabar. Gothorum*. Jac. Sirmondus, & Jo. Savaro, ad Ep. II. lib. I.

M ij

Sidonii Apollin. Alia dispositio crinium in gradus & anulos
 toto capite comto. Quintil. XII. IO. ¶ MALAS MEDICA-
 TIS] Tertul. Cutem medicaminibus vrgent: genas rubore ma-
 culant. ¶ PALMAS DEO DIGNAS] quas dignius debeat-
 tis ad Deum orantes expandere. ¶ PRAESAGIO MALO
 LIGATIS] Etenim damnationis praesagium est: cuius est
 apud Matthaeum formula: Ligatis manibus & pedibus eius mit-
 tite eum in tenebras exteriores. ¶ YM NIFICATO CHORO]
 Ecclesiae Christi. ¶ PLACITO Q. CHRISTO PLACETE]
 Cui Pater de coelo: Hic est filius meus dilectus in quo mihi cōplacui.

61. In Ecclesia, omni populo Dei.

*Iustus ego non sum, fratres de cloaca leuatus:
 Nec me supertollo, sed doleo vestri, qui cerno
 Ex tanto populo nullum in agone coronari.
 Certe si non ipse pugnat, vel suggerat illis.
 Cladem obiurgatis: ô venter effercite luxu,
 Laborat frater aduersante mundo sub armis,
 Et fartus opibus nec pugnas, nec pugnanti te sistis?
 Stulte, non intendis vnum bellare pro multis?
 Intalem pendet Ecclesia tota, si vincat.
 Abstineri vides fratrem, & pugnare cum hoste.
 Optas tu in castris, pacem foras ille repugnat.
 Misericors esto, vt sis ante omnia saluus.
 Nec metuis Dominum praeconio tanto clamantem:
 Inimicis etiam qui iubet alimenta praebere,
 Prandia ab eo prospice Tobia, qui semper*

*Omnibus omnino diebus cum paupere sumpsit.
 Pascere tu quaeris, stulte, qui te denuo pascat.
 Vis ille mihi paret, qui componi proponit?
 Laute cibatum distento ventre declamat
 Oppressus inopia frater iuxta tabescens.
 De die Dominica quid dicis? si non ante locavit,
 Excita de turba pauperem, quem ad prandiū ducas.
 In tabulis spes est vestra de Christo refecto.*

DE CLOACA LEVATVS] De Seculo, de Idololatria. Suprà, Instr. 41. *Nero de inferno leuatus.* ¶ NVLLVM IN AGONE CORONARI] Hoc deplorabat etiam Cyprianus. ¶ CLADEM OBIVRGATIS] Lapsorum deformes reliquias. Cypr. lib. de Lapsis. ¶ O VENTER EFFERCITE LVXV] In apogr. *ovanter effcite luxu.* ¶ NEC PVGNANTI TE SISTIS] Vt obfirmes hortatu, consilio, exemplo. ut refoucas subsidio. ¶ ABSTINERI VIDES FRATREM] Causa schismatis abstentum. ¶ PVGNARE CVM HOSTE] Stare adversus Ecclesiam cum hoste, cum aliis schismaticis. ¶ OPTAS TV IN CASTRIS PACEM] Ante pacem Ecclesiae datam, optas praecipitem dari pacem abstentis. Cypr. ¶ FORAS ILLE REPVGNAT] Ille lapsus vel abstentus contemnit Ecclesiam, aut adversatur Ecclesiae. ¶ MISERICORS ESTO] Sis molliſſimo corde pius & beneficus erga pauperes. ¶ PRANDIA AB EO PROSP. TOBIA] In apogr. *Ab eo prospice Lurna.* Supraſcriptum, *Iobba.* Tobiae erga pauperes pietatem sacris paginis commendatam in suorum Testimonior. lib. III. Cyprianus contulit. ¶ QVI TE DENO PASCAT] Lucas XIII. ¶ QVI COMPONI PROPONIT] Componi, sepeliri. qui de sepultura cogitat, qui se felicem putat, si quamprimum componatur. Horatius: *Omnes composui. Felices! nunc ego resto*

M iij

*confice. Acro : Omnes composui : Omnes in urnis sepeliui. ¶ SI
NON ANTE LOCAVIT] Promisit alteri, qui cum vocavit,
cui copiam sui condixit ad prandium. ¶ EXCITADETVR-
BA PAVPEREM] In apographo, Excute. Hic vero locus
indicat aevo Commodiani in Ecclesia diebus Dominicis Aga-
pas in usu fuisse. ¶ IN TABVLIS SPES EST] In tabulis
Noui Testamenti. ¶ DE CHRISTO REFECTO] Christus
ipse, Matthaei xxv. 35. Esurivi enim, & dedistis mihi man-
ducare, &c.*

62. Martyrium volenti.

*Martyrium, fili, quoniam desideras, audi.
Abel qualis erat esto, aut qualis Isaac ipse, aut
Rectam qui diligit Stephanus sibi vitam in iter.
Tu quidem quod optas, res est felicibus apta.
Vince prius Malum benefactis, recte vivendo.
Rex ille tuus cum viderit, esto securus.
Ipsius est tempus, & nos in utrumq. gerentes.
Ut si bellum abest, in pace martyres ibunt.
Multi quidem errant dicentes, Sanguine nostro
Vicimus Iniquum, quo manente vincere nolunt.
Obsidiando perit, & ideo sentit Iniquus.
Legitimus autem non sentit poenas adactas.
Eiulatuq. zelando pectus pugnīs pertunde.
Nunc si benefactis viceris, martyr in illo.
Tu ergo qui quaeris martyrium tollere verbo,
In pace te vesti bonis, & esto securus.*

VINCE PRIVS MALVM] Satanam, qui in sacris litteris ΟΠΟΝΗΡΟC. ¶ REX ILLE TVVS] Christus. ¶ IPSIVS EST TEMPVS] Persecutionis & Pacis. ¶ ET NOS IN VTRVMQ. GERENTES] Ipsi Christo serviamus in Pace & Bello. ¶ SI BELLVM ABEST] Si persecutio cessat. ¶ IN PACE MATYRES IBVNT] Vt suprà, martyres sine sanguine. quibus etsi defuere tormenta, etsi defuit tyrannus, non defuit animus adversus quaelibet tormenta fortis. ¶ QVO MANENTE VIN. NOL.] Manente Iniquo vincere nolunt, deficiunt. non perstant in fide. evertuntur, deiciuntur de fide. ¶ OBSIDIANDO PERIT INIQVVS] Obsidione diurna Satanas circa fortissimum Christianum tandem fatigatur & frangitur. ¶ LEGITIMVS AVTEM] Fortissimus Christianus, verus athletes, probè fidelis, non vincitur, non sentit poenas. ipsa tormenta superat. ¶ EIVLATVQ. ZELANDO PEC. PVG. PERTVNDIT] ejulatum suum castigabit pugnīs, & praezelo & amore Domini zelabit mortem. Sap. II. II. ¶ MATYRIVM TOLLERE] Martyrium subire: martyrem fieri. Sic loquitur versio Latina vetus Eusebii Caes. opusculo de Resur. I. ei qui occiditur & ei qui martyrium tollit.

63. Bellum cottidianum.

*Belligerare quaeris, stulte, quasi bella quiescant.
Ex protoplasto die pugnatur in fine vobis.
Libido praecipitat, bellum est, pugna cum illo.
Luxuria suadet, abutere, bellum viciisti,
Vino copioso parce, ne per illum aberres.
Maledicti retine linguam unde Dominum adoras.
Compesce furorem. pacificum redde te cunctis.*

*Oppressos miseriis deprimere cave minores.
 Tutorem ad commoda tantum, & noli nocere.
 Tramite vos recto ducite sincero prae zelo.
 In tuis diuitiis comem te redde pusillis,
 De labore tuo dona, nudum vesti, sic vinces.
 Insidias nulli facias qui Deo deseruis.
 Aspice principium, unde periit inuidus hostis.
 Non sum ego doctor, sed lex docet ipsa clamando.
 Verba geris tanta vane, qui sub uno momento
 Martyrium quaeris otiosus tollere Christo.*

BELLVM COTTIDIANVM] Hominis vita, militia est.
 ΠΕΙΡΑΘΗΟΝ. Jobi vii. i. Hanc vero sententiam fuisse exsequitur Arrianus ad Epictetum, iii. cap. 44. ΣΤΡΑΤΕΙΑ ΤΙΣ
 ΕΣΤΙΝ ΟΒΙΟΕΚΑΚΤΟΥ, ΚΑΙ ΑΥΤΗ ΜΑΚΡΑ ΚΑΙ
 ΠΟΙΚΙΛΗ. &c. pag. 174. Haec Philosophus ille profanus,
 qui litteras nostras attigerat. Est autem multo perfectior Sapi-
 entia Christi apud Eusebium, septimo Opusculorum quae
 Sirmondus edidit Latina versione antiqua, Graecis, si non
 iam interiøre, adhuc latentibus. pag. 255. Semper persecutio est,
 semper invisibile bellum habetur, semper coronae, semper abnegatio.
 Vultis videre certamina religiositatis? Nonnunquam effervuit quis
 ira adversus subditum sibi; rememoratus autem Domini, deposuit acer-
 bitatem; peius enim est fervori incensae irae resistere, quam flammae
 ignis quae à foris habetur. Quia igitur martyr est, qui propter Deum
 ad exteriorem flammam resistit; martyr & vere martyr, qui extin-
 guit interius incendium invidiae propter Dominum Iesum. Et pau-
 lo post: Certamina igitur cottidiana sunt ista, quae per dies & no-
 ctes sunt nobis. Dein apponit exempla. ¶ BELLIGERARE
 QVÆRIS] Temere & furiose ad martyrium ruis inquietus
 & turbidus.

& turbidus. ¶ COMPESCE FVROREM] Noli contra fur-
 iatae mentis adversarium refuriari ; nec maledicenti remale-
 dicere, nec remordere mordentem. ¶ SINCERO PRAE ZE-
 LO] In apogr. *sincero persequo.* ¶ OTIOSVS CHRISTO] qui
 nullis operibus vaces , quae mandatis Christi continentur.

64. De zelo concupiscenciae.

*Dum cupis , inde peris ; dum ardes proximi zelo.
 Extinguis te ipsum quando te incendis abintus.
 Zelaris alium , inuide , de malo laborantem ,
 Et te parem concupis fieri pecuniae tantae.
 Lex sic non aspicit. dum illum incumbere quaeris
 Omnia suspensus , vivis in ardore lucrorum.
 Cumque reus tibi sis , ipsum te iudice damnas ,
 Oculorum acies nunquam satiatur avara.
 Nunc ergo si redeas & cogites , vana cupido est.*

C
*Vnde Deus clamat , Stulte hac nocte vocaris ,
 Post te mors ruit : Cuius erunt ista talenta ?
 In suprema aedis iniusta lucra condendo.
 Sugeret cum Domino unicuique vita diurna.
 Congestet alius : tu bene vivere quaere.
 Et Dei cor conscius , ages super omnia victor.
 Nec enim dico ut te in triuio tinnites ,
 Cum pro die tuo vigilas , sine fraude viuendo.
 In esca perit avis , aut haeret improuida visco.*

N

Arbitrare tibi simpliciter valde cavendum.

Excedant alii finem, tu prospice semper.

DVM ILLVM INCVMBERE QVAERIS] Incumbere in illum, tanquam in praedam. ¶ SI REDEAS] Ad temetipsum. ¶ STVLTE HAC NOCTE VOCARIS] Lucae XII. 20. ΤΑΥΤΗ ΤΗ ΝΥΚΤΙ ΤΗΝ ΨΥΧΗΝ ΟΥ ΑΠΑΙΤΟΥCΙΝ ΑΠΟ ΟΥ. Cyprianus lib. de Opere & elemos. Stulte, hac nocte expostulatur anima tua: quae ergo paraſti, cui erunt? Martialis, VIII. 44. Rape, congere, aufer, posside: relinquendum est. ¶ IN SVPREMA AEDIS] Luc. In apothecas. ¶ VT TE IN TRIVIO TINNITES] Captandae plebeculae gratia cum tintinabulo incedas. ¶ PRO DIE TVO] pro victu diurno. cottidiano. ¶ SIMPLICITER VALDE CAVENDVM] Columbae simplicitatem, serpentis prudentia temperare debes.

65. Qui de malo donant.

Quid te bonum fingis alieno vulnere, vecors.

Vnde tu largiris, alter cotidie plorat.

Ista tu discredis Dominum videre de coelis?

Dona iniquorum non probat Altissimus, inquit.

Erumpes miseris, dum fueris locum adeptus.

Munera dat alter, ut alterum reddat inanem.

Aut si fenerasti, duplicem centesima nummum.

Largiri vis, ut te, quasi malum malo depurges.

Omnipotens tales operas omnino recusat.

Donaſti de lacrimis, candidatus ille ingratis

Oppreſſus uſuris deplorat factus egenus.

*Nanctus praeterea tempus captatoribus, hostis
Ad praesens populus; pretio tu sanctus iniquus
Nec non & de lucro mercis vis te piare;
Te ipsum inludis, non alium, inique.*

DONA INIQVOR.] Ecclesiastici xxxiiii. ¶ ERVM-
PES MISERIS] Vt suprâ. Illum incumbere quaeris, Omnia
suspensus. Instr. 64. ¶ DVPLICEM CENTESIMA NV-
MVM] Ex pecunia fenore occupata quot mensibus centesi-
mam exegisti. vt apud Iuvenalem Pollio, *qui triplicem usuram
praestare paratus, Circuit, & fatuos non invenit.* & apud Horat.
I. Ser. Sat. 2. *Quinas qui capite mercedes exigit.* ¶ CENTESI-
MA] Esdrae II. 5. Reddite eis agros suos, quin potius & cen-
tesimam pecuniae. Graeca Sixtinae editionis tantum habent:
KAI AΠΟ ΤΟΥ ΑΡΓΥΡΙΟΥ ΤΟΝ ΚΙΤΟΝ ΚΑΙ ΤΟΝ
ΟΙΝΟΝ, ΚΑΙ ΤΟ ΕΛΑΙΟΝ ΕΞΕΝΕΓΚΑΤΕ ΕΑΥΤΟΙΣ.
Deesse aliquid videtur. Latinus interpret Latina sua, ad acvi
sui vsum accommodavit. Chrysologus: *Usura mundi, unum ad
centum. Usura Christi, centum ad unum.* ¶ CANDIDATVS]
Candidatum dicit petitem, rogatorem, mendicum. & can-
didatum fortean baptismi, quem Tertullianus dicit, candida-
tum Dei. ¶ TEMPVS CAPTATORIBVS] Annonae fla-
gellatoribus. ¶ HOSTIS AD PRAESENS POPVLVS]
qui iam avaritiem tuam detestatur: sed in futurum habebis
etiam Deum ultorem ¶ DE LVCRQ MERCIS] Turpiter
comparatae, turpius repositae ac reservatae, ad captandum ex
annonae raritate lucrum.

66. De pace subdola.

*Dispositum tempus venit nostris. pax est in orbe;
Et ruina simul blandiente seculo premit*

Nij

*Praecipitis populi, quem in schisma misistis.
 Aut facite legem civitatis, aut exite de illa.
 Conspicitis stipulam cohaerentem in oculis nostris,
 Et vestris in oculis non vultis cernere trabem.
 Subdola pax vobis venit, persecutio flagrat.
 Vulnere non parent, & sic sine caede ruitis.
 Bellum in absconso geritur, sub pace quod ipsa
 De vobis vix unus caute se gessit.
 O male muniti, & in occisione praedicti.
 Laudatis pacem subdolam, & vobis iniquam.
 Alterius facti milites, non Christi. peristis.*

DISPOSITVM TEMPVS] Pacis subdolae. Seculum à Deo
 sic ordinatum. Eiusmodi vero tempus à Cypriano descriptum
 fuerat, libro de Lapsis: *Traditam nobis divinitus disciplinam pax
 longa corruerat. Studebant augendo patrimonio singuli &c.* ¶ PRAE-
 CIPITIS POPVLI] Qui temere pacem dari volebat lapsis,
 qui ad pacem festinabant. ¶ FACITE LEGEM CIVITA-
 TIS] Legem, disciplinam civitatis Dei, Ecclesiae. Cypri-
 Epist. 10. 11. 12. 13. 14. ¶ ET IN OCCISIONE PRAEDICTI]
 Ieremiae 48. 15. & 50. 27. ¶ LAUDATIS PACEM SUBDO-
 LAM] Inceditis per ignes suppositos cineri dolofo.

67.

Lectoribus.

*Lectores moneo quosdam, cognoscere tantum,
 Et dare materiam ceteris exemplo vivendi.
 Certamen fugere, lites totidemque vitare.
 Terrorem premere, nec unquam esse superbos.*

*Obsequia iusta malorum quoq. deferte.
 Reddite vos Christo similes, filioli magistro.
 Inter agrestina benefactis lilia sitis.
 Beati facti estis cum feritis edicta.
 Vos flores in plebe, vos estis Christi lucernae.
 Servate quod estis & memorare potestis.*

LECTORES MONEO QVOSDAM] Quibus ea non erat peritia, quam Cyprianus in iis ordinandis requirebat, Epist. 24. 32. & 34.] COGNOSCERE TANTVM] ANATINONAI. quod à Commodiano transfertur ad simplicem notitiam frontis & oris & vultus.] CERTAMEN FVGERE] Contentiones, Jurgia.] TERROREM PREMERE.] Non esse minaces.] OBSEQUIA IUSTA MALORVM] Episcoporum, atque etiam ceterorum. immo etiam secularium potestatum.] AGRESTINA LILIA] ΚΡΙΝΑ ΤΟΥ ΑΓΡΟΥ] Matth. VI. 19.] CVM FERETIS EDICTA.] quae ad martyrii coronam ducunt.] VOS ESTIS CHRISTI LVCERNAE] Etenim Lectores ex ambone & pulpito scripturas legebant in Ecclesia.] VOS FLORES IN PLEBE] Ecclesiastici xxxix. 19. *Florete flores quasi lilium.* Quomodo autem in plebe Lectores, qui etiam à Cypriano tam studiose velut in gradu constituebantur, adhibita in consilium plebe, aut ratam habente ordinationem. nam & inter Lectores erat doctor Audientium sive Catechumenorum. Erat igitur Lector in ordinatione quidem clerica, non autem sacerdotali, quae ab Episcopo, qui summus erat sacerdos, ultra diaconum aut subdiaconum non extendebatur. adeoque florebat in plebe Lector, melloproximus sacerdotio sive ordini sacerdotali. Videantur Epistolae Cypriani suprà citatae. Scripturas, sive codices sacros penes Lectorem fuisse docent Gesta purgationis Caeciliani & Felicis sub Constantino & Constantio Caess.

N iij

68.

Ministris.

*Mysterium Christi Zacones exercite caste,
 Idcirco ministri facite praecepta magistri.
 Nolite ludere personam iudicis aequi,
 Integrate locum vestrum per omnia docti,
 Susum intendentes, semper Deo summo deuoti.
 Tuta Deo reddite sacra ministeria arae,
 Rebus in diuersis exemplum dare parati.
 Inclinate caput vestrum pastoribus ipsi.
 Sic fiet ut Christo possitis esse probati.*

*Vide Rosario ad Paulin.
 Epist.*

ZACONES] Diacones, breuiata dictione Graeca, ΔΙΑ-
 ΚΟΝΟΥΝΤΕC [MYSTERIVM CHRISTI] Sacramen-
 tum Christi. Corpus Christi plerisque in Ecclesiis diaconi offe-
 rebant. quod postea vetitum Concil. Arelatensi i. cap. 15. De
 diaconibus quos cognovimus multis locis offerre, placuit minime fieri
 debere. Arelat. ii. 15. *Vt diaconus in secretario inter presbyteros*
non sedeat: & corpus Christi praesente presbytero tradere non prae-
sumat. Vnde sequitur absente presbytero, tradidisse. Hoc ve-
 ro mysterium caste exerceri vult Commodianus.

69.

Pastoribus Dei.

*Pastor, si confessus fuerit, geminavit agonem.
 Apostolus autem tales iubet esse magistros:
 Sit patiens rector, sciat ubi frena remittat.
 Terreat in primis, & postea melle perungat.
 Obseruetq. prius ut faciat ipse quae dicit.*

*Redditur in culpa pastor secularia servans,
 In faciem cuius sis ausus dicere quicquam.
 Bullit in inferno rumoribus ipsa gehenna.
 Vae miserae plebi, dubia quae fronte vacillat.
 Si talis aderit pastor, pene perdita stat;
 Devotus autem continet, recte gubernans.
 Exhilarantur examina regibus aptis.
 In talibus spes est, & vivit Ecclesia tota.*

PASTOR SI CONFESSVS] Si de Nomine interrogatus clare & constanter responderit, Sum Christianus. Si thus acerrae profanorum imponere iussus, fortiter abnuendo clamaverit: Non facio. ¶ SECULARIA SERVANS] qui se adhuc secularibus immisceat. Secularia dicit opposita Christo: antichristiana. Contraria sunt Christus & Seculum, siue Satanas. Christus personas non respicit: Seculum siue Satanas loquitur nobilitatem, generositatem, magistratus. Christus simplicitatem, & sanctam paupertatem: Seculum divitias. Christus benignitatem, misericordiam, pietatem: Satanas regna, ultiones, perfidias, rapinas, incendia, triumphos. Plura de istis ostendimus Epistola praefixa editioni nostrae Cypriani, quae ab seculo Commodiani summum cepisse videntur incrementum. ¶ PLEBI DUBIA QVAE FRONTE VACIL.] Ait Commodianus Pastores, episcopos, presbyteros, frontem esse populi Christiani: Itaque, ut in acie militari, primis ordinibus collocandos esse milites fortissimos, qui sint exemplo ceteris. Tertullianus lib. de fuga. Sed quum ipsi ductores, id est ipsi diaconi, presbyteri & episcopi, fugiunt, quis de gregario numero sustinebit, ad gradum in acie figendum suadentes. &c. pag. 696. ¶ DEVOTVS AVTEM] Bonus ille pastor, qui ponit animam suam pro ovibus. ¶ CONTINET]

totum ovile continet in vestigio Fidei constantis. ¶ EXAMINA REGIBVS APTIS] Etenim apium examina regem siue ducem quaeque suum habere dicuntur. Cypr. Ep. 69.

70. Maioribus natis dico.

*Me solum exposcit tempus vobis dicere verum.
Ab uno saepe monetur, quod multi detrectant.
In me solum volo odia convertere vestra,
Omnium ut paueant praecordia tentatorem.
Respicite dictum, quod veritas odia tollat.
Iam praedixi quidem de pace subdola quanta.
Blandiens dum vobis subrepsit, cheu, seductor.
Vos quia nescistis laqueos instare, ruiſtis.
Sorbetis omnino amara, sed est seculi ipsum.
Non gratis agit, pro quo interceditis, ullus.
Ab igne qui refugit, agit in voragine, vestro:
Tunc petit suppetium miser denudatus à vobis.
Ipsi iam horrescunt iudices peculantia uestra.
S
De breuiori titulo non tot inararem,
Inspicitis docentes quibus vos tenditis ultro.
Cum ipsis & epulas capitis, & pascitis ipsos.
Obea iam terrae paene fundamenta intratis.*

MAIORIBVS NATIS] Tales erant primores, patroni locupletes, qui tenuiores in clientelam suam recipiebant

M E

ME SOLVM] Solus ut plures altare Domini circumdabo, inquit, Tertullianus adversus Psychicorum gloriosissimam multitudinem, lib. de Pudic. ¶ AB VNO SAEPE] In hanc sententiam fabulatur Phaedrus Aug. lib. III. fab. 3. Plus esse in vno saepe quam in turba boni. Hac autem Instructione Commodianus eorum qui inter aevi sui Christianos auctoritate pollebant vitia carpit. Sed & cunctis passim Instructionibus de neglecta disciplina tanto cordis affectu zeloque differit, ut sui seculi Christianis desperationem salutis incutiat. Sensit oraculi veritatem Gennadius episcopus Massiliensis, nec amolitus est quidem vaticinii sive querelae tristitiam, sed Commodianum ipsum posteris tradens, hoc discrimine fecit insignem. Neque tamen ista fuit solius Commodiani querela. Nam & pacem Ecclesiae subdolan paulò ante Cyprianus opusculo suo de Lapsis arguerat: & postmodum Sulpitius Severus historiae sacrae libros suos hac certe miserabili deploratione conclusit. Et nunc, inquit, cum maxime discordiis Episcoporum turbari aut misceri omnia cernerentur; cunctaque per eos odio aut gratia, metu, inconstantia, invidia, factione, libidine, avaritia, arrogantia, somno, desidia essent depravata; postremo plures adversum paucos bene consulentes insanis consiliis & pertinacibus studiis cecurrant. ¶ OMNIUM TENTATOREM] Satanam. Hic certe Commodianus incutit desperationem Episcopis. ¶ QVOD VERITAS ODIA TOLLAT] Pariat, conciliet sibi. Sic ipse alibi dixit, Martyrium tollere, quod est patrare, reportare martyrii Christiani gloriam. ¶ NON GRATIS AGIT] Patrocinium vestrum venditis magno. ¶ PECVLANTIA VESTRA] Sic legitur in apographo: quae scriptura, si vera est, peculantiam dixerit peculatum, ΔΙΑΡΠΑΓΗΝ. ¶ ET PASCITIS IPSOS] Devoratis. ¶ TERRAE FUNDAMENTA] Inferos. Locus Esaiæ cap. XIII. secundum Septuag. sic habet: ΝΥΝ ΔΕ ΕΙC, ΑΔΟΥ ΚΑΤΑΒΗCΗ ΚΑΙ ΕΙC ΤΑ ΘΕΜΕΛΙΑ ΤΗΣ ΓΗΣ. Aquila & Theodoto dixere, ΕΙC ΑΛΛΟΝ. La-

tina versio vetus : in fundamenta laci. Glossae veteres, ΛΑΚ-
ΚΟC, Laccuna, laccus, cisterna. Item : Lamae, ΠΗΛΩ-
ΔΕΙC ΤΟΠΟΙ. Tertullianus dixit, stagnum ignis & sulphu-
ris, lib. de Fuga.

71.

Infirmum sic visita.

*Infirmus si fuerit frater, de paupere dico,
Nolite vacui talem visitare iacentem.
Fac sub Deo bonum, obsequia redde per nummum.
Inde reualefcit, vel si conciderit ille,
Refoueat ur homo pauper, qui non habet unde
Mercedem tibi, pro illo sed conditor orbis & auctor,
Vel si pigeret ire ad pauperem, semper abosum,
Mitte nummos, & unde se resumere possit.
Similiterque soror si paupera lecto decumbit,
Incipiant vestrae matronae victualia ferre.
Clamat ipse Deus, frange tuum panem egeno.
Verbis opus non est visitare, sed benefactis.
Iniquum est, frater inopia victus aegrotet.
Satagite, non verbis, esum potumq. requirit.
Inspicite tales, sed certe debilitatos,
Transigere sese qui non possunt, date subinde.
A Domino vobis spondeo dari quadruplum.*

TALEM VISITARE IACENTEM] Clinicum. Grab-
batarium. ¶ PAUPEREM SEMPER ABOSVM] Importu-
ni divitibus, & odiosi solent esse pauperes. sed & proximis eti-

am & amicis. ΦΙΛΟΙ ΜΙΧΗΟΥΣΙ ΦΙΛΟΥΣ ΠΤΩΧΟΥΣ.
 Proverb. 14. 21. [VNDE SE RESVMERE POSSIT] Vnde ad sublevandam inopiam suam sumere aliquid possit, & sumpticulum facere parandis sibi necessariis, quibus doleat natura negatis; ac tandem vires resumet suas. [VICTUALIA FERRE] Ipse Instr. ult. dicet — portent victualia collo.

72. Pauperibus sanis.

Pauperies sana quid, nisi divitiae ad sint?
Ars certe si fuerit, iam & tu communica fratri.
Vnum praesta tibi, ne superbus esse dicaris.
Polliceor quoniam securior divite vivis.
Excipe doctrinam magni Solomonis in aures.
Responsorem in alto odit Deus pauperem esse,
Idcirco te subde, & honorem redde potenti.
Blandus enim sermo, proverbium nosti, deriget.
Vincitur officio et si fuerit ira vetusta.
Si lingua taceat, nil melius invenisti.
Sane si non fuerit ars unde vita regatur,
Aut operam praebe, aut cursum, iussu potentis,
Non pudeat neque pigeat procurrere sanum.
In gazo praeterea de labore mittere debes;
Sicut singularis illa, quam praetulit Vinctus.

PAUPERIBVS SANIS] Instructione praecedenti dixit, de infirmis & iacentibus: iam de valentibus & sanis, sed egenis; qui tamen artis suae quaestu parare sibi possunt unde se

Oij

exhibeant. Et hos quidem aliquid de subsidio artis suae conferre vult fratribus infirmis. ¶ PAUPERIES SANA] Eccl. xxx. 14. ΠΤΩΧΟC ΥΓΙΗΣ ΚΑΙ ΙCΧΥΩΝ ΤΗ ΕΞΕΙ.
 ¶ RESPONSOREM IN ALTO] qui sic respondet quasi despiciat, Proverb. 18. 25. *Cum obsecrationibus loquitur pauper.*
 ¶ BLANDVS ENIM SERMO] Blandus sermo saepe apud iratos plurimum valet, & gratia sua facit ut subsidant iracundo cristae. ut fervor detumeat. confutat animum iracundi fervidum. Sic Lucilius dixit: *Coquus ahenum cum feruit, paula confutat trua.* ¶ DERIGET] Rigorem solvit, emollit, fundit, liquefacit. Plautus eodem sensu dixit, dirigere, in Curcul. Clipeatus elephantum ubi machaera dirigit. hoc est, ita discindit aut transverberat, aut effuso sanguine praerigida belluae moles dissolvatur, aut divisa prosternatur. Glossae: ΑΠΕΥΘΥΝΩ, Derigo. ¶ PROVERBIUM NOSTI] Glossae veteres: ΘΕΟΛΟΓΙΑ, *Dei proverbium.* ¶ IN GAZO PRAETEREA] Suprà Instr. 55. *Non donum gazo paratis.* Glossae, Gaza, ΧΡΗΜΑΤΑ, ΠΕΡΙCΙΔΙ ΔΙΑΛΕΚΤΩ. Cyprianus: *Et Dominicum celebrare te credis, qui Corban non respicis?* Commod. 61. De die Dominica quid dicis? ¶ SINGULARIS ILLA] Vidua. Solitaria. ¶ VNCTVS] Christus. Tertul. Apologet. *Christianus, quantum interpretatio est, de unctione deducitur.* nomen de suauitate vel benignitate compositum.

73. Filios non lugendos.

*Filiorum casus licet & dolium cordis relinquat,
 In nigris exire tamen nec plangere fas est.
 Lex prudenter ait; animo, nec pompa, dolete.
 In Solomoniaco libro septimana finita.
 Oblita Dominum de resurrectione promissa.
 Si martyras feceris filios, sic voce deflebis?*

*Non pudet infrenem gentiliter plangere natos.
 Os laceras, tundis pectus, vestimenta deducis.
 Nec metuis Dominum cuius optas regnum videre?
 Luge quod fas est, noli tamen errare pro illis.
 Vos ideo tales, quod minus quam gentes estis:
 Germine Zabulico facitis ut turbae pronatae;
 Extinctos clamatis. qua gratia? false, peristi?
 Nec dolore duxit pater filium mactandū ad aram:
 Dolore nec vates filium luxit defunctum;
 Omnipotentis enim nec flens deducebat alumnum,
 Sed Deo devotus festinanter funus agebat.*

IN NIGRIS EXIRE] In luctu vestibis atris incedere
 mos fuit gentium quae spem resurrectionis non habebant, qui
 mortuos suos lugebant vt perditos, vt iam nullos. At Chri-
 stiani qui Fideles, Fratresque suos ad vitam aeternam migrasse,
 abiisse, praecessisse dicebant, non exhibant in nigris: ΤΟ ΓΑΡ
 ΜΕΛΛΑΝ ΘΑΝΑΤΩΔΕC. Itaque averfabantur omnia mor-
 tis praesagia. Nam & nigrum illud & ferele in tumultis Theta,
 & nigra in veste senescere, ad Christianos pertinere negabant,
 de vita post excessum aeterna certos. ¶ IN SOLOMONIACO
 LIBRO] Liber inscribitur Ecclesiasticus, Sapientia Jesu, filii
 Sirach. Solomoniacum librum vocat Commodianus, quia
 gnomas sive sententias continet ad exemplum Solomonis.
 ¶ SEPTIMANA FINITA] Ecclesiastici xxii. 13. *Luctus mor-
 tui septem dies.* Morem fuisse antiquissimum discimus ex histo-
 ria Jacobi, Genes. L. 10. & ex iis quae sunt ad eum locum &
 ad Siracidem ab doctis viris notata ex Philone & Am. Marcelli-
 no. ¶ GENTILITER PLANGERE] More gentium: Pau-
 lus ad Thessalonic. I. ΚΑΘ' ΩC ΚΑΙ ΟΙ ΛΟΙΠΟΙ, ΟΙ ΜΗ

ΕΧΟΝΤΕΣ ΕΛΠΙΔΑ. Scilicet resurrectionis. ¶ EXTINCTOS CLAMATIS] Vt suprā Instr. 30. Vixit. & , Extinxi. Extinctos Ethnici dicebant defunctos : Christiani, Praemissos ad Deum, translatos, evocatos à Domino. ¶ NEC DOLORE DVXIT PATER] Haec Abrahami & Davidis exempla ad communem hunc de filiis non lugendis locum citavit Ennodius Ep. Ticinensis, Ep. 1. lib. 11. ubi Sirmundus hosce Commodiani versiculos, & ipsius quidem Commodiani nomen, ab aevo Gennadii & Gelasii ignoratum primus indicavit. Eusebius, opusculo de resurrectione : *Noli enim quaerere si non est occisus Isaac : sed ex quo proposuit Pater, mortuus est patri Isaac.* pagina 51. editione Sirmondi. ¶ DEO DEVOTVS] Glossae. *Devotissimus*, ΚΑΘΟCΙΩΤΑΤΟC. Omnia pati & facere paratus.

74. De pompa funeris.

*De funeris pompa sollicitus esse qui quaeris,
Erras, Dei servus, adhuc in morte placere,
Pro! exanimum corpus ornari funestum.
O vanitas vera, cupere defunctis honorem.
Mens mundo detenta, nec in morte Christo deuota.
Proverbia nosti. per forum efferri volebat.
Adeo illi similes & fera mente viventes,
Faustum felicemq. diem in exitu vultis habere,
Vt coeat populus, laudem cum luctu videre,
Non provides quonam merearis ire defunctus.
Ecce prosequuntur illi, tu iam forte cremaris
Redactus in poenam. quid proderit pompa defuncto?*

*Incusatus eris qui ob ista collegia quaeris.
Sub Veione cupis vivere. te decipis ipsum.*

PROVERBIA NOSTI] Sic Julianus Caes. Dionysio cui-
dam: MYΘON AKHKOAC. &, ICTOPIAN EHICTA-
CAI. ¶ PER FORVM EFFERRI VOLEBAT] Quem-
admodum ille apud Horatium Gargilius, qui mane plagas, ve-
nabula, servos, Differtum transire forum populumque iubebat. ¶ QVI
OB ISTA COLLEGIA QVAERIS] Corporis artificum
Libitinariorum, qui funera ad ritum Ethnicum ministrabant
magnifico apparatu; numerosissima turba prosequentium fu-
nus & maiorum imagines. ¶ COLLEGIA QVAERIS]
Advocas, Sic Instr. 19. dixit collegium facere — simili col-
legio facto. ¶ SYB VEIOVE] Sub Idolis. In apogr. sub vigore.

75.

Clericis.

*Congruit in Pascha, die felicissimo nostro,
Laetentur & illi qui postulant sub acta diuina,
Erogetur eis quod sufficit, vinum & esca.
Respicite fonte quo memorentur ista pro vobis.
In modico sumptu deficitis Christo donare.
Cum ipsi non facitis, quo modo suadere potestis
Iustitiam Legis talibus? vel semel in anno.
Sic multos urget blasphemia saepe de vobis.*

CONGRVET IN PASCHA DIE FELICISS. N.]
Quo pignus & arrabonem accepimus resurrectionis in vitam
aeternam. ¶ QVI POSTVLANT SVMPA DIVINA]
In apographo superscriptum est: qui postulant sabata divina. Neu-
tra lectio probabilis mihi videtur: Ista vero sensum efficiet

huic Instructioni convenientissimum: *Laetentur & illi qui postulant sub acta divina.* Commendatur pietas erga pauperes; illos praesertim, qui postulant & rogant opem ac beneficia fidelium, sub id tempus, quo soluitur synaxis die Paschae; sub id tempus quo pronunciari solet missa, sive missio Paschalis: sub id tempus, quo dimittuntur fideles, peractis solennibus, peractis mysteriis, peractis rebus divinis. **RESPICITE FONTE QVO MEMORENTUR ISTA**] In apogr. *Respues de forte quo memorentur.* Quae sunt corruptissima. **CVM IPSI NON FACITIS**] Suprà, Instr. 69, dixit: *Observetque prius ut faciat ipse quae dicit.* Apollonius: ΔΕΙ ΓΑΡ ΝΟΜΟΘΗΤΗΝ Α ΠΕΠΕΙΚΕΝ ΕΑΥΤΟΝ, ΤΑΥΤΑ ΕΠΙΤΑΓΜΑΤΑ ΕΣΤΟΥΣ ΠΟΛΛΟΥΣ ΠΟΙΕΙΣΘΑΙ. Horatius. Si vis me flere, dolendum est primum ipsi tibi. Phariseorum est, dicere & non facere: imponere plebi onera, quae ipsi ne digito quidem velint attingere. **SIC MULTOS VRGVET BLASPHEMIA**] Hoc de seculi sui Clericis Commodianus. & Clerici vocabulum tunc pertinebat etiam ad Sacerdotem. Hoc de seculo quoque suo testatur etiam ad Eustochium Hieronymus: *Clerici ipsi, inquit, quos & magisterio esse oportuerat pariter & timori, osculantur capita matronarum, & extenta manu, ut benedicere eos putes velle, si nescias, pretia accipiunt salutandi. Illae interim quae Sacerdotes suo viderint indigere praesidio, eriguntur in superbiam. &c.* Quanta iam illis temporibus per Ecclesias spatia confecerat antichristus? iam ipsi praesides indigebant monitoris praesidio; & qui monitis suis regendae plebis pontificium susceperant, mala praevaricatione praesidium ipsi suum deferebant.

76. De fabulosis & silentio.

*Dum leve videtur cuicumq. neque vitatur,
Et quasi facile ruit, dum abuteris illud,*

Fabulae

*Fabulae subueniunt quo venisti fundere preces,
 Aut pulsare domum stomachi pro delicto diurno.
 Buccina praeconum clamat, lectore legente,
 Ut pateant aures, & tu magis obstruis illas;
 Luxaris labia, quibus ingemiscere debes.
 Obscra malis pectus, vel in pectore solue.
 Sed quia diuitibus faciunt pecuniae frontem,
 Inde perit omnis, quando sibi maxime fidunt.
 Sic feminae quoque coeunt quasi initient balneo,
 Et de domo Dei facitis ceu nundinas artent.
 Terruit sane Dominus domum orationis,
 Sacerdos Domini cum Susum corda praecepit;
 In prece fienda, ut fiant silentia vestra;
 Limpidere respondes, nec temperas quoque promissis.
 Exorat ille Altissimum pro plebe deuota,
 Ne pereat aliquis, & tute in fabulas vertis;
 Tu subrides ibi aut detrahis proximi famae;
 Indisciplinate loqueris, quasi sit Deus absens;
 Omnia qui fecit nec audiat neque cernat.*

DE FABVLOSIS] congerronibus, confabulatoribus.
 [DOMVM STOMACHI] Pectus. [STOMACHI] cor-
 dis, animi, conscientiae. [PRO DELICTO DIVRNO] In
 apogr. legitur, diuino. Delictum diurnum; cottidianae incur-
 sionis. [LUXARIS LABIA] Labia profanas, violas, dis-
 soluis luxu, nequitia. Ut à luxuria, luxuriari; sic à luxu, luxari,
 ΑΩΤΕΥΟΜΑΙ, Luxo, Luxurior. Festus: Luxantur à luxu

dictum, id est, Luxuriantur. ¶ QVASI INITIENT BALNEO] Quasi initent balneum. Et versu seq. *Et de domo Dei ceu nundinas facitis artent.* ¶ CEV NVNDINAS] OIKON EMPORIOY. Io. II. ¶ TERRVIT SANE DOMINVS DOMVM ORATIONIS] Cum intorto flagello eiecit collybistas. Io. II. ¶ SVSVM CORDA] Prisca formula poscentis attentionem & silentium. Glossae veteres: Sus, ANΩ, Susum, ΕΠΑΝΩ. Item. ANΩ, ΚΑΤΩ, Susum, Deorsum. ¶ PRO PLEBE DEVOTA] Pro omni fraternitate.

77.

Ebriosis.

*Ebriofo modum non pono, sed belluam malo.
Bibendo superbis, interior à mente recedis,
Regentis imperium tenens apud, stulte, Cyclopas:
Inde in historiis. dum mortuus non bibo, dicis.
Optima mihi bibere, & corda sapere.
Subministra magis, quid amplius quaeris abuti,
In summo pauperulo, & eritis ambo refectioni.
Si facias ista, extinguas tibi gehennam.*

EBRIOSO MODVM NON PROBO SED BELLV-
AM MALO] In apographo legitur: *Ebriofo modum non pono
sed bellua malor.* Et prima quidem lectione statim se obtulerat
emendatio: *Ebriofo modum non pono, sed bellua maior.* Unde appare-
bat iste sensus: Deditus ebrietati, modum sibi non ponit; nec
ponere monentem audit; sed maior bellua, maior helluo mo-
dum ponit combiboni suo, quem turbata mente crapula con-
sopitum prostravit; iam non mentis, non rationis compo-
tem; ac per hoc belluam. Sed haec sunt exquisita & coacta
nimis. Itaque placet ista simplicior scriptura: *Ebriofo modum*

non pono, sed belluam malo. ¶ BIBENDO SVPERBIS] In apogr. *supernis vel superius.* ¶ REGENTIS IMPERIUM TENENS APVD ST. CYCLOPAS] Polyphemi. ¶ INDE IN HISTORIIS] In fabulis, In Odyſſea, Gloſſae: ICTOPIAI, *Monimenta.* Hefych. ICTOPEI, MYΘEYEI. ICTOPIA, ΜΑΡΤΥΡΙΑ, ΚΑΙ ΤΑ ΟΜΟΙΑ. ¶ OPTIMA MIHI BIBERE] Hoc ex persona ſua Commodianus apponit: Intelligit autem bibere vitam aeternam, per evangelia, praecepta & exempla Chriſti. ¶ EXTINGVIS TIBI GEHENNAM] Alludit ad hiftoriam divitis purpurati, cuius lingua apud inferos tam ardenti cruciatu vrebatur, vt de Lazari digito inſtillari ſibi aquae tantillum pro ſummo levamine exoptaret Lucae, xvii.

78.

Paſtori.

*Pſcere qui quaeris, & quod potuiſti paraſti,
Aſidue pſcendo recte feciſti.*

Sed tamen inuiſe pauperem qui te non repaſcat.

Tunc erit menſa tua per unum Deum probata.

Omnipotens tales vel maxime paſci praecepit.

Reſpice cum paſcis inſirmos, & feneras Alto.

In illo vos Dominus voluit probatos adeſſe.

PASTORI] Convivatori. ECTIATOPI. ¶ PAUPEREM QUI TE NON REP.] Inſtr. 61. ¶ FENERAS ALTO] Cypr. lib. de diſcipl. *Patrimonium tuum Deo fenera; Chriſtum ciba.*

79.

Oranti.

Orantem ſi cupias exaudiri de coelo.

Rumpe de latibulis nequitiae vincla.

P ij

*Aut si benefactis ores miseratus egenis,
Ne dubites quin quod petieris detur oranti.
Tu sane si nudus benefactis Deum adores,
In totum ne facias sic orationes inepte.*

DE LATIBVLIS] De intimo recessu cordis ; de penetrabilibus mentis tuae. [ORES MISERATVS EGENIS] Paulinus, ep. 34. Aliud est quando tu solus oras pro te : & aliud quando multitudo pro te apud Deum trepidat.

80.

Nomen Gazaei.

*Incolae coelorum futuri cum Deo Christo
Tenente principium, vidente cuncta de coelo.
Simplicitas, bonitas, habitet in corpore vestro.
Iraisci nolite sine causa fratri de voto.
Recipietis enim quicquid feceritis ab illo.
Hoc placuit Christo, resurgere mortuos imo,
Cum suis corporibus, & quos ignis ussit in aeuo
Sex millibus annis completis mundo finito.
Vertitur interea coelum tenore mutato :
Comburentur enim impii tunc igne divino.
Ira Dei summi ardet creatura gemendo.
Digniores, stemmate & generati praeclaro,
Nobilesque viri sub Antichristo deuicto,
Ex praecepto Dei rursus viventes in aeuo,
Mille quidem annis ut seruiant sanctis & Alto,*

Sub iugo seruili, ut portent victualia collo;
Vt iterum autem iudicentur regno finito.
Nullificantes Deum, completo millesimo anno.
Ab igne peribunt, cum montibus ipsi loquendo.
In bustis & tumultis omnis caro redditur acto,
Demerguntur inferno, trahunt poenas in aevo.
Ostenduntur illis & legunt gesta de coelo.
Memoria prisca debito & merita digno.
Merces in perpetuo secundum facta Tyranno.
Omnia non possum comprehendere paruo libello.
Curiositas docti inueniet nomen in isto.

NOMEN GAZAEI] Id est Commodiani; à Gaza, Gazaeus: à Commodis Commodianus. Commoda autem dicuntur opes, diuitiae, gaza. Glossae veteres: *Commoda*, ΑΥCΙΤΕΑΗ, ΧΡΗΜΑΤΑ.] ¶ ET QVOS IGNIS VSSIT IN AEVO] Legibus Caesarum de poenis, summa fuit ignium poena. Christiani vero, etiam in corporibus defunctorum, rogos & busta exhorrescebant, praesaga formidine ignis illius aeterni. Hoc igitur in primis curabant, ut martyrio deuotis obfirmarentur animi adversus ignium tormenta. Petrus, Ep. i. hortatur Christianos ne expavescant martyrium si per ignes & vstionem corporis accidat, nec exhorreant ut rem novam, inauditam, inusitatam aut alienam Christianis. ΜΗ ΞΕΝΙΖΕΘΕ ΤΗΝ ΥΜΙΝ ΠΥΡΩΣΕΙ. Cyprianus, Ep. 56. Nolite mirari ardorem accidentem vobis, qui ad tentationem vestram fit, &c. ubi etiam observavimus nonnihil. Atque haec parodia sic fuerit Christiana: *O quantos aestus, quantos patiere labores! Si fuerint ignes res peregrina tibi.* ¶ SEX MILLIBVS ANNIS COMPLETIS] Justinus Martyr, Dial. cum Tryph. Jud. pag. 307. hoc se

P iij

cum plerisque aliis recte sentientibus credere profitetur: ΕΓΩ
 ΔΕ, ΚΑΙ ΟΙ ΤΙΝΕΣ ΕΙΣΙΝ ΟΡΘΟΓΝΩΜΟΝΕΣ ΚΑΙ
 ΠΑΝΤΑ ΧΡΙΣΤΙΑΝΟΙ, ΑΝΑΚΤΑΙΝ ΚΑΙ ΧΙΛΙΑ
 ΕΤΗ ΕΝ ΙΕΡΟΥΣΑΛΗΝ, &c. Huiusce temporis, annorum
 sex mille consummationem sic putabat circa an. Chr. 369. Q.
 Julius Hilario, quem sarcinatores Bibliothecae Patrum edide-
 runt ex bibliotheca Patri Pithoei; *Apasione Domini Christi, ex
 quo tempore fide in se credentibus resurrectionem pollicitus Dei filius,
 anni compleantur necesse est quadringenti & septuaginta, ut concluda-
 tur summa sex millium annorum. Septimo millesimo incipiente, fide
 vera credentes liberabuntur è mundo. Tunc enim erit resurrectio pri-
 ma sanctorum. De quadringentis vero & septuaginta annis à passione
 Domini in consulatum Caesaris & Attici, die nono Cal. April. anni
 transierunt trecenti sexaginta novem. Restant itaque anni centum &
 unus, ut consummentur anni sex mille, &c.* ¶ CVM MONTIBVS
 IPSI LOQVENDO] Lucae 23. Tunc incipient dicere mon-
 tibus, Cadite super nos: & collibus, Operite nos. Quod Oseas
 praedixerat. x. 8. ¶ OMNIS CARO REDDITVR ACTO]
 Redditur & restituitur vnà cum actis & operibus cuique suis; vt
 secundum ea que gessit quisque, ad coronam aut ad gehennam
 mittatur. ¶ CVRIOSITAS DOCTI INVENIET NO-
 MEN IN ISTO] Ab hoc postremo poematii versu susum re-
 legens per litteras versuum primas inveniet, COMMODIA-
 NVS MENDICVS CHRISTI. & pro titulo: Nomen Ga-
 zeï, quod est Commodiani, à gazo sive gazophylacio.

GENNADIUS
MASSILIENSIS EPISCOPUS
LIB. DE VIRIS ILLUSTRIBUS.



Ommodianus, dum inter seculares literas etiam nostras legit, occasione accepit Fidei. Factus itaque Christianus, & volens aliquid studiorum suorum muneris offerre Christo suae salutis Auctori, scripsit mediocri sermone quasi versu, aduersus Paganos. Et quia Patrum nostrorum attigerat literas, magis illorum dogmata destruere potuit, quam nostra firmare. Vnde & de divinis repromissionibus aduersum illos vili satis & crasso ut ita dixerim, sensu differuit: stuporem illis, nobis desperationem incutiens; Tertullianum & Lactantium & Papiam auctores secutus. Moralem sane doctrinam, & maxime voluntariae paupertatis amorem, optime persecutus studentibus inculcavit.

INSTRUCTIONVM
ACROSTICHA

- | | |
|-------------------------------|---------------------------|
| 1. Praefatio. | 15. Hercules. |
| 2. Indignatio Dei. | 16. De Diis Deabusque. |
| 3. Cultura Daemonum. | 17. De simulacris eorum. |
| 4. Saturnus. | 18. De Ammudate & Deo. |
| 5. Iupiter. [Audite. | magno. |
| 6. De fulmine ipsius Iouis. | 19. Nemefiacis vanis. |
| 7. De Septizonio & Stellis. | 20. Titanes. |
| 8. De Sole & Luna. | 21. Montefianis. |
| 9. Mercurius. | 22. Hebetudo saeculi. |
| 10. Neptunus. | 23. De vbique paratis. |
| 11. Apollo fortilegus falsus. | 24. Inter vtrumque viven- |
| 12. Liber, Pater, Bacchus. | tibus. |
| 13. Inuictus. | 25. Qui timent & non cre- |
| 14. Silvanus. | dunt. |

- | | | | |
|-----|---------------------------|-----|--------------------------|
| 26. | Repugnantibus aduersus | 53. | Militibus Christi. |
| | legem Christi. | 54. | De refugis. |
| 27. | Stulte, non permoreris | 55. | De lolii semine. |
| | Deo. | 56. | Diffimulatori. |
| 28. | Iusti resurgunt. | 57. | Secularia in totum fu- |
| | | | gienda. |
| 29. | Diuiti incredulo malo. | 58. | Christianum talem esse. |
| 30. | Diuites humiles estote. | 59. | Matronis Ecclesiae Dei |
| 31. | Iudicibus. | | viui. |
| 32. | Sibi placentibus. | 60. | Item ipsis. |
| 33. | Gentilibus. | 61. | In Ecclesia, omni popu- |
| 34. | Item Gentilibus ignaris. | | lo Dei. |
| 35. | De ligno vitae & mortis. | 62. | Martyrium volenti. |
| 36. | De Crucis stultitia. | 63. | Bellum cottidianum. |
| 37. | Qui iudicidiant fanatici. | 64. | De zelo concupiscentiae. |
| 38. | Iudaeis. | 65. | Qui de malo donant. |
| 39. | Item Iudaeis | 66. | De pace subdola. |
| 40. | Iterum ipsis. | 67. | Rectoribus. |
| 41. | De Antichristi tempore. | 68. | Ministris. |
| 42. | De populo absconso san- | 69. | Pastoribus Dei. |
| | cto omnipotentis Dei | 70. | Maiores natis dico. |
| | viui. | 71. | Infirmum sic visita. |
| 43. | De saeculi istius fine. | 72. | Pauperibus sanis. |
| 44. | De resurrectione prima. | 73. | Filios non lugendos. |
| 45. | De die iudicii. | 74. | De pompa funeris. |
| 46. | Catecuminis. | 75. | Clericis. |
| 47. | Fidelibus. | 76. | De fabulosis & silentio. |
| 48. | Fideles caute malum. | 77. | Ebrios. |
| 49. | Paenitentibus. | 78. | Pastori. |
| 50. | Qui apostatauerunt Deo | 79. | Oranti. |
| 51. | De infantibus. | 80. | Nomen Gazaei. |
| 52. | Desertores. | | |



OMISSA QVAEDAM,
SIC REPONENDA SVIS LOCIS.

INSTR. I. PER LIT. VERS. PR.] Eugenius Ep. Toletanus, cujus opuscula Jac. Sirmondus edidit, epitaphia duo scripsit per litteras versuum primas & vltimas.

INSTR. V. IVPITER] Acrosticha sibi volunt, *Iuppiter*.

INSTR. XI. Hesych. ΔΙΨΥΧΙΑ, ΑΠΟΡΙΑ. Commodianus dixisset, *Bicordia*.

INSTR. XVII. STIREM VT TOLLANT INGENIA TALIA QVAERVNT] Suprà, eâdem Instr. dixit: Dum vitam suam extricare quaerunt. Talia vero iam aevo suo agytarum ingenia fuisse testatur auctor libri De morbo sacro, qui vulgo fertur Hippocratis: ΑΝΘΡΩΠΟΙ ΒΙΟΥ ΔΕΟΜΕΝΟΙ ΠΟΛΛΑ ΚΑΙ ΠΑΝΤΟΙΑ ΤΕΧΝΕΟΝΤΑΙ ΚΑΙ ΠΟΙΚΙΛΛΟΥΣΙΝ.

INSTR. XIX. pag. 33. ΚΟΠΡΙΟΣ ΑΝΗΡ ΩΣ ΑΠΟ ΔΗΜΟΥ.

INSTR. XXVI. Laetitos dies. Laetitia. Vetus interpres latinus Epistolae quae dicitur Barnabae, ΕΥΦΡΟΣΥΝΗΝ vertit, *laetationem*. In edit. Paris. pravè legitur: *legationem*. pag. 56.

INSTR. XXXVI. pag. 56. Legendum, Crucifultitia.

INSTR. XXXVII. Legendum, Quid? medius Judacus, medius vis esse profanus.

INSTR. XLV. Legendum:

Dat gemitum terra verum, tunc in vltima fine

Iter agentes, & tunc increduli cuncti.

Euitante tamen sanctorum castra suorum.

In vna flamma conuertitur tota natura.

ITER AGENTES] Praefinitum in terra vivendi spatium peragentes. Vel, *In terra agentes*. EVITANTE TAMEN] Vt suprà, Instr. 43. *Iustos autem non tanget ignis.*

INSTR. XLVIII. Ipsis incanta j. q. c. tr. mentis. Disrupto

vocabulo, *Incantamentis*. quo fit vt versus etiam videatur disruptus. Consimiliter lusit Eugenius ille Toletanus, ad quendam Joannem, cui displicebant versus nexi,

O, *Io*, versiculos nexos qui despicias, *hannes*.

Accipe *di* sollers si nosti iungere *uisos*.

Haec illius aevi technopaignia fuere.

INSTR. LXI. PRANDIA AB EO PROSPICE TOBIA] Propius accedet ad vestigia scripturae quae est in apographo: *Prandia ab eo prospice Tobo*. Sic in Bibliorum Theodulfi praefatione aureis literis, *Liber Tobii*. Et in veteri canone Scripturarum apud Anastasium Patr. C. P. *Tobe & Tobias*. Graecè ΤΩΒΙΤ ΚΑΙ ΤΩΒΙΑΣ. Et apud Suidam, ΤΩΒΗΤ, ΟΝΟΜΑ ΚΥΡΙΟΝ, ΚΑΙ ΤΩΒΙΑΣ ΟΜΟΙΩΣ. Pater vocatur ΤΩΒΗΤ, vel ΤΩΒΙΤ, Filius ΤΩΒΙΑΣ.

INSTR. LXV. QUIDE MALO DONANT] Ignatius ad Trallianos. ΠΑΡΑΙΝΕΙ ΤΙΣ ΤΩΝ ΠΑΛΑΙΩΝ, ΜΗΔΕΙΣ ΑΓΑΘΟΣ ΛΕΓΕΣΘΩ ΚΑΚΩ ΤΟ ΑΓΑΘΟΝ ΚΕΡΑΝΝΥΣ.

INSTR. LXVIII. MYSTERIVM CHRISTI ZACONES] Idem Ignatius ad Trall. ΔΕΙ ΔΕ ΚΑΙ ΤΟΥΣ ΔΙΑΚΟΝΟΥΣ ΟΝΤΑΣ ΜΥΣΤΗΡΙΩΝ ΧΡΙΣΤΟΥ ΙΗΣΟΥ ΚΑΤΑ ΠΑΝΤΑ ΤΡΟΠΟΝ ΑΡΕΣΚΕΙΝ &c.

INSTR. LXXIII. IN NIGRIS EXIRE] Vt mos erat gentium minimè Christianarum. Julius Paulus, Sententiarum lib. i. Tit. de Sepulcris & Lugendis. *Qui luget, abstinere debet à conviviiis, ornamentis, purpura & alba veste*. Atra vestis conveniens luctui color, tristior habitus.

INSTR. LXXX. COMPLETO MILLESIMO ANNO] Epistola quae tribuitur Barnabae, pag. 54. ΟΥΚ ΟΥΝ ΤΕΚΝΑ ΕΝ ΕΞ ΗΜΕΡΑΙΣ, ΕΝ ΤΟΙΣ ΕΞΑΚΙΣΧΗΛΙΑΙΟΙΣ ΕΤΕΣΙ, ΣΥΝΤΕΛΕΣΘΗΣΕΤΑΙ ΤΑ ΠΑΝΤΑ. Vetus interpret latinus: *Vnde scire debetis, quia in sex millia annorum consummabuntur omnia*.

ERRATA


In praefatione, Pag. 4. lin. 15. non diffitetur. Pag. 9. INSTRUCTIONS. Pag. 19. ΖΩΔΙΑ. Pag. 23. frequenter moueri. Pag. 28. Exportari. Pag. 29. Liuius, lib. 38. cap. 19. Pag. 46. Excruciant. Pag. 58. Concil. Garthag. Pag. 100. Quinas qui capiti mercedes.




Pag. 9. Cognominl cuidam inscribta est lex 17. C. Fam. herc. & inter vet. &c. Pag. 51. lin. 30. ΑΙΧΡΟΝ. Pag. 93. lin. 22. *Optas tu in castris pacem; foras ille repugnat.* Pag. 97. ΗΕΙΡΑΤΗΡΙΟΝ.





SVMMA PRIVILEGII.


 *Autum est auctoritate Regis Christianissimi, ne quis in Regno Franciae, librum sub hoc titulo: Commodiani Instructiones aduersus Gentium Deos, pro Christiana disciplina, nunc primum typis mandatae, cum Obseruationibus NICOLAI RIGALTII, absque permissu Simonis Belgrand & Ioannis Laurentij bibliopolarum Tullensium intra decennium, imprimat aut diuendat, publicationis exemplarium, si quis secus fecerit, multa, & alia etiam arbitraria, indicta, prout amplius in ipso diplomate continetur, dato Parisijs tricesima Aprilis, anno Domini millesimo sexcentesimo quinquagesimo.*


LE BRVN.





























005647551

